

II LĒK-TĀI-CHÌ-LIÓK (14)

1 Tāi-pit ê kiáⁿ Sók-lô-bûn kok-ūi kian-kò[·], Iâ-hô-hoa i ê Siōng-tè kap i tī--teh, hō[·] i put-chí toā heng-ōng. ²Sók-lô-bûn tui Í-sek-liát cheng-lâng kóng, chiū-sī chhian-chóng, pé-chóng, sím-phoàⁿ-si, í-kíp thong Í-sek-liát ê siú-léng kap chók-tiúⁿ. ³Sók-lô-bûn kap hoē-chiong lóng khi kàu Ki-piàn ê soaⁿ-thâu-toāⁿ, tī-hia ū Siōng-tè ê hoē-bō[·], chiū-sī Iâ-hô-hoa ê lô-pók Mô-se tī khòng-ia só[·] chō--ê. ⁴Tók-tók Siōng-tè ê kūi, Tāi-pit í-keng tui Ki-liát iâ-lim toà i chiūⁿ-khi kàu Tai-pit thoè i pī-pān ê só[·]-chāi; in-ūi i bat thoè i tah pò[·]-pīⁿ tī Iâ-lō[·]-sat-léng. ⁵Koh Hō[·]-ní ê sun, O[·]-lī ê kiáⁿ, Pí-sat-liát só[·] chō ê tâng-toāⁿ iā tī-hia, tī Iâ-hô-hoa hoē-bō[·]-chēng; Sók-lô-bûn kap hoē-chiong chiū-kūn i. ⁶Sók-lô-bûn chiūⁿ kàu Iâ-hô-hoa bīn-chēng ê tâng-toāⁿ, chiū-sī tī hoē-bō[·] hia, hiàn sio-chè chit-chheng tī hit téng-bīn.

⁷Hit-mī Siōng-tè tui Sók-lô-bûn chhut-hiān, kā i kóng, Lí ài Goá siúⁿ-sù lí sím-mih, lí thang kiū lah. ⁸Sók-lô-bûn tui Siōng-tè kóng, Lí bat tui goá ê lâu-pē Tāi-pit toā si chū-ài, koh hō[·] goá soà-chiap i choè ông. ⁹Iâ-hô-hoa Siōng-tè ah, taⁿ kiū Lí kiáⁿ Lí só[·] èng-ún goá ê lâu-pē Tāi-pit ê oē; in-ūi Lí siat-lip goá choè chit ê peh-sìⁿ ê ông, in chhin-chhiūⁿ toē-chiūⁿ ê thô[·]-soa chit-iūⁿ. ¹⁰Kiū Lí siúⁿ-sù goá tì-hūi chhang-miā, hō[·] goá thang chhut-jip tī chit ê peh-sìⁿ ê bīn-chēng; in-ūi chī-chui oē sím-

phoàⁿ Lí hiah-toā kok ê peh-sìⁿ ah? ¹¹Siōng-tè tui Sók-lô-bûn kóng, Lí í-keng ū chit-hō sim, bô kiū hē-chāi, hó-giáh, chun-kui, kap lí ê tui-ték ê sìⁿ-miā, iā bô kiū ka-kī tng hē-siū; tók-tók ūi ka-kī kiū tì-hūi chhang-miā, hō[·] lí thang sím-phoàⁿ Goá ê peh-sìⁿ, chiū-sī Goá siat-lip lí choè in ê ông ê; ¹²sók-í siúⁿ-sù lí tì-hūi chhang-miā; Goá iā beh siúⁿ-sù lí hē-chāi, hó-giáh, chun-kui; tī lí í-chēng ê liat-ông lóng bô ū án-ni, tī lí í-āu iā bô beh ū án-ni ê. ¹³Tui án-ni Sók-lô-bûn tui Ki-piàn soaⁿ-thâu-toāⁿ hoē-bō[·]-chēng tò-lai Iâ-lō[·]-sat-léng, choè-ông koán-lí Í-sek-liát.

¹⁴Sók-lô-bûn chū-chip chiàn-chhia bé-peng; ū chiàn-chhia chit-chheng sì-pah tiuⁿ, bé-peng chit-bān nng-chheng miā; an-tī tī tún-chhia ê siáⁿ, iā kap ông tī Iâ-lō[·]-sat-léng. ¹⁵Ông tī Iâ-lō[·]-sat-léng hō[·] kim-gūn chhin-chhiūⁿ chiòh-thâu, hō[·] pek-hiuⁿ-chhiūⁿ chhin-chhiūⁿ pīⁿ-iūⁿ ê sng-chāi-chhiūⁿ, in-ūi chin-choē. ¹⁶Sók-lô-bûn só[·] ū ê bé sī tui Ai-kíp lai ê; chiū-sī ông ê seng-lí-lâng chit-tin chit-tin chiàu kè-chiⁿ boé--lai ê. ¹⁷In tui Ai-kíp boé--lai ê chia, múi-tiuⁿ tát gūn lāk-pah sià-khek-lék; bé múi-phit chit-pah gō[·]-cháp; Hek-lêng chia ê ông kap A-lân chia ê ông lóng tui in keng-chhiú chiàu án-ni toà chhut-lai.

2 Sók-lô-bûn tiāⁿ-tiòh ì-sù beh ūi Iâ-hô-hoa ê miā khí tiān-tng, iā ūi ka-kī ê kok khí hông-kiong. ²Sók-lô-bûn chiū keng thiau-hu chhit-

bān, chiūⁿ-soaⁿ phah-chiòh-ê poeh-bān, tok-kang-ê saⁿ-chheng lāk-pah. ³Só·lô-bûn chhe lāng khi kìⁿ Chhui-lô ông, Hō·lân, kóng, Lí bat ũn pek-hiuⁿ-chhâ hō· goá ê lâu-pē Tāi-pit khí chhù lāi khiā-khí, kiū lí iā chiàu án-ni khoán-thāi goá. ⁴Khoàⁿ ah, goá beh ũi-tiòh Iâ-hô-hoa goá ê Siōng-tè ê miâ khí tiān, hun-piat choè-sèng hiàn-hō· I, thang tī I ê bīm-chêng sio phang-liāu ê hiuⁿ, siōng-siōng kiong-kip pāi-liát ê piáⁿ, ták chá-àm, an-hioh-jit, gēh ê chhoe-it, kap Iâ-hô-hoa, goán ê Siōng-tè, só· tiāⁿ-tiòh ê choeh-kí, hiàn sio-chè. Che sī Í-sek-liát lāng éng-oán ê lē. ⁵Goá só· beh khí ê tiān chin-toā, in-ūi goán ê Siōng-tè chin-toā, iāⁿ-kè lóng-chóng ê siōng-tè. ⁶Thiⁿ kap thiⁿ-tég ê thiⁿ siōng-chhiáⁿ bô kàu-giáh thang hō· I khiā-khí, chī-chui oē ũi-tiòh I khí tiān ah? goá sī sím-mih hō lāng thang kā I khí tiān mah? put-kò tī I ê bīm-chêng sio-hiuⁿ nā-tiāⁿ. ⁷Taⁿ kiū lí chhe chit-lāng kàu goá chia, chiū-sī gâu choè kim, gūn, tâng, thih, kap chí-sek, chu-âng-sek, lâm-sek ê liāu ê, iā cheng-kong tī ták-hāng tiau-khek ê kang, thang kap hiah ê kap goá tī Iū-tāi Iâ-lō·sat-léng gâu ê sai-hū saⁿ-kap choè-kang, chiū-sī goá ê lâu-pē Tāi-pit só· pī-pān ê. ⁸Koh kiū lí tui Lī-pa-lùn ũn pek-hiuⁿ-chhiū, siōng-chhiū, toāⁿ-hiuⁿ-chhiū, kàu goá chia; in-ūi goá chai lí ê lô·pók gâu chhò Lī-pa-lùn ê chhiū; khoàⁿ ah, goá ê lô·pók beh kap lí ê lô·pók saⁿ-kap choè; ⁹án-ni thang kā goá pī-pān choē-choē chhâ-liāu; in-ūi goá só· beh khí ê tiān sī toā koh kī-biāu. ¹⁰Lí ê lô·pók chhò-chhiū, khoàⁿ ah, goá beh hō· in hó ê sió-bēh nng-bān ko-ní, toā-bēh nng-bān ko-ní, chiú nng-bān pà-ték, iū nng-bān pà-ték.

¹¹Chhui-lô ông Hō·lân hē-phoe ìn Só·lô-bûn kóng, In-ūi Iâ-hô-hoa thiàⁿ I ê peh-siⁿ,

chiū siat-líp lí choè in ê ông. ¹²Hō·lân koh kóng, Chhòng-chō thiⁿ toē ê Iâ-hô-hoa, Í-sek-liát ê Siōng-tè, sī eng-kai o-ló--ê; I siúⁿ-sù Tāi-pit ông chit ê tì-hui ê kiáⁿ, hō· i ũ chhang-miâ gâu kè-bô·, thang ũi-tiòh Iâ-hô-hoa khí tiān koh ũi i ê kok khí hông-kiong. ¹³Taⁿ goá chhe chit ê cheng-kong chhang-miâ ê lāng khi, sī goá ê lâu-pē Hō·lân só·-êng--ê. ¹⁴I sī Tàn ê chi-phài chit ê hū-jīm-lāng ê kiáⁿ, i ê lâu-pē sī Chhui-lô lāng; i gâu choè kim, gūn, tâng, thih, chiòh, chhâ, kap chí-sek, lâm-sek, iū-toē pò·, chu-âng-sek, iā oē hiáu-tit ták téng-hō ê tiau-khek, iā oē siūⁿ-chhut ták téng-hō ê kang; hō· i kap lí gâu ê sai-hū, í-kip lí ê lâu-pē, goá ê chú Tāi-pit, gâu ê sai-hū saⁿ-kap choè. ¹⁵Taⁿ goá ê chú só· kóng ê sió-bēh, toā-bēh, iū, chiú, goān ũn lāi hō· chiah ê lô·pók. ¹⁶Goán beh chiàu lí só· khiām-ēng--ê tui Lī-pa-lùn chhò-chhiū, ká kui-pāi phū tī hái--nih ũn kàu Iok-phàⁿ; lí chiū thang ũn kàu Iâ-lō·sat-léng.

¹⁷Só·lô-bûn sng khiā-khí tī Í-sek-liát toē ê chhut-goā lāng, chiàu i ê lâu-pē Tāi-pit só· sng ê, kè-kiōng ũ cháp-gō·bān saⁿ-chheng lāk-pah miâ. ¹⁸I hō· chhit-bān lāng choè thiau-hu, poeh-bān lāng tī soaⁿ--nih phah-chiòh, saⁿ-chheng lāk-pah lāng kam-tok in choè-kang--ê.

3 Só·lô-bûn tâng-kang khí Iâ-hô-hoa ê tiān tī Iâ-lō·sat-léng, Mô·lī-a ê soaⁿ, chiū-sī Iâ-hô-hoa tui i ê lâu-pē Tāi-pit chhut-hiān ê só·chāi; Tāi-pit bat tiāⁿ-tiòh hit ê toē tī Iâ-pò·su lāng O-jīm-lâm ê gō·kak-tiūⁿ. ²Só·lô-bûn chē-ūi tē-si nī, jī-gēh chhoe-jī, tâng-kang lāi khí. ³Só·lô-bûn só· hē ê toē-ki, beh khí Siōng-tè ê tiān ê, kì tī ē-toé: tng lāk-cháp tiú, khoah jī-cháp tiú, lóng sī chiàu kó·chá ê chhùn-chhiòh. ⁴Thâu-chêng ê lōng tng

jī-cháp tiú, kap tiān ê khoah pīⁿ-pīⁿ; koāiⁿ chít-pah jī-cháp tiú, lāi-bīn an hó-kim. ⁵Toā-keng tiān ê piah ēng siông-chhiū ē chhâ khàm i; ēng hó-kim an i; téng-bīn khek chó-chhiū kap liān-á. ⁶Ēng pó-chiòh siuⁿ hit keng tiān, hō i chin súi; só ēng ê kim lóng sī Pa-oá-im ê kim. ⁷Koh ēng kim an tiān, kap thong-niū, hō-tēng, chhiūⁿ-piah, m̄ng-siⁿ; piah-téng khek ki-lō-peng. ⁸Koh khí Chì-sèng-só, tng jī-cháp tiú, kap tiān ê khoah pīⁿ-pīⁿ, i ê khoah iā sī jī-cháp tiú; ēng hó-kim an, kè-kiōng lāk-pah tha-liān-tek. ⁹Tēng ê kim-teng tâng gō-cháp sià-khek-lék. Lâu-koh lóng an-kim. ¹⁰Chì-sèng-só ê lāi-bīn, chiàu choè-siōng ê hoat, chhòng n̄ng ê ki-lō-peng, ēng kim an i. ¹¹Hiah ê ki-lō-peng ê sít, kiōng tng jī-cháp tiú, chít ê ki-lō-peng chít ki sít tng gō-tiú, chhun kàu tiān chít-pēng ê piah, hit ki sít iā sī gō-tiú, chhun kàu hit ê ki-lō-peng ê sít. ¹²hit ê ki-lō-peng chít ki sít iā sī gō-tiú, chhun kàu tiān hit-pēng ê piah; hit ki sít iā sī gō-tiú, kap chít ê ki-lō-peng ê sít saⁿ-chiap. ¹³Hiah ê ki-lō-peng thí-khui sít, kiōng jī-cháp-tiú, in ê kha teh khiā, bīn òng lāi-bīn. ¹⁴Koh ēng lâm-sek, chí-sek, chu-àng sek ê liāu, kap iù-toē-pò, choè tiūⁿ; siù ki-lō-peng tī i ê téng-bīn.

¹⁵Tī tiān-chēng chhòng n̄ng ki thiāu, koāiⁿ saⁿ-cháp-gō tiú, múi ki thiāu ê thiāu-táu, koāiⁿ gō-tiú. ¹⁶Koh choè liān-á an tī thiāu-táu; koh choè siāh-liū chít-pah liáp, an tī liān-á-téng. ¹⁷Hiah ê thiāu chhāi tī tiān-chēng, chít-ki tī chiàⁿ-pēng, chít-ki tī tò-pēng; chiàⁿ-pēng-ê hō miā kiò Ngá-kun, tò-pēng-ê hō miā kiò Pho-a-su.

4 I koh chhòng chít chō tâng-toāⁿ, tng jī-cháp tiú, khoah jī-cháp tiú, koāiⁿ cháp tiú. ²Koh chù chít ê tâng-hái, khoán-sit sī iⁿ--ê,

koāiⁿ gō-tiú; tui chít-pēng kàu hit-pēng cháp-tiú, iⁿ-khoan saⁿ-cháp tiú. ³I ê ē-bīn ū pū-á ê khoán ūi i, múi-tiú cháp-liáp, lāi ūi hit ê tâng-hái; pū-á ū n̄ng-choā, chù tâng-hái ê sī soà chù i. ⁴Tâng-hái khoà tī cháp-jī chiaⁿ tâng-gū ê téng-bīn, saⁿ-chiaⁿ òng pak, saⁿ-chiaⁿ òng sai, saⁿ-chiaⁿ òng lâm, saⁿ-chiaⁿ òng tang; tâng-hái hē tī gū ê téng-bīn, gū-bé òng lāi-bīn. ⁵Tâng-hái kàu chít pa-chiúⁿ ê khoah; i ê kīⁿ chhin-chhiūⁿ poe ê kīⁿ, chhin-chhiūⁿ pek-háp-hoe; thang toé saⁿ-chheng pà-ték. ⁶Koh chhòng cháp ê phún, hē gō-ê tī chiàⁿ-pēng, gō-ê tī tò-pēng, thang soé tī-hia; hiàn sio-chè só ēng ê mih, soé tī hit lāi-bīn; tók-tók tâng-hái sī hō chē-si thang soé.

⁷Koh chiàu in ê thē-sek chō cháp-ê kim ê teng-tái, hē tī tiān-lāi, gō-ê tī chiàⁿ-pēng, gō-ê tī tò-pēng; koh chhòng cháp-tè toh hē tī tiān-lāi, gō-tè tī chiàⁿ-pēng, gō-tè tī tò-pēng; koh chhòng chít pah tè kim-oáⁿ. ⁹Koh khí-chō chē-si ê iⁿ, kap toā-iⁿ, í-klp iⁿ-m̄ng; ēng tâng an hiah ê m̄ng. ¹⁰Ēng tâng-hái hē tī tiān ê chiàⁿ-pēng, tang--sì òng-lâm. ¹¹Hō-lân koh chhòng poāⁿ, thuh-á, oáⁿ.

Án-ni Hō-lân ūi Sók-lô-bún ông tī Siōng-tè ê tiān só choè ê kang lóng oân; ¹²chiū-sī n̄ng ki thiāu, kap hiah ê poāⁿ, kap thiāu-téng n̄ng ê thiāu-táu, kap khàm thiāu-téng n̄ng ê thiāu-táu ê poāⁿ ê bāng. ¹³Koh ū siāh-liū sī-pah liáp, an tī n̄ng ê bāng; múi ê bāng ū siāh-liū n̄ng-choā, khàm tī thiāu-téng n̄ng ê thiāu-táu ê poāⁿ; ¹⁴koh chhòng hiah ê chō, kap chō-téng ê phún; ¹⁵tâng-hái chít-ê, kap i ê ē-bīn ê gū cháp-jī chiaⁿ. ¹⁶I ê lāu-pē Hō-lân ēng kng-liāng ê tâng, ūi Sók-lô-bún ông ūi Iā-hô-hoa ê tiān, choè poāⁿ, thuh-á, bah-chhe, kap ták-iūⁿ ê khi-kū. ¹⁷Ông tī Iok-tàn pīⁿ-iūⁿ, So-kat kap Sat-lī-tàn ê tiong-kan, tī

liâm-thô· ê toē chù-chiâⁿ--ê. ¹⁸Án-ni Sô·lô·bún choè hiah ê it-chhè ê khi-kū chin-choē; tâng ê khin-tāng boē tit-tiōh chai. ¹⁹Sô·lô·bún iā chhòng Siōng-tè tiān-lāi it-chhè ê khi-kū, kap kim ê toāⁿ, kap pài-liát piáⁿ hiah ê toh; ²⁰kap hó-kim ê teng-tâi, kap i ê teng, thang chiàu-lē tiám tī āu-tiān ê thâu-chêng. ²¹I ê hoe, i ê teng, kap khiⁿ, lóng sī kim--ê, koh sī chiok-siâⁿ ê kim; ²²koh ēng hó-kim choè chián-to, poāⁿ, sī, hé-tiáⁿ; lūn-kàu chhù ê mng-lō·, i ê lāi-bīn chhì-sèng-só· ê mng, kap chhù ê mng, chiū-sī tiān ê mng, lóng sī kim ê.

5 Tùi án-ni Sô·lô·bún ūi-tiōh Iâ-hô-hoa ê tiān só· choè ê kang lóng oân. Sô·lô·bún chiong i ê lāu-pē Tāi-pit só· hiàn hiah ê mih toà jip-khi; i ê gūn, i ê kim, i hiah ê khi-kū, hē tī Siōng-tè tiān-lāi ê hú-khò·.

²Hit-sī Sô·lô·bún chū-chip Í-sek-lait ê tiúⁿ-lô, kok chi-phài ê siú-léng, kap Í-sek-liát lāng hiah ê chók-tiúⁿ, kàu Iâ-lō·sat-léng; beh chiong Iâ-hô-hoa ê iok-kūi, tùi Tāi-pit siáⁿ, chiū-sī Sek-an, ūn chiūⁿ--lāi. ³Í-sek-liát chêng-lāng chiū tī chhit-gêh ê choeh-kí, lóng chū-chip kàu ông hia. ⁴Í-sek-liát chiaⁿ ê tiúⁿ-lô kàu-tè; hiah ê Lī-bī lāng kng iok-kūi. ⁵In chiū kng iok-kūi, kap hoē-bō·, kap Pò·pīⁿ-lāi it-chhè sèng ê khi-kū, chiūⁿ--lāi; chè-si Lī-bī lāng lóng kng i chiūⁿ--lāi. ⁶Sô·lô·bún ông kap chū-chip kàu i hia Í-sek-liát ê choân-hoē, tī iok-kūi chêng hiàn iūⁿ, gū, choè chè-sū, choē kàu boē-sng-tit, iā sng-boē-liáu. ⁷Chè-si kng Iâ-hô-hoa ê iok-kūi kàu i ê só·chāi, jip hit keng chhù ê āu-tiān, kàu chhì-sèng-só·, hē tī ki-lō·peng ê sít-ē; ⁸in-ūi ki-lō·peng thí-khui in ê sít, tī kūi ê só·chāi ê téng-bīn; ki-lō·peng tī hí téng-bīn jia-khàm kūi kap i ê kng; hiah ê kng chin-tng, i ê kng-bé tùi iok-kūi tī āu-

tiān chêng, thang khoàⁿ-kìⁿ; kàu kin-á-jit iáu tī-hia. ¹⁰Kūi-lāi chí-ū nng tè chiōh-pi, chiū-sī Í-sek-liát lāng chhut Ai-kíp toē, Iâ-hô-hoa kap in līp-iok ê sī, Mô·se tī Hô-liát soaⁿ só· hē--ê, tī goā-bīn chiū boē khoàⁿ-kìⁿ; che í-goā bô pát-hāng mih. ¹¹Hiah ê chè-si chhut sèng-só·, in-ūi só· tī-hia ê chè-si lóng í-keng ka-kī chheng-khi, bô chiàu in ê pah-liát; ¹²Lī-bī lāng tiong chêng chhiūⁿ-koa--ê, chiū-sī A-sat, Hi-bān, Iâ-tō·tūn kap in hiah ê kiáⁿ, hiah ê hiaⁿ-tī lóng chhēng iù-toē-saⁿ, khiā tī toāⁿ ê tang--sì, thêh nâ-poáh kap sek kap khim; koh ū chè-si pah-jī lāng kap in tī-hia pūn sàu-kak; ¹³hiah-ê pūn sàu-kak--ê, hiah-ê chhiūⁿ-koa--ê, chit-choè tâng-siaⁿ, o-ló kám-siā Iâ-hô-hoa; ēng i ê sàu-kak, nâ-poáh, gák-khi, toā-siaⁿ o-ló Iâ-hô-hoa kóng, In-ūi I sī hó, I ê chū-hui éng-éng tī-teh; hit-sī hit ê tiān, chiū-sī Iâ-hô-hoa ê tiān, ū hūn chhiong-moá; ¹⁴tī-kàu chè-si ūi-tiōh hūn ê iân-kò·, boē-oē khiā-teh hók-sāi; in-ūi Iâ-hô-hoa ê ēng-kng chhiong-moá Siōng-tè ê tiān.

6 Hit-sī Sô·lô·bún kóng, Iâ-hô-hoa bat kóng, I beh tiām tī o·o· àm-àm ê tiong-kan. ²Chóng-sī goá í-keng khi chit keng tiān hō· Lí khiā-khi, choè Lí éng-oán toà ê só·chāi. ³Ông oát-tng i ê bīn, chiok-hok Í-sek-liát ê hoē-chiòng, Í-sek-liát hoē-chiòng lóng khiā--khi-lāi. ⁴I kóng, Iâ-hô-hoa Í-sek-liát ê Siōng-tè sī eng-kai o-ló--ê; in-ūi I chhin-chhūi tùi goá ê pē Tāi-pit só· èng-ún ê, chhin-chhiú èng-giām--i, kóng, ⁵Tùi Goá chhoā Goá ê peh-siⁿ chhut Ai-kíp toē í-lāi, Goá bē-bat tī Í-sek-liát chêng chi-phài tiong keng chit ê siáⁿ lāi khi tiān hō· Goá ê miā tiām tī-hia; iā bē-bat keng lāng choè Goá ê peh-siⁿ Í-sek-liát ê jīn-kun; ⁶tók-tók keng Iâ-lō·sat-léng hō· Goá ê miā tiām tī-hia, koh keng Tāi-pit tī-lí Goá ê

peh-siⁿ Í-sek-liát. ⁷Goá ê pē Tāi-pit sim-lāi ū ì-sù, beh ūi Iâ-hô-hoa Í-sek-liát ê Siōng-tè ê miâ khí tiān. ⁸Chóng-sī Iâ-hô-hoa tui goá ê pē Tāi-pit kóng, Lí ê sim ū ì-sù beh ūi Goá ê miâ khí tiān, lí chit ê ì-sù chin-hó; ⁹tók-tók lí m̄-thang khí tiān, lí só· chhin-siⁿ ê kiáⁿ beh ūi Goá ê miâ khí tiān. ¹⁰Taⁿ Iâ-hô-hoa èng-giām I só· kóng ê oē; Goá chiàu Iâ-hô-hoa ê oē khí-lâi soà-chiap goá ê pē Tāi-pit, chē Í-sek-liát ê kok-ūi; koh ūi Iâ-hô-hoa Í-sek-liát Siōng-tè ê miâ khí tiān. ¹¹Goá an-tì iok-kūi tī-hia; kūi-lāi ū Iâ-hô-hoa ê iok, chiū-sī I kap Í-sek-liát lāng só· l̄p ê iok.

¹²Ông tng Í-sek-liát hoē-chiòng ê bīn-chêng, khiā tī Iâ-hô-hoa ê toāⁿ-chêng, kiáh-khí chhiú; ¹³in-ūi Sók-lô-būn bat chō chit ê tâng-tâi, tng gō·tiú, khoah gō·tiú, koāiⁿ saⁿ-tiú, hē tī t̄n-tiong; chiū khiā tī tâi-téng, tng Í-sek-liát hoē-chiòng ê bīn-chêng kūi--lôh-khì, kiáh-khí chhiú òng thiⁿ,) kóng, ¹⁴Iâ-hô-hoa Í-sek-liát ê Siōng-tè ah, tī thiⁿ--nih, tī toē--nih, bô ū siōng-tè chhin-chhiūⁿ Lí, siú iok kiāⁿ chū-ài tī Lí hiah ê lô·pók, chiū-sī chīn-sim kiāⁿ tī Lí ê bīn-chêng--ê. ¹⁵Lí tui Lí ê lô·pók, goá ê pē Tāi-pit, só· èng-ún ê, Lí ū siú--i; Lí chhin-chhiū kóng--ê, chhin-chhiú èng-giām--i, chiàu kin-á-jit ê khoán. ¹⁶Iâ-hô-hoa Í-sek-liát ê Siōng-tè ah, Lí só· èng-ún Lí ê lô·pók goá ê pē Tāi-pit, kóng, Lí ê kiáⁿ-sun nā kín-sim in ê só·choē, kiāⁿ Goá ê lùt-hoat, chhin-chhiūⁿ lí kiāⁿ tī goá ê bīn-chêng, chiū siók tī lí-ê beh tī Goá ê bīn-chêng chē Í-sek-liát ê kok-ūi éng bô tng, taⁿ kiū Lí èng-giām i. ¹⁷Iâ-hô-hoa, Í-sek-liát ê Siōng-tè ah, Lí tui Lí ê lô·pók Tāi-pit só· kóng-ê, kiū Lí hō· i chiāⁿ-choē sít-sū.

¹⁸Siōng-tè kiám chin-chiāⁿ beh kap sè-kan lāng khiā-khí toē-chiūⁿ mah? Khoàⁿ ah, thiⁿ kap chiaⁿ ê thiⁿ ê thiⁿ, siōng-chhiāⁿ bô kàu-

giáh hō· Lí khiā-khí, hô-hòng goá só· khí chit keng tiān ah? ¹⁹Iâ-hô-hoa goá ê Siōng-tè ah, goān Lí àⁿ-lòh siàu-liām Lí ê lô·pók ê kī-tó khún-kiū, lâi thiaⁿ Lí ê lô·pók só· kī-tó tī Lí ê bīn-chêng ê kiū-kiò kī-tó; ²⁰goān Lí jīt-mi khoàⁿ-kò· chit ê tiān, chiū-sī Lí só· kóng-khí beh an-tì Lí ê miâ tī-hia ê só·chāi, lâi thiaⁿ Lí ê lô·pók só· beh òng chit só·chāi kī-tó ê kī-tó. ²¹Lí ê lô·pók kap Lí ê peh-siⁿ Í-sek-liát òng chit só·chāi kī-tó ê sī, goān Lí thiaⁿ in ê kī-kiū, goān Lí tui thiⁿ, Lí khiā-khí ê só·chāi, lâi thiaⁿ in; Lí thiaⁿ-kīⁿ ê sī chiū sià-bián.

²²Lāng nā tek-choē i ê chhū-piⁿ, iā ū lāng ēng chit ê chiū-choā kah i chiū-choā, i nā lâi chit keng tiān, tī Lí ê toāⁿ-chêng chiū-choā; ²³kiū Lí tui thiⁿ thiaⁿ lâi pān-lí i, sīm-phoàⁿ Lí chiaⁿ ê lô·pók, tēng pháiⁿ-lāng ê choē, chiàu i só· kiāⁿ--ê, pò-èng tī i ê thâu-khak; tēng gī lāng choē gī, chiàu i ê gī lâi hō· i.

²⁴Siat-sú Lí ê peh-siⁿ Í-sek-liát, in-ūi tek-choē Lí, chiaⁿ thāi-su tī tui-ték ê bīn-chêng, in nā kui-òng Lí, jīn Lí ê miâ, koh tī chit keng tiān kī-tó khún-kiū Lí; ²⁵kiū Lí tui thiⁿ thiaⁿ in, lâi sià-bián Lí ê peh-siⁿ Í-sek-liát ê choē, hō· in tò-lâi Lí só· siúⁿ-sù in, kap in liát-chó· ê toē.

²⁶Siat-sú in tek-choē Lí, tì-kàu thiⁿ koaiⁿ-bát bô lóh-hō·; Lí hēng-hoat in ê sī, in nā òng chit só·chāi kī-tó, jīn Lí ê miâ, lī-khui in ê choē; ²⁷kiū Lí tī thiⁿ--nih thiaⁿ in, sià-bián Lí ê lô·pók kap Lí ê peh-siⁿ Í-sek-liát ê choē, tī Lí kà-sī in só· tióh kiāⁿ ê hó-lō· ê sī, koh lóh-hō· tī Lí ê toē, chiū-sī Lí siúⁿ-sù Lí ê peh-siⁿ choē giáp ê.

²⁸Chit ê toē nā ū ki-hng, un-ék, ko·tā, hiú-noā, chháu-meh, chián-thang, á-sī in hiah ê tui-ték, tī in hiah ê siāⁿ ê toē, ūi-khūn in, bô-lūn ū sīm-mih chai-ē, sīm-mih phoà-piⁿ;

²⁹hék-sī chít-lâng, hék-sī Lí ê peh-sìⁿ Í-sek-liát ê cheng-lâng, ták-ê chai ka-kī sim-lāi ê chai-ē iu-būn, òng chit keng tiān kiáh-khí chhiú, bô-lūn cháiⁿ-iūⁿ khún-kiū, cháiⁿ-iūⁿ kī-tó; ³⁰goān Lí tui thiⁿ--nih, Lí só· khiā-khí ê só·-chāi, lâi thiaⁿ i, lâi sià-bián--i, Lí chai in ê sim, chiàu in ták-lâng ê kiāⁿ-choè lâi khoán-thāi in, (in-ūi sè-kan lâng ê sim chí-ū Lí chai nā-tiāⁿ); ³¹hō· in tī Lí siúⁿ-sù goán liát-chó· ê toē, chít-sì-lâng keng-ùì Lí, kiāⁿ Lí ê tō-lō·.

³²Lūn-kàu goā-pang lâng, m̄-sī siók Lí ê peh-sìⁿ Í-sek-liát ê, ūi-tiòh Lí ê toā-miā, toā koân-lêng ê chhiú chhun-chhut ê chhiú-kut, tui hng-hng ê só·-chāi lâi, in nā lâi òng chit keng tiān kī-tó; ³³goān Lí tui thiⁿ, Lí khiā-khí ê só·-chāi, lâi thiaⁿ in, chiàu goā-pang lâng it-chhè só· tui Lí kiū-ê lâi kiāⁿ; hō· thiⁿ-ē bān peh-sìⁿ lóng bat Lí ê miā, keng-ùì Lí, chhin-chhiūⁿ Lí ê peh-sìⁿ Í-sek-liát chit-iūⁿ; koh hō· in chai goá só· khí chit keng tiān, sī eng Lí ê miā lâi chheng-ê.

³⁴Lí ê peh-sìⁿ nā chhut-khì Lí só· chhe in khi ê lō·, kap tui-ték kau-chiàn, òng Lí só· keng chit ê siāⁿ, kap goá ūi-tiòh Lí ê miā só· khí ê tiān, lâi kī-tó Lí; ³⁵goān Lí tui thiⁿ lâi thiaⁿ in ê kī-tó khún-kiū, lâi pó-hō· in ê gī.

³⁶Lí ê peh-sìⁿ nā tek-choē Lí, (in-ūi bô ū bô hoān-choē ê lâng,) Lí siū-khì in, chiong in kau hō· tui-ték, tì-kàu in liáh in kàu hék-sī hng hék-sī kūn ê toē; ³⁷in nā tī só· liáh-khì ê toē, sim-lāi tò-túg siūⁿ lâi hoán-hoé, koh tī liáh in ê lâng ê toē, khún-kiū Lí kóng, Goán ū-choē, goán ū poē-gék, goán ū choè-pháiⁿ; ³⁸in nā tī siū liáh-khì ê toē, chiū-sī tui-ték liáh in khi ê toē, chīm-sim chīm-seng kui-hók Lí, koh òng pún-toē, chiū-sī Lí siúⁿ-sù in liát-chó· ê toē, kap Lí só· keng ê siāⁿ, í-kip goá ūi-tiòh Lí ê miā só· khí ê tiān, lâi kī-tó Lí; ³⁹goān Lí tui

thiⁿ, Lí só· khiā-khí ê só·-chāi, thiaⁿ in ê kī-tó khún-kiū, lâi pó-hō· in ê gī, koh sià-bián Lí ê peh-sìⁿ tek-choē Lí ê.

⁴⁰Goá ê Siōng-tè ah, taⁿ goá kiū Lí bák-chiu khoàⁿ, hī-khang thiaⁿ, tī chit só·-chāi só· hiàn ê kī-tó. ⁴¹Iâ-hô-hoa Siōng-tè ah, kiū Lí khí-lâi, Lí kap Lí lêng-lék ê kūi, jip Lí an-hioh ê só·-chāi; Iâ-hô-hoa Siōng-tè ah, goān Lí ê chē-si chheng kiū-un, goān Lí hiah ê seng ê peh-sìⁿ tit-tiòh hok-khì lâi hoaⁿ-hí. ⁴²Iâ-hô-hoa Siōng-tè ah, kiū Lí bóh-tit kū-choát Lí siū boah-iū--ê; tiòh kì-liām Lí si-hō· Lí ê lô·-pók Tāi-plt ê chū-ài.

7 Só·lô-bún kī-tó beng-pék, chiū ū hé tui thiⁿ lóh-lâi, it-chīm sio sio-chē kap pát-hō ê chē; Iâ-hô-hoa ê eng-kng chhiong-moá tiān. ²In-ūi Iâ-hô-hoa ê eng-kng chhiong-moá Iâ-hô-hoa ê tiān, só·-í chē-si boē-oē jip Iâ-hô-hoa ê tiān. ³Hit ê hé kàng-lòh, koh Iâ-hô-hoa ê eng-kng tī tiān--nih ê sī, Í-sek-liát cheng-lâng khoàⁿ-kīⁿ, chiū tī pho·-chiòh ê só·-chāi, phak-lòh toē keng-pài, kám-siā Iâ-hô-hoa, kóng, In-ūi I sī hó, I ê chū-hūi eng-eng tī-teh. ⁴Ông kap cheng peh-sìⁿ tī Iâ-hô-hoa ê bīn-cheng hiàn-chē. ⁵Só·lô-bún ông, eng gū nng-bān nng-chheng chia, iūⁿ chấp-jī-bān chia, hiàn-chē; án-ni, ông kap cheng peh-sìⁿ ūi-tiòh Siōng-tè ê tiān kiāⁿ hiàn-tiān ê lé. ⁶Chē-si chiàu i ê chit teh-khiā; Lī-bī lâng iā thēh Iâ-hô-hoa ê gák-khì, chiū-sī cheng Tāi-plt eng Lī-bī lâng o-ló ê sī, Tāi-plt ông tiâu-tī chō lâi kám-siā Iâ-hô-hoa ê, (in-ūi I ê chū-hūi eng-eng tī-teh;) chē-si tī in ê bīn-cheng pūn sàu-kak, Í-sek-liát lâng lóng khiā--teh. ⁷Só·lô-bún iā hun-piat Iâ-hô-hoa tiān-cheng īⁿ-tióng choè-seng; tī-hia hiàn sio-chē kap siā-un-chē ê iū; in-ūi Só·lô-bún só· bat chō ê tang-toāⁿ bô kàu-giáh iông-ún hiah ê sio-chē, sò·-chē, kap iū-lâ. ⁸Hit-sī Só·

lô-bùn siú choeh-kí chhit-jít; Í-sek-liát chêng-lâng tùi Hap-má ê lô-kháu kàu Ai-kíp ê khoe lóng lâi kap i siú; chiâⁿ-choè toā ê hoē. ⁹Kàu tē-poeh jít in siat giâm-siok-hoē; in-ūi in siú hiàn toāⁿ ê lé chhit-jít, koh siú choeh chhit-jít. ¹⁰Chhit-gêh jī-cháp-saⁿ jít, ông chhe peh-siⁿ tò-khì in ê pò·pīⁿ, ták-ê hoaⁿ-hí, sim khoài-lòk; sī in-ūi Iâ-hô-hoa só· si-chhut hō· Tāi-pít, Sók-lô-bùn, kap I ê peh-siⁿ Í-sek-liát ê un-hūi.

¹¹Tùi án-ni Sók-lô-bùn khí Iâ-hô-hoa ê tiān kap ông-kiong oân-kang; tī Iâ-hô-hoa ê tiān kap ông-kiong, kìⁿ Sók-lô-bùn sim-lāi só· ài choè--ê, lóng choè kàu sêng-kong. ¹²Mi--sī Iâ-hô-hoa chhut-hiān tī Sók-lô-bùn, kā i kóng, Goá í-keng thiaⁿ lí ê kī-tó, iā keng chit só· chāi choè hiàn-chè Goá ê tiān. ¹³Goá nā koaiⁿ-bát thiⁿ, tì-kàu bô lóh-hō·, á-sī bēng-lēng chháu-meh chiáh i ê thó·sán, á-sī hō· un-ék liū-hēng tī Goá ê peh-siⁿ tiong; ¹⁴Goá ê peh-siⁿ ēng Goá ê miā lâi chheng-ê, nā ka-kī khiam-pi, kī-tó, kiū kìⁿ Goá ê bīn, oát-túg lī-khui in ê pháiⁿ-lō·, Goá beh tùi thiⁿ thiaⁿ in, sià-bián in ê choē, i-tī in ê toē. ¹⁵Goá beh bák-chiu khoàⁿ, hī-khang thiaⁿ, tī chit só· chāi só· hiàn ê kī-tó. ¹⁶In-ūi Goá taⁿ í-keng keng chit keng tiān, hun-piat i choè-sèng, hō· Goá ê miā éng-oán tī-hia; Goá ê bák-chiu Goá ê sim iā beh kú-tūg tī-hia. ¹⁷Lūn-kàu lí nā kiāⁿ tī Goá ê bīn-chēng, chhin-chhiūⁿ lí ê lāu-pē Tāi-pít só· kiāⁿ--ê, chun-thàn Goá it-chhè só· bēng-lēng lí ê, chip-siú Goá ê lút-lē Goá ê hoat-tō·, ¹⁸Goá chiū beh kian-kò· lí ê kok-ūi, chhin-chhiūⁿ Goá kap lí ê lāu-pē Tāi-pít só· līp ê iok, kóng, Lí ê hō·-è beh koán-lí Í-sek-liát, éng bô tng.

¹⁹Lín nā oát-túg lâi khi-sak Goá ê lút-lē Goá ê kài-bēng, chiū-sī Goá hē tī lín ê bīn-chēng-ê, khi hók-sāi pát ê siōng-tè lâi keng-

pài i; Goá chiū beh tùi Goá siúⁿ-sù in ê toē, pūih in ê kun; ²⁰koh Goá ūi ka-kī ê miā só· hun-piat choè-sèng chit keng tiān, iā beh tùi Goá ê bīn-chēng khi-sak--i, hō· i tī bān-kok tiong choè oē-pìⁿ siū ki-chhi; ²¹chit keng tiān sui-jiān chin koaiⁿ, chiong-lâi keng-kè ê lāng beh gōng-ngiáh, kong, Iâ-hô-hoa siáⁿ-sū án-ni khoán-thāi chit ê toē, chit keng tiān ah? ²²Chiū beh in kóng, Sī in-ūi in khi-sak Iâ-hô-hoa in liát-chó· ê Siōng-tè, chiū-sī chhoā in chhut Ai-kíp-toē--ê, khi kiát-liân pát ê siōng-tè, hók-sāi keng-pài in, só·-í Iâ-hô-hoa hō· che it-chhè ê chai-ē līm-kàu in.

8 Kàu jī-cháp-nī bé, chiū-sī Sók-lô-bùn khí Iâ-hô-hoa ê tiān kap ông-kiong oân-kang ê sī, ²sók-lô-bùn koh khí Hō·lân só· hō· Sók-lô-bùn hiah ê siāⁿ, hō· Í-sek-liát lāng toà tī-hia.

³Sók-lô-bùn khi kàu Hap-má-só·pa, kong-chhú i. ⁴I koh tī khòng-iá khí Tát-bók, kap tī Hap-má só· khí hiah ê hú-khò· ê siāⁿ; ⁵koh khí téng Pek-hô-lūn, ē Pek-hô-lūn, sī hiām-iàu ê siāⁿ, ū chhiūⁿ, ū mng, ū kōng; ⁶koh khí Paláh kap Sók-lô-bùn só· ū hú-khò· ê siāⁿ, kap hē chia ê siāⁿ, kap bé-peng ê siāⁿ, kap Sók-lô-bùn tī Iâ-lō·sat-léng, tī Lī-pa-lūn, kap tī i só· tī-lí ê choân-toē, ūi ka-kī ê khoài-lòk só· ài khí ê, lóng khí-i. ⁷Lūn-kàu só· chhun ê peh-siⁿ, Hek lāng, A-mô·lī lāng, Pí-lī-sé lāng, Hi-bī lāng, Iâ-pò·su lāng, m-sī siók tī Í-sek-liát ê, ⁸chiū-sī tī chit toē-hng in só· chhun ê hō·-è, Í-sek-liát lāng bô it-chīn biát--ê, Sók-lô-bùn phài in choè khó·kang kàu kin-á-jít; ⁹chóng-sī Í-sek-liát lāng Sók-lô-bùn bô hō· in choè lô·pók, choè i ê kang; sī choè i ê chiàn-sū, kun-tiúⁿ ê siú-léng, chia-tiúⁿ, bé-peng-tiúⁿ. ¹⁰Sók-lô-bùn ông ê toā-koaⁿ koán-lí peh-siⁿ--ê, nng-pah gō·cháp lāng. ¹¹Sók-lô-bùn toà Hoat-ló ê cha-bók-kiáⁿ tùi Tāi-pít ê siāⁿ chiūⁿ

kàu i só· kâ i khí ê chhù; in-ūi kóng, Goá ê bó· m̄-thang khiā-khí tī Í-sek-liát ông Tāi-pit ê chhù; in-ūi Iā-hô-hoa ê kúi só· kàu ê só·-chāi lóng sī sèng-toē.

¹²Só·-lô-bûn tī Iā-hô-hoa ê toāⁿ, chiū-sī tī léng-lông ê thâu-chêng só· khí--ê, hiàn sio-chè hō· Iā-hô-hoa, ¹³chiàu Mô·-se só· bēng-lēng, tī an-hioh-jit, gēh ê chhoe-it, chit-nī saⁿ-pái só· tiāⁿ-tiōh ê choeh, chiū-sī tū-kàⁿ-choeh, chhit-chhit-choeh, tah-liâu-á choeh, chiàu ták-jit só· eng-kai hiàn--ê lâi hiàn. ¹⁴Koh chiàu i ê lāu-pē Tāi-pit ê lē, tiāⁿ-tiōh chè-si ê pan-liát lâi choē i ê kang; koh tiāⁿ-tiōh Lī-bī lāng chīn in ê chit, hō· in o-ló, koh tī chè-si ê bīn-chêng hók-sāi, chiàu ták-jit só· eng-kai choē--ê; koh siat-lip kò·-m̄ng--ê, chiàu in ê pan-liát, tī ták ê m̄ng; che sī Siōng-tè ê lô·-pók Tāi-pit só· bēng-lēng--ê. ¹⁵Ông só· bēng-lēng hiah ê chè-si kap Lī-bī lāng, bô-lūn koán hú-khò, á-sī pát-hāng sū, in lóng bô ūi-kéh. ¹⁶Só·-lô-bûn khí Iā-hô-hoa ê tiān, tui hē toē-ki kàu sēng-kong ê jit, kang-liâu lóng tãi-seng pī-pān. Án-ni Iā-hô-hoa ê tiān lóng khí-hó.

¹⁷Hit-sī Só·-lô-bûn khi Í-tong toē, kàu tī hái-kīⁿ ê Í-sūn-ka-piat kap Í-lók. ¹⁸Hō·-lân thok i ê lô·-pók, chhe chūn-chiah kap chai-iáⁿ hái-lō· ê lô·-pók, kàu i hia. In kap Só·-lô-bûn ê lô·-pók kàu Gô-hui; tui-hia tit-tiōh kim sì-pah gō·-cháp tha-liân-tek, ūn-kàu Só·-lô-bûn ông hia.

9 Sī-pa ê lú-ông thiaⁿ-kìⁿ Só·-lô-bûn ê miā-siaⁿ, chiū kàu Iā-lō·-sat-léng, beh ēng oh-tit koé-bēng ê sū chhi Só·-lô-bûn; tē i ê lāng chin choē, ū lók-tô chài huiⁿ-liâu, kap ng-kim chin-choē, iā ū pó-chiōh; i kìⁿ Só·-lô-bûn ê sī, chiū chiong sim-lāi it-chhè só· chūn ê, kap i kóng. ²Só·-lô-bûn chiàu i só· m̄ng ê, lóng in i, bô chit-hāng Só·-lô-bûn boē hiáu-tit thang kâ i

kóng. ³Sī-pa lú-ông khoàⁿ-kìⁿ Só·-lô-bûn ê tì-hui, kap i só· khí ê chhù, ⁴toh-téng ê chiā-mih, jīn-sīn pāi-liát teh-chē, lô·-pók kun-sui hók-sāi, í-kip in ê i-hók kap i ê chiū-chēng, í-kip in ê i-hók, koh khoàⁿ-kìⁿ i chiūⁿ Iā-hô-hoa tiān ê kiā-á, chiū hūn put-hū-thé. ⁵I tui ông kóng, Goá tī pún-kok thiaⁿ-kìⁿ lí ê tãi-chì, kap lí ê tì-hui, lóng sī chin-sit. ⁶Chóng-sī goá m̄-sin in ê oē, kàu goá lâi chhin-bák khoàⁿ; khoàⁿ ah, lí ê tì-hui ê toā, lāng só· kâ goá kóng--ê iáu bô chit-poàⁿ; lí iāⁿ-kè goá só· thiaⁿ-kìⁿ ê miā-siaⁿ. ⁷Hok-khi ah, lí ê lāng, hok-khi ah, lí ê lô·-pók, siōng-siōng khiā tī lí ê bīn-chêng thiaⁿ lí ê tì-hui. ⁸Iā-hô-hoa lí ê Siōng-tè sī eng-kai o-ló ê, I hoaⁿ-hí lí, hō· Lí chē I ê ūi, thang ūi-tiōh Iā-hô-hoa lí ê Siōng-tè choē ông; in-ūi lí ê Siōng-tè thiāⁿ Í-sek-liát, ài éng-oán kian-kò--i, só·-í siat-lip lí choē in ê ông, hō· lí péng-kong kiāⁿ-gī. ⁹Lú-ông ēng chit-pah jī-cháp tha-liân-tek ê kim, kap choē-choē huiⁿ-liâu, kap pó-chiōh, sàng ông; bē-bat ū huiⁿ-liâu chhin-chhiūⁿ Sī-pa lú-ông sàng Só·-lô-bûn ông ê. ¹⁰Hō·-lân ê lô·-pók, kap Só·-lô-bûn ê lô·-pók, tui Gô-hui toà kim lai--ê; koh toà toāⁿ-huiⁿ-chhā kap pó-chiōh lai. ¹¹Ông ēng toāⁿ-huiⁿ-chhā ūi Iā-hô-hoa ê tiān kap ông-kiong choē lân-kan; koh ūi chhiūⁿ-koa ê lāng choē khim kap sek. Tī Iū-tāi toē chēng bē-bat khoàⁿ-kìⁿ chhin-chhiūⁿ chit-hō. ¹²Só·-lô-bûn ông, tī Sī-pa lú-ông só· toà lai sàng ông--ê í-goā, koh chiàu i it-chhè só· ài só· kiū--ê, lóng hō· i. Tui án-ni lú-ông kap i ê jīn-sīn tò-túg-khi i ê pún-kok.

¹³Só·-lô-bûn ták-nī só· tit-tiōh ê kim kiōng lāk-pah lāk-cháp-lāk tha-liân-tek; ¹⁴í-goā iáu ū seng-lí lāng kap kheh-siong só· toà--lāi--ê; koh A-lāh-pek liát-ông, í-kip kok-lāi ê siú-léng, lóng toà kim-gūn lai hō· Só·-lô-bûn.

¹⁵Só·lô-bûn ông ăng kè-phah ê kim choè toā-pai nng-pah bîn, múi-bîn toā-pai ê kim lăk-pah sià-khek-lék; ¹⁶koh ăng kè-phah ê kim choè pîn-pai saⁿ-pah bîn, múi-bîn ăng kim saⁿ-pah sià-khek-lék; ông hē i tī Lī-pa-lùn chhiū-nâ ê chhiū. ¹⁷Ông koh ăng chhiūⁿ-gê choè chit-ê toā pò-chō, ăng hó-kim an i; ¹⁸pò-chō ū lăk-chàn ê kiā-á, koh ū kim ê kha-tăh-í, kap pò-chō saⁿ-liân; siang-pêng ū khò-chhiú, khò-chhiú-piⁿ ū nng chia sai khiā-teh. ¹⁹Koh ū chấp-jī chia sai, khiā tī lăk-chàn kiā-á ê chit-pêng kap hit-pêng; pát-kok lóng bô chē-chō chhin-chhiūⁿ án-ni. ²⁰Só·lô-bûn ông it-chhè lim ê khi-kū lóng sī kim--ê; Lī-pa-lùn chhiū-nâ ê chhiū it-chhè ê khi-kū iā sī hó-kim--ê; Só·lô-bûn ê nī-kan, lāng khoàⁿ gūn choè bô mih. ²¹In-ūi ông ê chūn-chiah kap Hō·lân ê lô·pók saⁿ-kap khi Tha-si; chia ê Tha-si ê chūn chà kim, gūn, chhiūⁿ-gê, kâu, khóng-chhiok, saⁿ-nī tò-lai chit-pái. ²²Só·lô-bûn ông ê hó-giá kap tì-hui iāⁿ-kè thiⁿ-ē liát-ông. ²³Thiⁿ-ē liát-ông lóng lai ài kīⁿ Só·lô-bûn ê bîn, thiaⁿ i ê tì-hui, chiū-sī Siông-tè siúⁿ-sù tī i ê sim--ê. ²⁴In ták-ê toà chìn-kòng ê mih; chiū-sī gūn-khi, kim-khi, i-hók, kun-khi, huiⁿ-liâu, bé, kap lô, ták-nī ū tiāⁿ-tióh ê lē. ²⁵Só·lô-bûn ūi-tiòh bé kap chia, ū bé-tiâu sī-chheng, koh ū bé-peng chit-bân nng-chheng, an-ti in tī hiah ê tún chia ê siāⁿ, iā kap ông tī Iā-lō·sat-léng. ²⁶Só·lô-bûn koán-hat liát-ông, tui Toā-hô kàu Hui-lī-sū toē, kàu Ai-kíp ê kau-kài. ²⁷Ông tī Iā-lō·sat-léng hō· gūn choè chhin-chhiūⁿ chiòh-thâu, hō· pek-huiⁿ-chhiū chhin-chhiūⁿ pīⁿ-iūⁿ ê sng-chai-chhiū, sī in-ūi chin-choē. ²⁸Ū lāng toà bé tui Ai-kíp, tui ták só·chāi, lai hō· Só·lô-bûn.

²⁹Só·lô-bûn kī-ū ê sū, tui thâu kàu bé, kiám bô kī tī sian-ti Ná-tan ê chheh, kap Sī-lô

lāng A-hi-ngá sian-ti ê chheh, kap sian-kiàn Ēk-to bék-sī ê chheh, lūn Nī-pat ê kiáⁿ Iā-lô-phò-àm--ê mah? ³⁰Só·lô-bûn tī Iā-lō·sat-léng choè Í-sek-liát choan-kok ê ông, kiông sī-cháp nī. ³¹Só·lô-bûn kap i ê liát-chó· tâng-khùn, bài-chòng tī i ê lâu-pē Tāi-pit ê siāⁿ. I ê kiáⁿ Lô-phò-àm soà-chiap i choè ông.

10 Lô-phò-àm khi Sī-kiám, in-ūi Í-sek-liát cheng-lāng kàu Sī-kiám, beh siat-lip i choè ông. ²Cheng Nī-pat ê kiáⁿ Iā-lô-phò-àm siám-pī Só·lô-bûn ông ê bîn, cháu-khi Ai-kíp, tiám tī-hia; Iā-lô-phò-àm thiaⁿ-kīⁿ chit ê sū, chiū tui Ai-kíp tò-lai. ³In che lāng khi kiò i lai; Iā-lô-phò-àm chiū kap Í-sek-liát cheng-lāng lai kīⁿ Lô-phò-àm; ⁴kā i kóng, Lí ê lâu-pē hō· goán pē kan-khó· ê taⁿ; lí ê lâu-pē só· hē tī goán ê khó·-kang kap tâng ê taⁿ, kiú lí kiám-khin, goán chiū hók-sai lí. ⁵Lô-phò-àm kā in kóng, Saⁿ-jit-āu koh lai kīⁿ goá; peh-siⁿ chiū khi.

⁶Lô-phò-àm ê lâu-pē Só·lô-bûn oah-teh ê sī, ū kun-sui tī i bîn-cheng ê lâu-lāng, Lô-phò-àm ông kap in gī-lūn kóng, Lín ū sīm-mih kè-chhek goá thang hē-hok chit ê peh-siⁿ? ⁷In kā i kóng, Lí nā hó khoán-thai chit ê peh-siⁿ, hō· in hoaⁿ-hí, ăng hó-oē lai in--in, in chiū eng-oán choè lí ê lô·pók. ⁸Chóng-sī i kū-choát lâu-lāng só· hō· i ê kè-chhek, kap hiah-ê khiā tī i bîn-cheng kap i pīⁿ-ūn ê siâu-liân lāng chham-siông; ⁹kā i kóng, Chit ê peh-siⁿ ū tui goá kóng, Lí ê pāu-pē hē tī goán ê taⁿ, kiú lí hō· goán khah-khin; taⁿ lín ū sīm-mih kè-chhek, hō· lán thang hē-hok in? ¹⁰Hiah-ê kap i pīⁿ-ūn ê siâu-liân lāng kóng, Chit ê peh-siⁿ tui lí kóng, Lí ê lâu-pē hō· goán pē tâng ê taⁿ, kiú lí kā goán kiám-khin, lí tióh án-ni in in kóng, Goá ê bé-chaiⁿ khah-toā goá ê lâu-pē ê io. ¹¹Goá ê lâu-pē hō· lín pē tâng ê taⁿ,

goá beh ke-thiⁿ lín ê taⁿ; goá ê lâu-pē ēng piⁿ keng-kài lín, goá beh ēng giat-á-thang keng-kài lín.

¹²Tē-saⁿ jlt Iâ-lô-phò-àm kap cheng peh-siⁿ kàu Lô-phò-àm hia, chiàu ông só· bēng-lēng, kóng, Tē-saⁿ jlt koh lâi goá chia. ¹³Ông ēng pháiⁿ siaⁿ-sàu in peh-siⁿ; Lô-phò-àm ông pàng-sak lâu-lâng ê kè-chhek, ¹⁴chiàu siàu-liân lêng ê kè-chhek tui in kóng, Goá ê pē hō· lín pē tâng ê taⁿ, goá beh ke-thiⁿ lín ê taⁿ; goá ê pē ēng piⁿ keng-kài lín, goá beh ēng giat-á-thang keng-kài lín. ¹⁵Ông bô thiaⁿ-thàn peh-siⁿ, in-ūi chit ê tãi-chì sī chhut tī Siōng-tè, hō· Iâ-hô-hoa èng-giām I thok Sī-lô lêng A-hi-ngá tui Nī-pat ê kiáⁿ Iâ-lô-phò-àm só· kóng ê oē. ¹⁶Í-sek-liát cheng peh-siⁿ khoàⁿ-kìⁿ ông bô thiaⁿ-thàn in, peh-siⁿ chiū tui ông kóng, Goán tī Tãi-pit ū sím-mih hūn-giáh ah? goán kap Iâ-se ê kiáⁿ bô kan-siáp. Í-sek-liát ah, ták-lâng tò-khì lín ê pò·pīⁿ; Tãi-pit ah, tiòh kò lí ka-kī ê chhū. Tui án-ni Í-sek-liát cheng lêng tò-khì in ê pò·pīⁿ. ¹⁷chóng-sī khiā-khí Iû-tāi chiaⁿ ê siāⁿ ê Í-sek-liát lêng, Lô-phò-àm iû-goân choè in ê ông. ¹⁸Lô-phò-àm ông chhe koán-lí choè khó·kang ê lêng, Hap-to-lân khi; Í-sek-liát lêng chiū ēng chiòh-thâu tìm-sí-i. Lô-phò-àm ông chiū koáⁿ-kín chiūⁿ chia, beh cháu-khì Iâ-lô-sat-léng. ¹⁹Tui án-ni Í-sek-liát hoán-poán Tãi-pit ke, kàu kin-á-jlt.

11 Lô-phò-àm kàu Iâ-lô-sat-léng ê sī, chiū chū-chíp Iû-tāi kap Piān-ngá-bín ê ke, kiōng chấp-poeh-bân lêng, lóng sī kè-kéng ê chiàn-sū, beh kap Í-sek-liát kau-chiàn, hō· kok-ūi koh kui tī Lô-phò-àm. ²Chòng-sī Iâ-hô-hoa ê oē līm-kàu Siōng-tè ê lô·pók Sī-má-ngá kóng, Lí khi kā Sô·lô-bun ê kiáⁿ Iû-tāi ông Lô-phò-àm, kap khiā-khí Iû-tāi kap Piān-ngá-bín ê

cheng Í-sek-liát lêng, kóng, ⁴Iâ-hô-hoa án-ni kóng, Lín bôh-tit chiūⁿ-khì, bôh-tit kap lín ê hiaⁿ-tī kau-chiàn; ták-lâng tò-khì i ê ke; in-ūi chit ê tãi-chì chhut tī Goá. In thiaⁿ Iâ-hô-hoa ê oē, chiū tò-khì, bô khi kong-kek Iâ-lô-phò-àm.

⁵Lô-phò-àm tiām tī Iâ-lô-sat-léng; tī Iâ-tāi toē khí kúi-nā ê siāⁿ choè oē-só·. ⁶Chiū-sī khí Pek-lī-heng, Í-thán, Thē-ko-a; ⁷Pek-siok, So-ko, A-tō·lân; ⁸Ka-ték, Má-lī-sa, Se-hut; ⁹A-to-lái-im, Láh-kiat, A-se-ka; ¹⁰Só-láh, A-ngá-lun, Hi-pek-lun; chiaⁿ-ê lóng tī Iû-tāi kap Piān-ngá-bín choè kian-kò· ê siāⁿ. ¹¹Lô-phò-àm koh kian-kò· hiah ê oē-só·, tī in tiong-kan siat peng ê thâu-lâng; koh chek-chū bí-niū, kap iū, kap chiú; ¹²koh tī ták ê siāⁿ pī-pān pīn-pāi kap chhiuⁿ, hō· i kék-kí kian-kò·. Iû-tāi Piān-ngá-bín lóng siók tī i.

¹³Í-sek-liát choân-toē ê chè-si kap Lī-bī lêng lóng tui si-kéng lâi kui Lô-phò-àm. ¹⁴Lī-bī lêng lī-khui in ê kau-iá kap sán-giáp, lâi kàu Iû-tāi kap Iâ-lô-sat-léng; sī in-ūi Iâ-lô-phò-àm kap i ê kiáⁿ kū-choát in, m̄-chún in kiāⁿ chè-si ê chit-hūn, hók-sái Iâ-hô-hoa. ¹⁵Iâ-lô-phò-àm ūi soaⁿ-thâu-toāⁿ, ūi kúi-koài, ūi i só· chū ê gū-á, ka-kī siat-lp chè-si. ¹⁶Í-sek-liát cheng chi-phài tiong, kìⁿ-nā tiāⁿ-tiòh ì-sù beh chhē Iâ-hô-hoa Í-sek-liát ê Siōng-tè--ê, tē in kàu Iâ-lô-sat-léng, beh hiàn-chè hō· Iâ-hô-hoa in liát-chó· ê Siōng-tè. ¹⁷Án-ni kian-kò· Iû-tāi kok lèk-kè saⁿ-nī, hō· Sô·lô-bun ê kiáⁿ Lô-phò-àm kiōng-seng; in-ūi in saⁿ-nī kú kiāⁿ Tãi-pit Sô·lô-bun ê lô·.

¹⁸Lô-phò-àm chhoā Má-hap-láh choè bó·, i sī Tãi-pit ê cha-bó·-sun, Iâ-lī-mô· ê chá-bó·-kiáⁿ; iū-koh Iâ-se ê cha-bó·-sun, Í-lī-ap ê cha-bó·-kiáⁿ, A-pí-hái ê cha-bó·-kiáⁿ. ¹⁹I kā i siⁿ kúi-nā ê kiáⁿ, chiū-sī Iâ-o·-si, Sī-má-lī-ngá,

Sat-hán. ²⁰Chhoā i liáu-āu koh chhoā Ap-sa-liông ê cha-bó·-kiáⁿ Má-ka, i kâ i siⁿ A-pí-ngá, A-thài, Sè-sat, Sī-lô-bit. ²¹Lô-phò-àm chhoā chấp-poeh ê bó·, lăk-cháp ê hui, siⁿ jī-cháp-poeh ê kiáⁿ, lăk-cháp ê cha-bó·-kiáⁿ; chóng-sī i thiàⁿ Ap-sa-liông ê cha-bó·-kiáⁿ Má-ka, iāⁿ-kè lóng-chóng hiah ê bó· kap hui. ²²Lô-phò-àm siat-líp Má-ka ê kiáⁿ A-pí-ngá choè thâu, tī hiaⁿ-tī-tiong choè siú-léng; in-ūi siūⁿ beh siat-líp i soà-chiap choè ông. ²³Lô-phò-àm chiàu tī-hūi lâi kiáⁿ, hun-soàⁿ chêng-kiáⁿ tī Iû-tāi kap Piān-ngá-bín ê choân-toē, kàu ták ê kian-kò· ê siāⁿ; koh hō· in choē-choē bí-niū, koh kâ in chhē choē-choē bó·.

12 Lô-phò-àm ê kok kian-kò·, i kiông-sēng ê sī, chiū khi-sak Iâ-hô-hoa ê lút-hoat, Í-sek-liát iā lóng tè i. ²Lô-phò-àm ông gō--nî, Ai-kip ông Sī-sat chiūⁿ-lâi kong-kek Iâ-lô-sat-léng; in-ūi in tek-choē Iâ-hô-hoa. ³Sī-sat ū chiàn-chhia chit-chheng nng-pah tiuⁿ, bé-peng lăk-bân; koh tè i tui Ai-kip chhut-lâi ê lăng, chiū-sī Lō-pí lăng, So·ki lăng, Kó·sít lăng, choē kàu boē-sng-tit. ⁴I kong-chhú Iû-tāi kian-kò· ê siāⁿ, chiū lâi kàu Iâ-lô-sat-léng. ⁵Hit-sī Iû-tāi ê siú-léng ūi-tiòh Sī-sat ê iân-kò·, chū-chlp tī Iâ-lô-sat-léng, sian-ti Sī-má-ngá lâi kìⁿ Lô-phò-àm kap hiah ê siú-léng, kâ in kóng, Iâ-hô-hoa án-ni kóng, Lín khi-sak Goá, só·-í Goá khi-sak lín tī Sī-sat ê chhiú. ⁶Tui án-ni Í-sek-liát hiah ê siú-léng kap ông ka-kī khiam-pi, kóng, Iâ-hô-hoa sī kong-gī. ⁷Iâ-hô-hoa khoàⁿ-kìⁿ in ka-kī khiam-pi, Iâ-hô-hoa ê oē chiū lîm-kàu Sī-má-ngá kóng, In kì-jian ka-kī khiam-pi, Goá bô beh châu-biát in, beh hō· in liòh-á tit-tiòh chín-kiù, Goá bô beh ēng Sī-sat ê chhiú piàⁿ-lôh Goá ê siū-khi tī Iâ-lô-sat-léng. ⁸Chóng-sī in beh choè Sī-sat ê lô·pók, hō· in chai hók-sāi Goá, kap hók-sāi

liát-kok, ū sím-mih hun-piat.

⁹Tui án-ni Ai-kip ông Sī-sat chiūⁿ-lâi kong-kek Iâ-lô-sat-léng chhiúⁿ Iâ-hô-hoa tiān ê pó-mih, kap ông-kiong ê pó-mih, lóng toà-khi; koh chhiúⁿ Sô·lô-bun só· choè kim ê pîn-pai. ¹⁰Lô-phò-àm ông choè tâng ê pîn-pai lâi thoē in, kau hō· siú ông-kiong mng ê sī-oē-tiúⁿ kò·-siú. ¹¹Ông ták-pai jip Iâ-hô-hoa ê tiān, sī-oē chiū toà chiah ê pîn-pai; āu-lâi chiū toà tò-túg lâi hē tī sī-oē ê chhù. ¹²Ông ka-kī khiam-pi ê sī, Iâ-hô-hoa ê siū-khi siu tò-túg, bô it-chim biát--i; koh tī Iû-tāi ê tiong-kan iā ū hó ê tai-chi.

¹³Lô-phò-àm ông ka-kī kiông-sēng, tī Iâ-lô-sat-léng choè ông. Lô-phò-àm chē-ūi ê sī sì-cháp-it hē, tī Iâ-lô-sat-léng, chiū-sī Iâ-hô-hoa tui Í-sek-liát cheng chi-phai-tiong só· keng an-ti I ê miâ ê siāⁿ, choè ông chấp chhit nî. I ê lâu-bú miâ kiò Ná-má, sī A-bun lăng. ¹⁴Lô-phò-àm kiāⁿ phaiⁿ; in-ūi i bô tiāⁿ-tiòh ì-sù chhē Iâ-hô-hoa.

¹⁵Lô-phò-àm só· kiāⁿ ê sū, tui thâu kàu bé, kiám bô kì tī sian-ti Sī-má-ngá kap sian-kian Êk-to ê chheh, lūn chók-phó--ê mah? Lô-phò-àm kap Iâ-lô-phò-àm siông-siông kau-chiàn. ¹⁶Lô-phò-àm kap i ê liát-chó· tâng-khùn, bài-chòng tī Tai-pit siāⁿ; I ê kiáⁿ A-pí-ngá soà-chiap i choè ông.

13 Iâ-lô-phò-àm ông chấp-poeh--nî, A-pí-ngá chē-ūi choè Iû-tāi ông. ²Tī Iâ-lô-sat-léng choè ông saⁿ-nî kú. I ê lâu-bú miâ kiò Bí-kai-a, sī Kì-pí-a lăng O·liát ê cha-bó·-kiáⁿ. ³A-pí-ngá kap Iâ-lô-phò-àm kau-chiàn. A-pí-ngá ēng chit tīn kè-kéng ê peng sì-cháp-bân, lâi pài-tin, lóng sī hó-táⁿ ê chiàn-sū. Iâ-lô-phò-àm iā ēng kè-kéng ê toā ióng-sū poeh-cháp bân, lâi tui i pài-tin. ⁴A-pí-ngá khiā tī Í-hoat-liân soaⁿ-toē ê Sé-má-liám

soaⁿ, kóng, Iâ-lô-phò-àm kap Í-sek-liát cheng-lâng ah, tióh thiaⁿ goá. ⁵Iâ-hô-hoa Í-sek-liát ê Siông-tè chiong Í-sek-liát kok éng-oán hō·Tāi-plt, chiū-sī siat-líp iâm ê iok, siúⁿ-sù i kap i kiáⁿ-sun, lín kiám m̄-tióh chai mah? ⁶Chóng-sī Tāi-plt ê kiáⁿ Sók-lô-bún ê jîn-sîn, Nī-pat ê kiáⁿ Iâ-lô-phò-àm, khí-lâi poē-poān i ê chú-lâng. ⁷Ū hiah-ê bô hē-lóh ê húi-lūi chū-chíp tē i, ka-kī không-béng, lâi kong-kek Sók-lô-bún ê kiáⁿ Lô-phò-àm; hit-sī Lô-phò-àm iáu siàu-liân nng-chiáⁿ, boē-oē tí-tng in. ⁸Taⁿ lín ū ì-sù beh tí-ték Tāi-plt ê kiáⁿ-sun só· tī-lí Iâ-hô-hoa ê kok; lín ê lâng-giáh chin-choē, koh ū kim-gū-á kap lín tī-teh, chiū-sī Iâ-lô-phò-àm só· kā lín chō choē Siông-tè ê. ⁹Lín kiám m̄-sī koáⁿ-tiók Iâ-hô-hoa ê chè-si, chiū-sī A-lún ê kiáⁿ-sun, kap Lī-bī lâng, chiàu goā-kok lâng ê kui-lē ka-kī siat-líp chè-si mah? sīm-chi bô-lūn sím-mih lâng khan chit chiah gū-káng-á, kap chhit-chiah mī-iūⁿ-káng, lâi hun-piat ka-kī, chiū thang choē bô iáⁿ-chiah ê siông-tè ê chè-si? ¹⁰Lūn-kàu goán, Iâ-hô-hoa sī goán ê Siông-tè, goán bô khi-sak I; goán ū chè-si hók-sāi Iâ-hô-hoa, chiū-sī A-lún ê kiáⁿ-sun; koh ū Lī-bī lâng ták-ê chīn i ê chit. ¹¹Ták chá-khí ták ê-hng hiàn sio-chè sio phang-hiuⁿ hō· Iâ-hô-hoa; koh ū pāi-liát ê piáⁿ tī sèng-kiat ê toh; iā ū kim teng-tāi, kap teng-choáⁿ, ták ê-hng thang tiám i; in-ūi goán siú Iâ-hô-hoa goán Siông-tè ê bēng-lēng; tók-tók lín khi-sak I. ¹²Khoàⁿ ah, Siông-tè kap goán tī-teh, choē goán ê thâu, I ê chè-si iā kap goán tī-teh, thèh hiáng-liāng ê hō-thâu toā-siaⁿ pún kong-kek lín. Í-sek-liát lâng ah, m̄-thang kap Iâ-hô-hoa lín liát-chó· ê Siông-tè kau-chiàn; in-ūi lín boē-oē heng-thong.

¹³Chóng-sī Iâ-lô-phò-àm bài-hók peng tī in ê āu-bīn. Tūi án-ni Í-sek-liát lâng tī Iû-tāi

ê thâu-chēng, bài-hók ê peng tī in ê āu-bīn. ¹⁴Iû-tāi lâng oát-thâu khoàⁿ, khoàⁿ chēng-āu lóng ū tūi-ték ê peng; chiū kiū-kiò Iâ-hô-hoa, chè-si iā pún hō-thâu. ¹⁵Iû-tāi lâng chiū āu-kiò; Iû-tāi lâng āu-kiò ê sī, Siông-tè chiū phah-iāⁿ Iâ-lô-phò-àm kap Í-sek-liát cheng-lâng, tī A-pí-ngá kap Iû-tāi lâng ê bīn-chēng. ¹⁶Í-sek-liát lâng tī Iû-tāi lâng ê bīn-chēng tô-cháu; Siông-tè kau in tī Iû-tāi lâng ê chhiú. ¹⁷A-pí-ngá kap i ê peh-siⁿ toā-toā thāi-sí in; Í-sek-liát lâng tó-teh lâi sí ê, ū gō·cháp-bān kè-kéng ê lâng. ¹⁸Hit-sī Í-sek-liát lâng chiū hāng-hók, Iû-tāi lâng tit-tióh khah-iāⁿ, in-ūi oá-khò Iâ-hô-hoa in liát-chó· ê Siông-tè ê iân-kò·. ¹⁹A-pí-ngá tui-jip Iâ-lô-phò-àm, chhú i kúi-nā ê siāⁿ; chiū-sī Pek-ték-lī kap i ê huiⁿ-siā, Iâ-sa-ná kap i ê huiⁿ-siā, Í-hoat-liân kap i ê huiⁿ-siā. ²⁰Tng A-pí-ngá oáh-teh ê jlt, Iâ-lô-phò-àm boē-oē koh không-sēng; Iâ-hô-hoa phah i, i chiū sí. ²¹A-pí-ngá chiām-chiām không-sēng, chhoā bó· chap-si-ê, siⁿ-kiáⁿ jī-cháp-jī ê, cha-bó·-kiáⁿ chap-lák-ê. ²²A-pí-ngá kī-ū ê sū, kap i ê giân-hēng, lóng kì tī sian-ti Êk-to ê chū-kái.

14 A-pí-ngá kap i ê liát-chó· tâng-khùn, bài-chòng tī Tāi-plt siāⁿ. I ê kiáⁿ A-sat soà-chiap i choē ông. Tng A-sat ê jlt, hit ê toē-hng thài-pēng chap-nī kú. ²A-sat kiāⁿ Iâ-hô-hoa i ê Siông-tè khoàⁿ-choē hó choē cheng-tit ê sū; ³in-ūi i tū-khi goā-pang ê siông-tè ê toāⁿ, kap soaⁿ-thâu-toāⁿ, húi hiah ê thiāu-siōng, ⁴chhò hiah ê A-sià-láh, koh bēng-lēng Iû-tāi lâng chhē Iâ-hô-hoa in liát-chó· ê Siông-tè, chun-thàn I ê lút-hoat kài-bēng; ⁵koh tī Iû-tāi ták ê siāⁿ tū-khi hiah ê soaⁿ-thâu-toāⁿ, kap jlt-siōng; kok tit-tióh thài-pēng tī i ê bīn-chēng. ⁶I tī Iû-tāi khí kúi-nā chō hiám-iàu ê siāⁿ, in-ūi i ê toē-hng pēng-an, tī hí kúi nī

lóng bô kau-chiàn, in-ũi Iâ-hô-hoa hō· i pêng-an. ⁷I tùi Iû-tâi lêng kóng, Lán tiòh lâi khí chiah ê siâⁿ, sì-ũi khí chhiuⁿ, kap siâⁿ-lâu, kap mng, kap mng-kông; toē iáu tī lán ê bìn-chêng; in-ũi lán ũ kiû Iâ-hô-hoa lán ê Siōng-tè; lán í-keng kiû I, I tī sì-ũi siúⁿ-sù lán pêng-an. In chiū khí-chō lâi tit-tiòh heng-thong. ⁸A-sat ũ kun-peng, tùi Iû-tâi chhut--ê, saⁿ-cháp-bân, giâ pîn-pâi kap chhiuⁿ; tùi Piân-ngá-bín chhut--ê, jī-cháp-poeh bân, giâ pîn-pâi khui keng. Chiah-ê lóng sī toā lát ê íong-sū.

⁹Ū Kó-sít ông Siâ-láh choā kun-tūi chit-pah-bân, chiàn-chhia saⁿ-pah tiuⁿ, lâi kong-kek i, lâi kàu Má-lī-sa. ¹⁰A-sat chiū chhut-khì, tí-ték i; chiū tī Má-lī-sa Sé-hoat ê soaⁿ-kok, tãi-ke pài-tin. ¹¹A-sat kiû-kiò Iâ-hô-hoa i ê Siōng-tè kóng, Iâ-hô-hoa ah, tī kiông-ê, loán-jiók-ê, ê tiong-kan, Lí í-goā bô pang-chān ê; Iâ-hô-hoa goán ê Siōng-tè ah, kiû Lí pang-chān goán; in-ũi goán oá-khò Lí, koh thok Lí ê miâ khí tí-ték chiah ê chêng-lâng; Iâ-hô-hoa ah, Lí sī goán ê Siōng-tè, m̄-thang hō· lêng khah-iâⁿ Lí. ¹²Iâ-hô-hoa chiū phah-iâⁿ Kó-sít lêng tī A-sat kap Iû-tâi lêng ê bìn-chêng; Kó-sít lêng chiū tô-cháu. ¹³A-sat kap tē i ê lêng tui-jip in, kàu tī Ki-láh-jíⁿ; Kó-sít lêng sí chin-choē, boē-oē koh kiông-sêng; in-ũi in tī Iâ-hô-hoa kap I ê kun-tūi ê bìn-chêng pài-hoāi. Iû-tâi lêng chhiúⁿ choē-choē chài-bút khí. ¹⁴In koh phah Ki-láh-jíⁿ sí-ũi hiah ê siâⁿ; in-ũi Iâ-hô-hoa hō· in chin kiaⁿ; in iā chhiúⁿ in lóng-chóng ê siâⁿ, in-ũi siâⁿ-lâi ũ choē-choē m̄h thang chhiúⁿ. ¹⁵Koh phah hiah ê cheng-siⁿ ê tiâu, khan chin-choē iuⁿ kap lók-tô tò-khì Iâ-lō-sat-léng.

15 Siōng-tè ê Sín lîm-kàu Gô-tek ê kiáⁿ A-sat-lī-ngá. I chhut-khì ngiâ-chih A-sat, kã

i kóng, A-sat kap Iû-tâi Piân-ngá-bín ê chêng-lâng ah, tiòh thiaⁿ goá ê oē; lín kap Iâ-hô-hoa tī-teh, I iā kap lín tī-teh; lín nā chhē I, I beh hō· lín chhē-tiòh; chóng-sī lín nā khi-sak I, I iā beh khi-sak lín. ³Í-sek-liát lêng kú-kú bô chin ê Siōng-tè, bô kà-sī in ê chè-si, iā bô lút-hoat; ⁴chóng-sī in tī hoân-lân ê sī kui-êng Iâ-hô-hoa Í-sek-liát ê Siōng-tè, lâi chhē I, I chiū hō· i chhē-tiòh. ⁵Hit-sī chhut-jip ê lêng boē tit-tiòh pêng-an; liát-kok khiā-khí ê peh-siⁿ lóng tú-tiòh toā jiáu-loân; ⁶kok kong-kek kok, siâⁿ kong-kek siâⁿ, lóng saⁿ húi-hoāi; in-ũi Siōng-tè ēng ták-iūⁿ hoân-lân jiáu-loân in. ⁷Taⁿ lín tiòh íong-kiáⁿ, chhiú m̄-thang nóg--lòh-khì; in-ũi lín ê só· choē beh tit-tiòh pò-siúⁿ.

⁸A-sat í-keng thiaⁿ-kìⁿ chiah ê oē, kap sian-ti Gô-tek ê chhâm-gú, chiū chòng-táⁿ; tī Iû-tâi Piân-ngá-bín choân-toē, kap i só· chúh Í-hoat-liân soaⁿ-toē hiah ê siâⁿ, tú-khì lóng-chóng khó-òⁿ ê m̄h; koh tī Iâ-hô-hoa léng-lông chêng, sin-khí Iâ-hô-hoa ê toāⁿ. ⁹Koh chū-chip Iû-tâi Piân-ngá-bín ê chêng-lâng, kap Í-hoat-liân, Má-ná-se, Se-biân chhut-goā tī in tiong-kan ê lêng; in-ũi tùi Í-sek-liát chhut-lâi kui A-sat ê chin-choē; sī ũi-tiòh in khoàⁿ-kìⁿ Iâ-hô-hoa i ê Siōng-tè kap i tī-teh. ¹⁰A-sat ông chap-gō-nī saⁿ-gêh, in lóng chū-chip tī Iâ-lō-sat-léng. ¹¹Hit-jit in tī só· toā-lâi hiah ê chhiúⁿ ê m̄h ê tiong-kan, ēng gū chhit-pah chiah, iuⁿ chhit chheng chiah, hiân hō· Iâ-hô-hoa. ¹²In chiū lîp-iok, beh chīn-sim, chīn-sêng chhē Iâ-hô-hoa in liát-chó· ê Siōng-tè; ¹³kìⁿ-nā bô chhē Iâ-hô-hoa Í-sek-liát ê Siōng-tè ê, bô-lūn toā-soē, lām-lú, tiòh hō· i sí. ¹⁴In chiū ēng toā-siaⁿ, ēng hoaⁿ-hí lâi hoah, ēng hō-thâu ēng sàu-kak lâi tùi Iâ-hô-hoa chiū-choā. ¹⁵Iû-tâi chêng-lâng ũi-tiòh só· chiū ê choā hoaⁿ-hí, in-ũi in chīn-sim chiū-

choā, koh chīn-ì chhē Iâ-hô-hoa, Iâ-hô-hoa iā hō in chhē-tiōh, chiū tī in sî-kéng siūⁿ-sù in pêng-an.

¹⁶A-sat ông pián i ê má, Má-ka, thài-hō ê ūi; in-ūi i ūi A-sià-láh bat chng khó-òⁿ ê siōng. A-sat chhò i ê siōng, tui i kàu chhui-chhui, sio i tī Khíp-lún khoe-piⁿ. ¹⁷Tók-tók hiah ê soaⁿ-thâu-toāⁿ iáu-bē tui Í-sek-liát tióng tui-khi; chóng-sī A-sat ê sim chit-sî-lâng choan-it. ¹⁸A-sat chiong i ê lâu-pē só hun-piat choè-sèng, kap i pún-sin só hun-piat choè-sèng ê kim gún, kap khi-kū, lóng toà-jíp Siōng-tè ê tiān. ¹⁹Tui chit-sī kàu A-sat saⁿ-cháp-gō-nī, bô koh ū kau-chiàn ê sū.

16 A-sat ông saⁿ-cháp-lák nī, Í-sek-liát ông Pa-sa chiūⁿ-lâi kong-kek Iû-tāi, khí Láh-má, beh chók-tòng lêng chhut-jíp tī Iû-tāi ông A-sat hia. ²A-sat chiū tui Iâ-hô-hoa ê tiān kap ông-kiong ê hú-khò, thêh-chhut kim gún, sàng hō khiā-khi tī Tāi-má-sek ê A-lân ông Piān-hap-tát, kóng, Goá kap lí ū iok, chhin-chhiūⁿ chêng goá ê lâu-pē kap lí ê lâu-pē chit-iūⁿ; taⁿ goá ēng kim gún sàng lí; chhiáⁿ lí khi hoè-bô lí kap Í-sek-liát ông Pa-sa só líp ê iok, hō i lī-khui goá. ⁴Piān-hap-tát thiaⁿ-thàn A-sat ông ê oē, chhe i hiah ê kun-tiūⁿ khi kong-kek Í-sek-liát ê siāⁿ; in chiū kong-phoà Í-hùn, Tàn, A-pek-má-im, í-kíp Ná-hut-tha-lī it-chhè hú-khò ê siāⁿ. ⁵Pa-sa thiaⁿ-kìⁿ chiū thêng-kang, bô koh khí Láh-má. ⁶Tui án-ni A-sat ông chhoā Iû-tāi chêng-lâng; in chiū poaⁿ-soà Pa-sa só ēng lâi khí Láh-má ê chiòh-thâu kap chhâ, ēng i lâi khí Ka-pa kap Bí-su-pa.

⁷Hit-sī sian-kiàn Hap-ná-nī lâi kìⁿ Iû-tāi ông A-sat, ká i kóng, In-ūi lí óá-khò A-lân ông, bô óá-khò Iâ-hô-hoa lí ê Siōng-tè, só-í A-lân ông ê kun-peng thoat-lī lí ê chhiú.

⁸Kó-sit lêng kap Lō-pí lêng kiám m̄-sī toā ê kun-tui, ū choē-choē chiàn-chhia kap bé-peng mah? Tók-tók in-ūi lí óá-khò Iâ-hô-hoa, I chiū chiong in kau tī lí ê chhiú. ⁹In-ūi Iâ-hô-hoa ê bák-chiu tī choân-toē khoāⁿ-lâi khoāⁿ-khi; kìⁿ-nā choan-sim ñg I ê, I beh hián-bêng I ê toā khi-lát pang-chān i. Tī chit ê tãi-chì, lí só kiāⁿ sī gōng; in-ūi án-ni, í-āu lí beh ū kau-chiàn ê sū. ¹⁰A-sat chiū siū-khi sian-kiàn, koaiⁿ i tī kaⁿ--nih; in-ūi i ūi-tiōh chit-kiāⁿ sū toā siū-khi. Hit-sī A-sat iā pháiⁿ khoán-thāi peh-siⁿ-tióng kúi-nā lêng. ¹¹A-sat só kiāⁿ ê sū, tui-thâu kàu-bé, lóng kì tī lû-tāi kap Í-sek-liát chiaⁿ ê ông ê kì-liók. ¹²A-sat ông saⁿ-cháp-káu--nī, i ê kha ū phoà-pīⁿ, pīⁿ chin siong-tiōng. Phoà-pīⁿ ê sī bô kiū Iâ-hô-hoa, tók-tók khi kiū i-seng. ¹³A-sat choē ông sî-cháp-it nī chiū sí; kap i ê liát-chók saⁿ-kap khùn; ¹⁴bâi-chòng tī i ka-kī ê bōng, chiū-sī i tī Tāi-pit ê siāⁿ ūi ka-kī só chhák ê, hē tī bîn-chhng--nih; i ê bîn-chhng ū phang-hiūⁿ moá-moá, chiū-sī chiàu tiau-hô hiūⁿ ê hoat só chhòng--ê. Peh-siⁿ ūi-tiōh i kiāⁿ choē-choē sio ê lé-sò.

17 A-sat ê kiáⁿ Iok-sa-hoat soà-chiap i choē-ông, ka-kī kiông-sēng, tí-ték Í-sek-liát. ²An-ti kun-peng tī Iû-tāi hiah ê kian-kò ê siāⁿ, kok siat hông-siú ê peng tī Iû-tāi toē, kap i ê lâu-pē A-sat só chhiú Í-hoat-liân hiah ê siāⁿ. ³Iâ-hô-hoa kap Iok-sa-hoat tī-teh, in-ūi i kiāⁿ i ê chók Tāi-pit khí-thâu kiāⁿ ê lō, bô chhē hiah ê Pa-lék; ⁴tók-tók chhē i ê lâu-pē ê Siōng-tè, kiāⁿ I ê kài-bêng, bô chiàu Í-sek-liát lêng ê só kiāⁿ. ⁵Só-í Iâ-hô-hoa kian-kò i ê kok-ūi, Iû-tāi chêng-lâng hián lé-mih hō Iok-sa-hoat. I chiū ū choē-choē hē-chai kap êng-kng. ⁶I hùn-chi kiāⁿ Iâ-hô-hoa ê tō-lō; koh tui Iû-tāi tui-khi hiah ê soaⁿ-thâu-toāⁿ,

kap hiah ê A-sià-lâh. ⁷I choè ông tē-saⁿ nī chiū chhe i ê jîn-sîn Piān-hài-i-lék, Gô-pa-tí, Sat-ka-lī-ngá, Ná-thán-giáp, Bí-kai-a, khi Iû-tāi ták ê siáⁿ kà-sī peh-siⁿ. ⁸Kap in khi ê ū Lī-bī lāng, Sī-má-ngá, Nī-thām-ngá, Se-pa-tē-ngá, A-sat-hek, Sī-bí-lâh-boát, Iok-ná-tan, A-to-nī-ngá, To-pí-ngá, Tô-pa-to-nī-ngá; koh ū chè-si Í-lī-sa-má, Iok-lân, iā kap in khi. ⁹In tī Iû-tāi kà-sī, ū toà Iâ-hô-hoa lút-hoat ê chheh, piàn-kiáⁿ Iû-tāi ták ê siáⁿ, kà-sī peh-siⁿ.

¹⁰Iâ-hô-hoa hō· Iû-tāi sì-úi ták pang-kok chin kiaⁿ, m̄-káⁿ kap Iok-sa-hoat kau-chiàn. ¹¹Hui-lī-sū lāng ū-ê sàng lé-mih chìn-kòng gūn hō· Iok-sa-hoat; A-lâh-pek lāng iā toà kui-kún cheng-siⁿ hō· i, chiū-sī mī-iūⁿ-káng chhit-chheng chhit-pah chiah, soaⁿ-iūⁿ-káng chhit-chheng chhit-pah chiah. ¹²Iok-sa-hoat chiām-chiām kiông-toā kàu-kék, tī Iû-tāi khi iāⁿ-chē kap hú-khò· ê siáⁿ. ¹³I tī Iû-tāi chiah ê siáⁿ ū choē-choē kong-chok: koh tī Iâ-lō·sat-léng ū chiàn-sū, chiū-sī toā koân-léng ê íóng-sū. ¹⁴In ê siàu-giáh, chiàu chong-chók kī tī ē-bīn. Iû-tāi chók ê chhian-chóng: Ap-ná choè thóng-léng, chhoā toā koân-léng ê íóng-sū saⁿ-cháp-bān; ¹⁵koh lóh-lâi sī thóng-léng, Iok-hap-lân, chhoā jī-cháp-poeh-bān íóng-sū; ¹⁶koh lóh-lâi sī Sè-ki-lī ê kiáⁿ A-má-su-ngá, i kam-goān hiàn ka-kī hō· Iâ-hô-hoa, chhoā toā koân-léng ê íóng-sū jī-cháp-bān. ¹⁷Piān-ngá-bín chók ū toā koân-léng ê íóng-sū Í-lī-ngá-tāi, chhoā kiáh keng-chiⁿ kap koāⁿ pîn-pâi-ê jī-cháp-bān; koh lóh-lâi sī Iok-sat-poat chhoā pī-pān kau-chiàn-ê cháp-poeh-bān. ¹⁹Chiah ê lóng sī su-hāu ông--ê, lēng-goā ū ông só· an-tī tī Iû-tāi ták ê kian-kò· ê siáⁿ--ê.

18 Iok-sa-hoat ū choē-choē hē-chai kap êng-kng, chiū kap A-hap kiát-chhin. ²Kè kúi-nā nī, i lóh-khi Sat-má-lī-a kīⁿ A-hap; A-hap

ūi-tiòh i kap tè i ê peh-siⁿ, thāi choē-choē gū, iūⁿ, khng i kap i saⁿ-kap khi Ki-liát ê Lâh-boát. ³Í-sek-liát ông A-hap kâ Iû-tāi ông Iok-sa-hoat kóng, Lí beh kap goá khi Ki-liát ê Lâh-boát á-m̄? Ìn kóng, Goá chhin-chhiūⁿ lí, goá ê peh-siⁿ chhin-chhiūⁿ lí ê peh-siⁿ, goán beh kap lí khi kau-chiàn. ⁴Iok-sa-hoat kâ Í-sek-liát ông kóng, Chhiáⁿ lí tãi-seng m̄ng Iâ-hô-hoa ê ì-sù. ⁵Í-sek-liát ông chiū chū-chíp sian-ti sì-pah lāng, m̄ng in kóng, Goán tiòh chiūⁿ khi Ki-liát ê Lâh-boát lâi kau-chiàn, á-sī tiòh soah ah? In ìn kóng, Thang chiūⁿ-khi; in-úi Siōng-tè beh ēng in kau tī ông ê chhiú. ⁶Iok-sa-hoat kóng, Tī-chia kiám bô iáu ū Iâ-hô-hoa ê sian-ti hō· lán thang tui i lâi m̄ng mah? ⁷Í-sek-liát ông kâ Iok-sa-hoat kóng, Iáu ū chit-lāng lán thang tui i lâi m̄ng Iâ-hô-hoa; chóng-sī goá oân-hūn i, in-úi i só· chhàm-gú goá ê, bô chit-hāng hó, chí-ū siōng-siōng kóng chai-ē nā-tiāⁿ. Chit lāng sī Im-lâh ê kiáⁿ Bí-kai-ngá. Iok-sa-hoat kóng, Chhiáⁿ ông bôh-tit án-ni kóng. ⁸Í-sek-liát ông chiū tiâu chit ê koaⁿ-oân lâi, kóng, Lí khi kiò Im-lâh ê kiáⁿ Bí-kai-ngá kín-kín lâi. ⁹Í-sek-liát ông kap Iû-tāi ông Iok-sa-hoat ták-ê chē i ê chō-úi, chhēng lé-hók, chē tī Sat-má-lī-a siáⁿ-m̄ng-kháu khoah ê só·-chāi; chēng sian-ti ták-ê tī in ê bīn-chēng chhàm-gú. ¹⁰Ki-ná-ná ê kiáⁿ Se-tí-ka choè thih-kak, kóng, Iâ-hô-hoa án-ni kóng, Lí beh ēng chiah-ê tak A-lân lāng, kàu in biát-bô. ¹¹Chēng sian-ti lóng án-ni chhàm-gú kóng, Thang chiūⁿ-khi Ki-liát ê Lâh-boát, beh tek-sèng; in-úi Iâ-hô-hoa beh chiong i kau tī ông ê chhiú.

¹²Hit-ê khi kiò Bí-kai-ngá ê sù-chiá kâ i kóng, Khoàⁿ ah, chēng sian-ti lóng kóng chit-iūⁿ oē, tui ông kóng hó-sū; kiú lí só· kóng-ê kap in saⁿ-tāng, pīⁿ-pīⁿ kóng hó-oē. ¹³Bí-

kai-ngá kóng, Goá kí éng-oáh ê Iâ-hô-hoa chiù-choā lâi kóng, goá ê Siōng-tè kóng sím-mih, goá beh kóng i. ¹⁴Bí-kai-ngá kàu ông ê bìn-chêng, ông m̄ng i kóng, Bí-kai-ngá ah, goán tiòh chiūⁿ-khì Ki-liát ê Lâh-boát lâi kau-chiàn, á-sī tiòh soah ah? I òn kóng, Thang chiūⁿ-khì, beh tek-sèng; in-ūi in beh siū kau-hù tī lín ê chhiú. ¹⁵Ông tùi i kóng, Goá tiòh kúi-pái kah lí chiù-choā, lí thok Iâ-hô-hoa ê miā, chí-ū tiòh ēng chin-sít ká goá kóng. ¹⁶Bí-kai-ngá kóng, goá khoàⁿ-kìⁿ Í-sek-liát cheng peh-siⁿ sì-soàⁿ tī soaⁿ--nih, chhin-chhiūⁿ bô bók-chiá ê iūⁿ chít-poaⁿ; Iâ-hô-hoa án-ni kóng, Chiah-ê bô chú-lâng; in ták-ê thang pêng-an tò-khì in ê ke. ¹⁷Í-sek-liát ông ká Iok-sa-hoat kóng, Goá kiám bô ká lí kóng, Chit lāng sóⁿ beh chhàm-gú goá ê, bô kóng hó-oē, chí-ū chai-ē nā-tiāⁿ? ¹⁸Bí-kai-ngá kóng, Só-í lín tiòh thiaⁿ Iâ-hô-hoa ê oē; goá khoàⁿ-kìⁿ Iâ-hô-hoa chē tī pó-chō, thiⁿ-tég ê bān-kun khiā tī I ê chó-iū. ¹⁹Iâ-hô-hoa kóng, Chī-chui beh ín-iú Í-sek-liát ông A-hap, hōⁿ i chiūⁿ-khì Ki-liát ê Lâh-boát, sí tī-hia ah? Chit-ê kóng án-ni, hit-ê kóng án-ni. ²⁰Āu-lâi ū chit ê sîn chhut-lâi, khiā tī Iâ-hô-hoa ê bìn-chêng, kóng, Goá beh ín-iú i. Iâ-hô-hoa m̄ng i kóng, Lí beh ēng sím-mih hoat-tōⁿ? ²¹I kóng, Goá beh chhut-khì choè pèh-chhát ê sîn, tī i cheng sian-ti ê chhui. Iâ-hô-hoa kóng, Lí beh ín-iú i, iā beh chiāⁿ--i; chhut-khì lâi choè án-ni. ²²Taⁿ Iâ-hô-hoa ēng pèh-chhát ê sîn jlp tī lí chiah ê sian-ti ê chhui. Iâ-hô-hoa lūn-kàu lí ū kóng chai-ē. ²³Ki-ná-ná ê kiáⁿ Se-tí-ka chìn-chêng, siàn Bí-kai-ngá ê chhui-phoe, kóng, Iâ-hô-hoa ê sîn tùi toh-lóh chit-tiâu-lōⁿ lī-khui goá lâi kap lí kóng ah? ²⁴Bí-kai-ngá kóng, Khoàⁿ ah, lí jlp lâi-pāng ka-kī bih, hit-jit chiū beh khoàⁿ-kìⁿ. ²⁵Í-sek-liát ông kóng,

Tiòh toà Bí-kai-ngá khi kau siāⁿ-siú A-bûn, kap ông ê kiáⁿ Iok-a-si, kóng, ²⁶Ông án-ni kóng, Ēng chit lāng koaiⁿ tī kaⁿ--nih, ēng kan-khóⁿ ê piáⁿ kan-khóⁿ ê chúⁿ hōⁿ i chiáh, theng-hāu goá pêng-an tò-lâi. ²⁷Bí-kai-ngá kóng, Lí nā chìn-chiāⁿ pêng-an tò-lâi, chiū-sī Iâ-hô-hoa bô thok goá kóng. Koh kóng, Chiah ê peh-siⁿ ah, lín lóng tiòh thiaⁿ.

²⁸Í-sek-liát ông kap Iū-tāi ông Iok-sa-hoat chiūⁿ-khì Ki-liát ê Lâh-boát. ²⁹Í-sek-liát ông ká Iok-sa-hoat kóng, Goá beh kái-chong chiūⁿ-tīn, lí thang chheng ông-hók. Í-sek-liát ông chiū kái-chong, in chiū chiūⁿ-tīn. ³⁰A-lân ông ū hoan-hù i ê chiàn-chhia ê koaⁿ-tiúⁿ kóng, Bô-lūn toā-soè m̄-thang kap in kau-chiàn, chí-ū kap Í-sek-liát ông kau-chiàn. ³¹Chiàn-chhia ê koaⁿ-tiúⁿ khoàⁿ-kìⁿ Iok-sa-hoat chiū kóng, Che sī Í-sek-liát ông, chiū oát-kè--khì beh kap i kau-chiàn. Iok-sa-hoat chiū háu-kiù, Iâ-hô-hoa chiū pang-chān i; Siōng-tè iā kám-tōng in lī-khui i. ³²Chiàn-chhia ê koaⁿ-tiúⁿ khoàⁿ-kìⁿ m̄-sī Í-sek-liát ông chiū oát-túg bô tui i. ³³Ū chit-lāng ngóⁿ-jiân khui-keng, siā-jlp Í-sek-liát ông chiàn-kah ê kap-choā; ông ká koáⁿ-chhia-ê kóng, Lí oát-túg chhiú, toà goá chhut-tīn; in-ūi goá tiòh tâng-siong lah. ³⁴Hit-jit kau-chiàn ê sè-bīn ná bég-liát; Í-sek-liát ông bián-kióng khiā tī chhia--nih, tí-tng A-lân lāng, kàu ê-hng; chha-put-to jít-lóh ê sī, chiū sí.

19 Iū-tāi ông Iok-sa-hoat pêng-an tò-khì Iâ-lōⁿ-sat-léng kàu i ê chhui. ²Sian-kiàn Hap-ná-ni ê kiáⁿ Iâ-hōⁿ chhut-lâi ngiā-chih Iok-sa-hoat ông, ká i kóng, Lí pang-chān pháⁿ-lāng, thiāⁿ oàn-hūn Iâ-hô-hoa ê lāng, háp-gī mah? In-ūi án-ni Iâ-hô-hoa ê siū-khì līm-kàu lí. ³Nā-sī lí iáu ū hó-sū tī-teh; in-ūi lí tùi chit ê toē-hng tū-khì A-su-tha-liók, koh tiāⁿ-tiòh

lí ê sim chhē Siōng-tè.

⁴Iok-sa-hoat tiàm tī Iâ-lō·sat-léng; āu-lâi koh chhut-khì sùn-sī peh-siⁿ ê tiong-kan, tùi Piát-sī-pa kàu Í-hoat-liân soaⁿ-toē, chhoā peh-siⁿ kui-ng̃ Iâ-hô-hoa in liát-chó· ê Siōng-tè. ⁵Koh siat-líp sím-phoàⁿ-koaⁿ tī keng-lâi, tī Iû-tâi kian-kò· ê siâⁿ; ták ê siâⁿ lóng án-ni. ⁶Kā hiah ê sím-phoàⁿ-koaⁿ kóng, Kín-sîn lín ê só·choè; in-tùi lín sím-phoàⁿ m̄-sī ūi-tiòh lāng, sī ūi-tiòh Iâ-hô-hoa; lín sím-phoàⁿ ê sī, I kap lín tī-teh. ⁷Taⁿ lín tiòh kiaⁿ-ùi Iâ-hô-hoa; kín-sîn choè tãi-chì; in-tùi Iâ-hô-hoa lán ê Siōng-tè bô-ū put-gī, bô phian-thán, bô siū pò·lō·. ⁸Iok-sa-hoat tùi Lī-bī lāng, kap chē-si, kap Í-sek-liát chók-tiúⁿ tiong, siat-líp lāng, tī Iâ-lō·sat-léng ūi Iâ-hô-hoa phoàⁿ-toàn tãi-chì, kap saⁿ-kò. In chiū tò-khì Iâ-lō·sat-léng. ⁹I koh bēng-lēng in kóng, Lín tiòh kiaⁿ-ùi Iâ-hô-hoa, chīm-tiong sēng-sít sim lâi kiâⁿ chit ê tãi-chì. ¹⁰Kiⁿ-nā lín ê hiaⁿ-tī tiàm tī in hiah ê siâⁿ--ê, nā ū oan-ke ê sū, lâi chiū-kūn lín, bô-lūn sím-mih tãi-chì, hēk-sī ūi-tiòh lâu huìh, á-sī tī lút-hoat kap kài-bēng, á-sī lút-lē kap hoat-tō· ê tiong-kan, lín tiòh keng-kài in, m̄-thang tek-choē Iâ-hô-hoa, tì-kàu siū-khì līm-kàu lín, kap lín ê hiaⁿ-tī; lín án-ni choè, chiū bô choē. ¹¹Khoàⁿ ah, kìⁿ-nā siók Iâ-hô-hoa ê sū, ū chē-si-thâu A-má-lī-ngá koán-lí lín; kìⁿ-nā siók ông ê sū, ū Iû-tâi ê chók-tiúⁿ Í-sít-má-lī ê kiáⁿ Se-pa-tē-ngá koán-lí lín. Tī lín ê bīn-chēng ū Lī-bī lāng choè koaⁿ-tiúⁿ; lín tiòh hó-táⁿ choè tãi-chì, goān Iâ-hô-hoa kap hó-lāng tī-teh.

20 Chit-tiáp liáu-āu, Mô·ap lāng kap A-būn lāng, koh ū Bí-o·nī lāng, saⁿ-kap lâi, beh kap Iok-sa-hoat kau-chiàn. ²Ū lāng lâi pò Iok-sa-hoat kóng, Tùi hái-goā tùi A-lân hia ū toā kun-tūi lâi kong-kek lí; taⁿ in tī Hap-

sé-sùn-tha-má, chiū-sī Ūn-ki-tí. ³Iok-sa-hoat chiū kiaⁿ, tiāⁿ-tiòh ì-sù khún-kiū Iâ-hô-hoa; tī Iû-tâi choân-toē soan-pò· kìm-chiáh. ⁴Tùi án-ni Iû-tâi lāng chū-hoē, kiū Iâ-hô-hoa pang-chān; Iû-tâi ták ê siâⁿ lóng ū lāng chhut-lâi chhē Iâ-hô-hoa.

⁵Iok-sa-hoat chiū tī Iû-tâi kap Iâ-lō·sat-léng ê hoē-tiong, khiā tī Iâ-hô-hoa tiān ê sin-īⁿ ê thâu-chēng, kóng, ⁶Iâ-hô-hoa goán ê liát-chó· ê Siōng-tè ah, Lí kiám m̄-sī tī thiⁿ--nih ê Siōng-tè mah? Lí kiám m̄-sī liát-pang bān-kok ê chú-cháiⁿ mah? tī Lí ê chhiú ū koân-lēng ū khui-lát, bô chit-ê oē tí-ték lí. ⁷Goán ê Siōng-tè ah, Lí kiám m̄-sī bat tī Lí ê peh-siⁿ Í-sek-liát lāng ê bīn-chēng koáⁿ-tiók chit ê toē-hng khiā-khí ê peh-siⁿ, chiong i siúⁿ-sù Lí ê pēng-iú A-pek-láh-hán ê hō·-è kàu éng-oán mah? ⁸In chiū tiàm tī chit ê toē-hng, koh in-tùi Lí ê miā tī chia kā Lí khí chit keng sēng-só·, kóng, ⁹Siat-sú ū chai-ē līm-kàu goán, hēk-sī to-kiám, khiàn-chek, Hēk-sī un-ék, ki-hng, tng hoān-lān ê sī, goán beh khiā tī chit keng ê thâu-chēng, tī Lí ê bīn-chēng khún-kiū Lí; in-tùi Lí ê miā sī tiàm-tī chit keng tiān, Lí beh thiaⁿ lâi chín-kiù. ¹⁰Chēng Í-sek-liát lāng chhut Ai-klp toē ê sī, Lí m̄-chún in chhim-hoān A-būn lāng, Mô·ap lāng, kap Se-jíⁿ-soaⁿ lāng; chiū lī-khui in, bô biát in. ¹¹Khoàⁿ ah, in taⁿ cháiⁿ-iūⁿ pò-èng goán, lâi koáⁿ-tiók goán chhut Lí ê giáp, chiū-sī Lí siúⁿ-sù goán, hō· goán sēng-chiap ê. ¹²Goán ê Siōng-tè ah, Lí bô beh chek-hoat in mah? in-tùi goán bô lát thang tí-tng chit-ê lâi kong-kek goán ê toā kun-tūi, goán iā m̄-chai tiòh cháiⁿ-iūⁿ kiâⁿ, goán ê bák-chiu choan-choan ñg Lí. ¹³Iû-tâi chēng-lāng, kap in ê soē-hàn gín-ná, in ê bó·, in ê kiáⁿ-jī, lóng khiā tī Iâ-hô-hoa ê bīn-chēng.

¹⁴Hit-sī Iâ-hô-hoa ê Sîn tī kong-hoē tiong lîm-kàu Ngá-hap-sek; i sī Lī-bī lāng A-sat ê hō-è, Má-thàm-ngá ê goân-sun, Iâ-lī ê cheng-sun, Pí-ná-ngá ê sun, Sat-ka-lī-ngá ê kiáⁿ. ¹⁵I kóng, Iû-tāi chêng-lāng, Iâ-lō-sat-léng khiā-khí ê peh-sìⁿ, kap Iok-sa-hoat ông lí, lóng tiòh thiaⁿ; Iâ-hô-hoa tui lín án-ni kóng, Bôh-tit in-ūi chit ê toā kun-tūi lâi kiaⁿ, lâi lún; in-ūi chit ê kau-chiàn m̄-sī chāi-tī lín, chiū-sī chāi-tī Siōng-tè. ¹⁶Bîn-á-jit lín tiòh lóh-khì chih-tīn; in tui Sé-su soaⁿ-phiāⁿ chiūⁿ lâi, lín beh tī Iâ-lō-i-lèk không-iá thâu-chêng ê soaⁿ-kok-kháu tú-tiòh in. ¹⁷Chit-pái lín m̄-bián kau-chiàn; Iû-tāi kap Iâ-lō-sat-léng ah, lín tiòh pài-tīn khiā-teh, khoàⁿ Iâ-hô-hoa chín-kiù lín; m̄-bián kiaⁿ, m̄-bián lún, bîn-á-jit tiòh chhut-khì in hia; in-ūi Iâ-hô-hoa kap lín tī-teh. ¹⁸Iok-sa-hoat chiū àⁿ-thâu phak tī toē-nih; Iû-tāi chêng-lāng, kap Iâ-lō-sat-léng khiā-khí ê peh-sìⁿ, iā phak tī Iâ-hô-hoa ê bîn-chêng, keng-pài Iâ-hô-hoa. ¹⁹Ko-hat chók kap Khó-lah-chók ê Lī-bī lāng, lóng khiā-khí-lâi, ēng kék-toā ê siaⁿ o-ló Iâ-hô-hoa Í-sek-liát ê Siōng-tè.

²⁰Keh jit in chá-chá khí-lâi, chhut-khì Thê-ko-a ê không-iá; chhut-khì ê sī, Iok-sa-hoat khiā-teh kóng, Iû-tāi lāng, kap Iâ-lō-sat-léng khiā-khí ê peh-sìⁿ ah, tiòh thiaⁿ goá, lín tiòh sìn Iâ-hô-hoa lín ê Siōng-tè, chiū beh khiā-chāi; sìn I ê sian-ti chiū beh heng-thong. ²¹I í-keng kap peh-sìⁿ gī-lūn, chiū siat-líp chhiūⁿ-koa o-ló Iâ-hô-hoa ê, hō in chhēng sèng koh súi ê saⁿ, kiāⁿ tī kun-tūi ê thâu-chêng o-ló Iâ-hô-hoa, kóng, Tiòh kám-siā Iâ-hô-hoa; in-ūi i ê chú-ài éng-oán tī-teh. ²²In tú-á chhiūⁿ-koa o-ló ê sī, Iâ-hô-hoa chiū phài bài-hók ê peng kong-kek hiah ê lâi kong-kek Iû-tāi ê A-bún, Mô-ap, kap Se-jíⁿ soaⁿ ê lāng; in chiū siū-phah. ²³In-ūi A-bún kap Mô-ap lāng khí-

-lâi kong-kek tiàm-tī Se-jíⁿ soaⁿ ê lāng, it-chīn thâi lâi biát in; it-chīn biát tiàm-tī Se-jíⁿ ê lāng liáu-āu, in ták-ê hun-pêng saⁿ châu-biát. ²⁴Iû-tāi lāng kàu không-iá siú-bāng ê lâu, khoàⁿ-kìⁿ hiah ê toā kun-tūi; khoàⁿ ah, sin-si tó tī toē-nih, bô chit-ê cháu-lī. ²⁵Iok-sa-hoat kap i ê peh-sìⁿ lâi chhiūⁿ in ê chāi-bút, tī in tiong-kan chhē-tiòh choē-choē chāi-bút, i-hók, pó-poè; in pak choē ka-kī-ê, choē kàu toā-boē-khì. In chhiūⁿ mih kàu saⁿ-jit, in-ūi chin-choē. ²⁶Tē-si-jit in chū-chíp tī Pí-lah-ka ê soaⁿ-kok; in-ūi tī-hia o-ló Iâ-hô-hoa, só-í hit só-chāi miā-kiò Pí-lah-ka soaⁿ-kok, kàu tī kin-á-jit. ²⁷In chiū tò-khì, chiū-sī Iû-tāi kap Iâ-lō-sat-léng ê lāng, Iok-sa-hoat tī in ê thâu-chêng, tī-ke hoaⁿ-hí tò-khì Iâ-lō-sat-léng; in-ūi Iâ-hô-hoa hō in thâi-iāⁿ tui-ték, lâi hoaⁿ-hí khoài-lók. ²⁸In toāⁿ-khim, toāⁿ-sek, pūn hō-thâu, lâi Iâ-lō-sat-léng, kàu Iâ-hô-hoa ê tiān. ²⁹Liát-pang chiaⁿ ê kok thiaⁿ-kìⁿ Iâ-hô-hoa thâi-iāⁿ Í-sek-liát ê tui-ték, chiū kiaⁿ Siōng-tè. ³⁰Án-ni Iok-sa-hoat ê kok thài-pêng; in-ūi i ê Siōng-tè siúⁿ-sù i sī-ūi pêng-an.

³¹Iok-sa-hoat choē Iû-tāi ông; chē-ūi ê sī saⁿ-cháp-gō hē; tī Iâ-lō-sat-léng choē ông lèk-kè jī-cháp-gō nī; I ê lâu-bú miā kiò A-so-pa, chiū-sī Sī-lī-hi ê cha-bó-kiáⁿ. ³²Iok-sa-hoat kiāⁿ i ê lâu-pē A-sat ê lō, bô phian-oai, kiāⁿ Iâ-hô-hoa só khoàⁿ-choē hó ê sū. ³³Chóng-sī soaⁿ-thâu-toāⁿ iáu-bē hoē-bô, koh peh-sìⁿ iā bē ū tiāⁿ-tiòh sim-ì kui-nē in liát-chóⁿ ê Siōng-tè. ³⁴Iok-sa-hoat kí-ū ê sū, tui-thâu kàu-bé, lóng kì tī Hap-ná-nī ê kiáⁿ Iâ-hô ê chheh, hit ê chheh iā liát tī Í-sek-liát liát-ông ê chheh.

³⁵Hit-sī liáu-āu, Iû-tāi ông Iok-sa-hoat kap Í-sek-liát ông A-hap-siā kiát-kau. A-hap-siā kiāⁿ pháiⁿ kàu-kék. ³⁶Nēng ê ông saⁿ-kap chō-

chùn beh khi Tha-si; chiū tī Í-sùn-ka-piát chō-chùn. ³⁷Hit-sī Má-lī-sa lāng, To-tāi-oá ê kiáⁿ Í-lī-í-siā, ēng chhàm-gú kong-kek Iok-sa-hoat kóng, In-ūi lí kiát-kau A-hap-siā, Iā-hô-hoa phò-hoāi lí ê só· choè. Tūi án-ni chùn chiū phoà, boē-oē khi Tha-si.

21 Iok-sa-hoat kap i ê liát-chó· tâng khùn, kap i ê liát-chó· chòng tī Tāi-pit ê siāⁿ. I ê kiáⁿ Iā-hô-lâm soà-chiap i choè ông. ²Iā-hô-lâm ū kúi-nā ê sió-tī, chiū-sī Iok-sa-hoat ê kiáⁿ, A-sat-lī-ngá, Iā-iat, Sat-ka-lī-ngá, A-sat-lī-ngá, Bí-ka-lék, Sī-hoat-thē-a; chia-hê lóng sī Í-sek-liát ông Iok-sa-hoat ê kiáⁿ. ³In lāu-pē ēng choē-choē bít-giáp hō· in; chiū-sī kim-gūn pó-poē kap Iū-tāi toē kian-kò· ê siāⁿ hō· in; chóng-sī ēng kok-ūi hō· Iā-hô-lâm, in-ūi i sī toā-kiáⁿ. ⁴Iā-hô-lâm khi-lai chē i ê lāu-pē ê ūi, ka-kī kiōng-sēng, chiū ēng to thāi-sí i ê cheng sió-tī, kap Í-sek-liát kúi-nā ê siú-léng. ⁵Iā-hô-lâm chē-ūi ê sī, saⁿ-cháp-jī hē; tī Iā-lō·sat-léng choè ông kiōng poeh-nī. ⁶I kiāⁿ Í-sek-liát chia-hê ông ê lō·, kap A-hap ê ke bô koh-iūⁿ; in-ūi i chhoā A-hap ê cha-bó·-kiáⁿ choè bó·; kiāⁿ Iā-hô-hoa só· khoān-choè pháiⁿ ê sū. ⁷Chóng-sī Iā-hô-hoa in-ūi ka-kī kap Tāi-pit só· līp ê iok, m̄-kam biát Tāi-pit ê ke, chiàu I só· èng-ún ê, éng-oán siúⁿ-sù chit pha teng hō· i kap i ê kiáⁿ-sun.

⁸Tng Iā-hô-lâm ê nī-kan, Í-tong poē-poān Iū-tāi, thoat-lī i ê chhiú-thâu; ka-kī siat-līp ông. ⁹Iā-hô-lâm chiū chhoā i hiah ê kun-tiúⁿ, kap lóng-chóng ê chiàn-chhia kè--khi, thau-mī khi-lai, phah ūi-khùn i ê Í-tong lāng, kap hiah ê chia-tiúⁿ. ¹⁰Án-ni Í-tong lāng poē-poān Iū-tāi, thoat-lī i ê chhiú-thâu, kàu kin-á-jit; siāng hit-sī Līp-ná lāng iā poē-poān, thoat-lī i ê chhiú-thâu; in-ūi Iā-hô-lâm khi-sak Iā-hô-hoa i ê liát-chó· ê Siōng-tè. ¹¹I koh tī Iū-tāi

ê soaⁿ khi soaⁿ-thau-toāⁿ, hō· Iā-lō·sat-léng khiā-khi ê peh-siⁿ kiāⁿ siā-īm; koh iú-hék Iū-tāi lāng. ¹²Sian-ti Í-lī-a siā-phoe kiā hō· Iā-hô-lâm, kóng, Iā-hô-hoa lí ê chó· Tāi-pit ê Siōng-tè án-ni kóng, In-ūi lí bô kiāⁿ lí ê pē Iok-sa-hoat ê lō·, kap Iū-tāi ông A-sat ê lō·; chiū-sī kiāⁿ Í-sek-liát chia-hê ông ê lō·, koh hō· Iū-tāi kap Iā-lō·sat-léng khiā-khi ê peh-siⁿ kiāⁿ siā-īm, chhin-chhiūⁿ A-hap ê ke kiāⁿ siā-īm chit-iūⁿ; koh thāi lí ê lāu-pē ê ke pí lí khah-hó hiah ê sió-tī; só·-í Iā-hô-hoa beh kàng toā chai-ē phah lí ê peh-siⁿ, kap lí ê kiáⁿ-jī, lí ê bó·, í-kíp lí it-chhè só·-ū--ê. ¹⁵Lí ê tng-tō· beh hoān-tiōh tâng-pīⁿ, ták-jit ná-tāng, tì-kàu lí ê tng-á thut--chhut-khi.

¹⁶Iā-hô-hoa kek-tōng Hui-lī-sū lāng, kap oá-kūn Kó·sit ê A-lah-pek lāng ê sim, lai kong-kek Iā-hô-lâm. ¹⁷In chiūⁿ-lai kong-kek Iū-tāi, chhim-jīp keng-lai, chhiūⁿ-liāh ông-kiong-lai só· tú-tiōh ê chāi-bút, kap i hiah ê kiáⁿ, hiah ê bó·; tū i ê soah-bé kiáⁿ Iok-hap-su í-goā, bô kā i lāu chit ê kiáⁿ. ¹⁸Chiah ê tūi-chi í-āu Iā-hô-hoa phah i, hō· i ê tng hoān-tiōh boē i--tit ê pīⁿ. ¹⁹Án-ni kú-kú, nng-nī āu, i ê tng ūi-tiōh pīⁿ thut--chhut-lai, in-ūi chit ê pīⁿ tâng chiū sí. I ê peh-siⁿ bô kā i kiāⁿ sio ê lé-sò·, chhin-chhiūⁿ cheng kā i ê liát-chó· só· sio-ê chit-iūⁿ. ²⁰Iā-hô-lâm chē-ūi ê sī saⁿ-cháp-jī hē, tī Iā-lō·sat-léng choè ông kiōng poeh-nī. I lī-khui sè-kan bô lāng it-tiōh i; lāng bāi-chòng i tī Tāi-pit ê siāⁿ, tók-tók bô tī liát-ông ê bōng.

22 Iā-lō·sat-léng khiā-khi ê peh-siⁿ siat-līp Iā-hô-lâm ê soah-bé kiáⁿ A-hap-siā soà-chiap i choè ông; in-ūi tē A-lah-pek lāng kàu iāⁿ ê kun-tūi, ū thāi-sí i hiah ê toā-kiáⁿ. Án-ni Iū-tāi ông Iā-hô-lâm ê kiáⁿ A-hap-siā choè ông. ²A-hap-siā chē-ūi ê sī si-cháp-jī hē; tī Iā-lō·sat-léng choè ông chit-nī. I ê lāu-bú miā

kiò A-tha-lī-ngá, sī Âm-lī ê cha-bó·-sun. ³I iā kiāⁿ A-hap ê ke ê lō·; in-ūi i ê lâu-bú chí-hui i kiāⁿ pháiⁿ. ⁴I kiāⁿ Iâ-hô-hoa só· khoàⁿ-choè pháiⁿ ê sū, chhin-chhiūⁿ A-hap ê ke chit-iūⁿ; in-ūi i ê lâu-pē sí liáu-āu, ū A-hap ke ê lāng lâi kâ i chí-hui, tì-kàu pāi-hoāi. ⁵I thiaⁿ-thàn in ê kè-bô·; kap Í-sek-liát ông A-hap ê kiáⁿ Iâ-hô-lâm saⁿ-kap khi Ki-liát ê Lâh-boát, kap A-lân ông Hap-siat kau-chiàn. ⁶A-lân lāng phah-siong Iâ-hô-lâm; i tò-khi Iâ-su-liát beh i-tī i ê siong, chiū-sī i tī Lâh-boát kap A-lân ông Hap-siat kau-chiàn ê sí só· siū-tiòh ê. Iû-tāi ông Iâ-hô-lâm ê kiáⁿ, A-sat-lī-ngá, lóh-khi Iâ-su-liát, beh bāi A-hap ê kiáⁿ Iâ-hô-lâm; in-ūi i ū phò-pīⁿ. ⁷A-hap-siā lâi khoàⁿ Iok-lâm chiū tú-tiòh hām-hāi, che sī chhut tī Siōng-tè ê ì-sù; in-ūi i lâi, chiū kap Iâ-hô-lâm chhut-khi, tú-tiòh Lêng-sī ê sun Iâ-hō·, chiū-sī Iâ-hô-hoa só· boah-iū, hō· i chián-tū A-hap ê ke ê. ⁸Iâ-hō· pān A-hap ke ê choē ê sí, tú-tiòh Iû-tāi hiah ê siú-léng, kap A-hap-siā hiaⁿ-tī ê kiáⁿ teh hók-sāi A-hap-siā--ê; i chiū thâi-sí in. ⁹A-hap-siā bih tī Sat-má-lī-a, Iâ-hō· chhē i, lāng liáh--i, toà i kàu Iâ-hō· hia, thâi-sí i, lāng bāi-chòng i; in-ūi in kóng, I sī hit ê choan-sim chhē Iâ-hô-hoa ê Iok-sa-hoat ê kiáⁿ. Án-ni A-hap-siā ê ke bô ū koân-lék thang pó-siú kok-ūi--ê.

¹⁰A-hap-siā ê lâu-bú A-tha-lī-ngá khoàⁿ-kìⁿ i ê kiáⁿ í-keng sí, chiū khí-lâi it-chīn châu-biát Iû-tāi ê ông-chhin. ¹¹Chóng-sī ông ê cha-bó·-kiáⁿ, Iok-sī-pa, chiong A-hap-siā ê kiáⁿ Iok-a-si, tui hiah ê siū-thâi ê ông-kiáⁿ-tiong thau-phō chhut-lâi, chiong i kap i ê leng-bú khng tī khùn-pāng--nih. Iok-si-pa sī Iâ-hô-lâm ông ê cha-bó·-kiáⁿ, A-hap-siā ê chí-bē, chē-si Iâ-hô-iâ-tāi ê bó·; i tui A-tha-lī-ngá khâm-bát i, hō· i bô thâi-sí i. ¹²Āu-lâi kap in saⁿ-kap khng tī

Siōng-tè ê tiān lèk-kè lāk-nī kú. A-tha-lī-ngá koán-lí hit ê toē-hng.

23 Tē-chhit nī Iâ-hô-iâ-tāi ka-kī không-sēng; tiâu pè-chóng Iâ-lô-hán ê kiáⁿ A-sat-lī-ngá, Iok-hap-lân ê kiáⁿ Í-sit-má-lī, Gô-pī-tek ê kiáⁿ A-sat-lī-ngá, A-tāi-ngá ê kiáⁿ Má-se-ngá, Sè-ki-lī ê kiáⁿ Í-lī-sa-hoat, hiah-ê lâi kap i līp-iok. ²In piàn-kiāⁿ Iû-tāi, tui Iû-tāi hiah ê siáⁿ chū-chip Lī-bī lāng, kap Í-sek-liát ê chók-tiúⁿ, lóng kàu Iâ-lō·sat-léng. ³Choân-hoē tī Siōng-tè ê tiān kap ông līp-iok. I tui in kóng, Khoàⁿ ah, ông ê kiáⁿ beh choē ông, chiâu Iâ-hô-hoa lūn-kàu Tāi-pit ê kiáⁿ-sun só· kóng--ê. ⁴Taⁿ lín tiòh án-ni kiāⁿ; lín chiah ê chē-si kap Lī-bī lāng, saⁿ-hūn-chit tī an-hioh-jit jip-lâi--ê, tiòh choē kò-mng--ê; saⁿ-hūn-chit tiòh tī ông-kiong, saⁿ-hūn-chit tiòh tī toē-ki ê mng; peh-siⁿ lóng tiòh tī Iâ-hô-hoa tiān-lāi ê m̄. ⁶Tòk-tók chē-si, kap teh hók-sāi ê Lī-bī lāng í-goā, pát-lāng m̄-thang jip Iâ-hô-hoa ê tiān; chiah ê lāng thang jip-khi, in-ūi in sī sēng. Chóng-sī cheng peh-siⁿ tiòh ūi-tiòh Iâ-hô-hoa lâi kò-siú. ⁷Lī-bī lāng ták-ê chhiú tiòh kiáh kun-khi, sì-ūi pó-hō· ông; kīⁿ-nā chū-choan jip-tiān--ê tiòh hō· i sí; ông chhut-jip ê sí, lín tiòh kun-sui i. ⁸Lī-bī lāng, kap Iû-tāi cheng-lāng, chiâu chē-si Iâ-hô-iâ-tāi it-chhē só· bēng-lēng-ê khi kiāⁿ; ták-lāng toà in lūn-tiòh an-hioh-jit jip-lâi ê lāng, kap lūn-tiòh an-hioh-jit chhut-khi ê lāng; in-ūi chē-si Iâ-hô-iâ-tāi m̄-chún in soàⁿ-pan. ⁹Chē-si Iâ-hô-iâ-tāi chiū chiong Siōng-tè tiān-lāi só· khng Tāi-pit ông ê chhiuⁿ, pīn-pāi, toā-pāi, kau hō· hiah ê pé-chóng. ¹⁰Koh phài cheng peh-siⁿ, chhiú ták-ê kiáh ke-si, tī toāⁿ kap tiān hia, tui tiān ê chiāⁿ-pēng kàu tiān ê tò-pēng, khiā tī ông ê sì-ūi. ¹¹In chiū chhoā ông ê kiáⁿ chhut-lâi, kâ i tī bián-liū, chiong lūt-hoat ê

chheh hō· i; Iâ-hô-iâ-tâi kap i hiah ê kiáⁿ ēng iū boah i, siat-líp i choè ông; cheng-lâng kóng, Goān ông bân-soè. ¹²A-tha-lī-ngá thiaⁿ-kìⁿ peh-sìⁿ cháu-lâi, o-ló ông ê siaⁿ, chiū kàu peh-sìⁿ hia, jíp Iâ-hô-hoa ê tiān; khoàⁿ-kìⁿ ông khiā tī tiān-mng̃ ê thiāu-piⁿ, hiah ê kun-tiúⁿ kap pūn hō-thâu--ê khiā tī ông ê chó-iū; peh-sìⁿ hoaⁿ-hí pūn hō-thâu; koh ū chhiūⁿ-koa--ê, ēng ták-iūⁿ ê gák-khì, chhoā cheng-lâng o-ló, A-tha-lī-ngá chiū thiah-llh i ê saⁿ, hoah kóng, Hoán-poān lah, hoán-poān lah. ¹⁴Chè-si Iâ-hô-iâ-tâi chhoā koán-hat kun-tūi ê pé-chóng, tui in kóng, Tui pan-liát ê tiong-kan koáⁿ i chhut-khì, kìⁿ-nā tè i ê tiōh ēng to thâi-sí i; in-ūi chè-si kóng, M̄-thang tī Iâ-hô-hoa ê tiān thâi i. ¹⁵In siám-khui siang-pēng, hō· i khi; i kiáⁿ kàu ông-kiong Bé ê mng̃, chiū tī-hia thâi-sí i.

¹⁶Iâ-hô-iâ-tâi tī pún-sin, kap peh-sìⁿ, kap ông ê tiong-kan lip-iok, lóng beh choè Iâ-hô-hoa ê peh-sìⁿ. ¹⁷Tui án-ni cheng peh-sìⁿ kàu Pa-lék ê biō, thiah-húi i, phah-chhùi i hiah ê toāⁿ kap ngó-siōng, koh tī toāⁿ-cheng phah-sí Pa-lék ê chè-si Má-thán. ¹⁸Iâ-hô-iâ-tâi koh chiàu Tâi-pit chá-jit só· tiāⁿ-tiōh--ê siat-líp chè-si Lī-bī lāng tam-tng Iâ-hô-hoa tiān ê chit, cheng Tâi-pit ēng chit ê pan-liát phài tī Iâ-hô-hoa ê tiān, hō· in hoaⁿ-hí chhiūⁿ-koa, hiàn Iâ-hô-hoa ê sio-chè, chiàu só· kì-chài tī Mô-se ê lút-hoat--ê. ¹⁹I iā siat kò-mng̃--ê tī Iâ-hô-hoa ê tiān hiah ê mng̃; bō-lūn siáⁿ-tâi, bō chheng-khì--ê boē-tit jíp-khì. ²⁰Koh toà pé-chóng kap kù-chók, kap peh-sìⁿ ê siú-léng, kap kok-lāi ê cheng peh-sìⁿ, tui Iâ-hô-hoa ê tiān chhoā ông lóh-lâi; tui téng ê mng̃ chìn-jíp ông-kiong, hō· ông chē kok-ūi. ²¹Kok-lāi cheng peh-sìⁿ lóng hoaⁿ-hí, thong siáⁿ an-cheng, in ēng to thâi-sí A-tha-lī-ngá.

24 Iok-a-si chē-ūi ê sí, chhit-hè, tī Iâ-lō-sat-léng choè ông lèk-kè sì-cháp nī. I ê lāu-bú miā kiò Se-pí-a, sī Piát-sī-pa lāng. ²Chè-si Iâ-hô-iâ-tâi tī-teh ê jlt, Iok-a-si kiáⁿ Iâ-hô-hoa só· khoàⁿ-choè hó ê sū. ³Iâ-hô-iâ-tâi ká i chhoā nng̃ ê bó·, i siⁿ-kiáⁿ cha-bó·-kiáⁿ.

⁴Āu-lāi Iok-a-si ū ì-sù beh siu-lí Iâ-hô-hoa ê tiān; chiū tiàu-chíp chè-si kap Lī-bī lāng, ká in kóng, Lín tiōh khi Iū-tâi hiah ê siáⁿ, tui Í-sek-liát cheng-lâng toē gūn, thang ták-nī siu-lí lín ê Siōng-tè ê tiān; lín tiōh koáⁿ-kín pān-lí chit ê sū. Chóng-sī Lī-bī lāng bō koáⁿ-kín. ⁶Ông tiàu chè-si-thâu Iâ-hô-iâ-tâi lâi, ká i kóng, Lí siáⁿ-sū bō pek Lī-bī lāng tui Iū-tâi kap Iâ-lō-sat-léng toà gūn lâi, chiū-sī chiàu Iâ-hô-hoa ê lô·pók Mô-se, kap Í-sek-liát ê hoē-chiòng, só· tiāⁿ-tiōh tiōh hiàn-choè kan-cheng ê pò·-pīⁿ ê lô·ēng-ê? ⁷In-ūi hit pháiⁿ hū-jîn-lāng A-tha-lī-ngá ê cheng-kiáⁿ bat thiah-húi Siōng-tè ê tiān; koh ēng Iâ-hô-hoa tiān-lāi hun-piat choè-seng ê mīh hiàn hō· hiah ê Pa-lék. ⁸Tui án-ni ông chhut bēng-lēng, in chiū choè chit ê kūi, hē tī Iâ-hô-hoa tiān ê mng̃-goā. ⁹Koh soan-pò· Iū-tâi kap Iâ-lō-sat-léng ê peh-sìⁿ, tiōh chiàu Siōng-tè ê lô·pók Mô-se tī không-iá bēng-lēng Í-sek-liát lāng só· tiāⁿ-tiōh tiōh hiàn ê gūn, toà lâi hō· Iâ-hô-hoa. ¹⁰Cheng siú-léng kap cheng peh-sìⁿ lóng hoaⁿ-hí toà lâi hiat tī kūi-nih, kàu oân-moá. ¹¹Lī-bī lāng toà hit ê kūi jíp ông ê pān-kong-sek, in khoàⁿ-kìⁿ gūn chin-choē, chiū ông ê su-kì kap chè-si-thâu ê úi-oân lâi, piāⁿ-khang hit ê kūi, āu-lāi ēng kūi koh hē tī goān-ūi; jlt-jlt án-ni choè i; khiōh gūn chin-choē. ¹²Ông kap Iâ-hô-iâ-tâi ēng gūn hō· choè Iâ-hô-hoa tiān-lāi pān-sū ê lāng; in chiū chhiāⁿ chiōh-chhiūⁿ, bák-chhiūⁿ, siu-cheng Iâ-hô-hoa ê tiān. koh chhiāⁿ thi-kang, tâng-chhiūⁿ, lâi siu-lí Iâ-hô-hoa ê tiān.

¹³choè-kang ê lâng choè in ê kang, hit ê kang chiū bēng-pék, siu-lí Siōng-tè ê tiān chiàu kū ê khoán; koh hō· i chin kian-kò·. ¹⁴Í-keng oân-kang, in chiū toà só· chhun ê gūn, kàu ông kap Iâ-hô-iâ-tāi ê bīn-chēng, ēng i lâi chō khi-kū, choè Iâ-hô-hoa tiān ê lô·-ēng, chiū-sī hók-sāi ê khi-kū, lâi hiàn sio-chè; koh chō sí, kap kim-gūn ê khi-kū. Tng Iâ-hô-iâ-tāi oáh-teh ê jít, lâng siōng-siōng hiàn sio-chè tī Iâ-hô-hoa ê tiān.

¹⁵Iâ-hô-iâ-tāi chiām-chiām lâu, jít-chí moá-chiok, chiū sí, sí ê sī; chhít-pah saⁿ-cháp hē. ¹⁶Lâng chòng i tī Tāi-pit siāⁿ kap liát-ông ê tiong-kan; in-ūi i tī Í-sek-liát tiong òng Siōng-tè kap I ê tiān kiāⁿ-hó. ¹⁷Iâ-hô-iâ-tāi sí-liáu, Iû-tāi chēng siú-léng lâi tiâu-pài ông; ông thiaⁿ-thàn in. ¹⁸In pàng-sak Iâ-hô-hoa in liát-chó· ê Siōng-tè ê tiān, khi hók-sāi hiah ê A-sià-láh, kap ngó·-siōng; in-ūi in chit ê choē, chiū ū siū-khi līm-kàu Iû-tāi kap Iâ-lō·-sat-léng. ¹⁹Chóng-sī I chhe sian-ti kàu in hia, beh ín-chhoā in kui-òng Iâ-hô-hoa; sian-ti tui in choè kan-chēng, nā-sī in m̄ thiaⁿ. ²⁰Hit-sī Siōng-tè ê Sīn līm-kàu chē-si Iâ-hô-iâ-tāi ê kiáⁿ Sat-ka-lī-a; i chiū khiā tī peh-siⁿ ê téng-bīn, tui in kóng, Siōng-tè án-ni kóng, Lín siāⁿ-sū hoān-tiōh Iâ-hô-hoa ê kài-léng, tì-kàu boē tit-tiōh heng-thong ah? In-ūi lín khi-sak Iâ-hô-hoa, Iâ-hô-hoa iā khi-sak lín. ²¹In chiū kiát-tóng lâi hāi--i, chiàu ông ê bēng-lēng, tī Iâ-hô-hoa tiān ê īⁿ-lāi, ēng chiōh-thâu tìm-sí i. ²²Án-ni Iok-a-si ông bô siàu-liām Sat-ka-lī-a ê lâu-pē Iâ-hô-iâ-tāi só· ká i choè ê, lâi hāi-sí i ê kiáⁿ. Sat-ka-lī-a sí ê sī, kóng, Goān Iâ-hô-hoa kàm-chhat sin-oan.

²³Nī-bé A-lân ê kun-peng chiūⁿ-lâi kong-kek Iok-a-si, lâi kàu Iû-tāi kap Iâ-lō·-sat-léng, tui peh-siⁿ-tiong biát peh-siⁿ hiah ê siú-léng,

ēng só· chhiúⁿ ê mih ūn-kàu Tāi-má-sek ông hia. ²⁴A-lân ê kun-peng chhoā chhít sió-tui ê lâng lâi, Iâ-hô-hoa ēng toā-tui ê lâng kau tī in ê chhiú, sī in-ūi in pàng-sak Iâ-hô-hoa in liát-chó· ê Siōng-tè, chiah ēng án-ni lâi chek-hoát Iok-a-si. ²⁵Tui-ték lī-khui--i, pàng-sak--i; tī i tiōh tâng-pīⁿ ê sī, i ê lô·-pók ūi-tiōh chē-si Iâ-hô-iâ-tāi hiah ê kiáⁿ ê huhi kiát-tóng lâi kong-kek i, thāi i tī i ê bīn-chhng, i chiū sí; lâng bāi-chòng i tī Tāi-pit ê siāⁿ, tók-tók bô chòng i tī liát-ông ê bōng. ²⁶Kiát-tóng lâi hāi--i ê sī A-bún ê hū-jīn-lâng Sī-bí-ap ê kiáⁿ Sat-poát, kap Mô·-ap ê hū-jīn-lâng Sī-bí-lī ê kiáⁿ Iok-sat-poát. ²⁷Lūn-kàu i hiah ê kiáⁿ, kap i só· siū ê keng-kài, kap i siu-lí Siōng-tè ê tiān ê sū, lóng kī tī liát-ông kī-liók ê chū-kái. I ê kiáⁿ A-má-siā soà-chiap i choè ông.

25 A-má-siā chē-ūi ê sī, jī-cháp-gō· hē, tī Iâ-lō·-sat-léng choè ông, kiōng jī-cháp-káu nī. I ê lâu-bú miā kiò Iok-iâ-tàn, sī Iâ-lō·-sat-léng lâng. ²A-má-siā kiāⁿ Iâ-hô-hoa só· khoāⁿ-choè hó ê sū, chóng-sī sim bô choan-it. ³I ê kok-koān í-keng kian-kò·, chiū thāi-sí chēng chhi-khek i ê lâu-pē Iû-tāi ông hiah ê jīn-sīn; ⁴chóng-sī bô thāi-sí in ê kiáⁿ, sī chiàu Mô·-se lút-hoat ê chheh só· kī-chài, Iâ-hô-hoa bēng-lēng kóng, M̄-thang in-ūi kiáⁿ lâi thāi-sí lâu-pē, iā m̄-thang in-ūi pē lâi thāi-sí kiáⁿ, ták lâng tiōh in-ūi pún-sin ê choē lâi sí.

⁵A-má-siā chū-chíp Iû-tāi lâng, chiàu Iû-tāi kap Piān-ngá-bín ê chong-chók, siat-líp chhian-chóng pé-chóng lâi chhoā--in; koh sng lâng-giáh, tui jī-cháp hē í-siōng, tit-tiōh kē-kéng ê peng, oē kiáh chhiuⁿ, koāⁿ tīn-pái, chiūⁿ-tīn--ê, kiōng saⁿ-cháp bān. ⁶Koh ēng gūn chhít-pah tha-liân-tek, tui Í-sek-liát chio-bō· toā lēng-lék ê íong-sū, chap-bān lâng. ⁷Ū Siōng-tè ê lô·-pók lâi kīⁿ i kóng, Ông ah, bōh-

tit hō· Í-sek-liát ê kun-peng kap lí khi; in-
 ũi Iâ-hô-hoa bô kap Í-sek-liát lêng, chiū-sī Í-
 hoat-liân ê hō·-è, tī-teh. ⁸Lí nā it-tēng beh
 khi, chiū tiōh hùn-ióng cheng-chiàn; Siōng-
 tè beh hō· lí pāi tī tui-ték ê bīn-chêng, in-
 ũi Siōng-tè ũ koân oē pang-chān lêng, iā oē
 chia-tó lêng. ⁹A-má-siā m̄ng Siōng-tè ê lô-
 pók kóng, Goá í-keng ēng gūn chit-pah tha-
 liân-tek hō· Í-sek-liát ê kun-tūi, hiah-ê beh
 cháiⁿ-iūⁿ ah? Siōng-tè ê lô-pók in kóng, Iâ-
 hô-hoa oē ēng pí chia-ê khah-choē hō· lí.
¹⁰Tui án-ni A-má-siā hun-piat tui Í-hoat-liân
 lâi ê kun-peng, hō· in tò-khi in tau; só-í in
 chin siū-khi Iû-tāi lêng, khi-phut-phut tò-khi
 in tau. ¹¹A-má-siā ka-kī hùn-ióng, chhoā i ê
 peh-siⁿ chhut-khi kàu Iâm ê soaⁿ-kok, thâi-sí
 Se-jíⁿ lêng chit-bān. ¹²Iû-tāi lêng koh oah-
 liáh chit-bān lêng, toà kàu soaⁿ-khàm-téng,
 tui soaⁿ-khàm-téng ká in chia--lôh-khi, tì-
 kàu in lóng chhui-chhui. ¹³A-má-siā só· chhe
 tò-khi hiah ê kun-tūi, m̄-chún in kap i khi
 kau-chiàn--ê, in kong-kek Iû-tāi hiah ê siāⁿ,
 tui Sat-má-lī-a kàu Pek-hô-lûn, thâi-sí saⁿ-
 chheng lêng chhiúⁿ choē-choē m̄h.

¹⁴A-má-siā thâi Í-tong lêng tò--lâi, chiū toà
 Se-jíⁿ chók hiah ê siōng-tè, lip i choē ka-kī ê
 siōng-tè, kúi-pài tī i ê bīn-chêng, sio-hiūⁿ hō·
 i. ¹⁵In-ũi án-ni, Iâ-hô-hoa toā siū-khi A-má-
 siā, chiū chhe chit ê sian-ti khi kīⁿ i, kóng,
 Hiah ê peh-siⁿ ê siōng-tè boē-oē kiū in ê peh-
 siⁿ thoat-lī lí ê chhiú, lí siáⁿ-sū kiū in ah? ¹⁶I
 kap i kóng ê sī, ông ká i kóng, Goán kiám
 siat-lip lí choē ông ê bô-sū ah? lí tiām-tiām,
 siáⁿ-sū thó phah ah? Sian-ti chiū tiām-tiām,
 koh kóng, Goá chai Siōng-tè tiāⁿ-tiōh ì-sù
 beh biát lí, in-ũi lí choē chit-ê, m̄-thiaⁿ goá
 ê khoân-kài.

¹⁷Hit-sī Iû-tāi ông A-má-siā chham-siōng

chhe sù-chiá khi kīⁿ Iâ-hō· ê sun, Iok-hap-su ê
 kiáⁿ, Í-sek-liát ông Iok-a-si, kóng, Lâi ah, lán
 n̄ng-lâng saⁿ kīⁿ-bīn tī chiàn-tiūⁿ. ¹⁸Í-sek-liát
 ông Iok-a-si chhe sù-chiá khi kīⁿ Iû-tāi ông A-
 má-siā kóng, Lī-pa-lùn ê chháu-chhi chhe sù-
 chiá khi kīⁿ Lī-pa-lùn ê pek-hiūⁿ-chhiū kóng,
 Ēng lí ê cha-bó·-kiáⁿ hō· goá ê kiáⁿ choē bó·;
 āu-lâi Lī-pa-lùn ũ chit chiaⁿ iá-siū keng-kè
 thún-táh hit ê chháu-chhi. ¹⁹Taⁿ lí kóng, lí
 í-keng phah-iáⁿ Í-tong, lí ê sim chiū kiau, tì-
 kàu lí khoa-kháu; lí tī ke-lâi an-jiân khiā-khi
 chiū hó, siáⁿ-sū khi-sū jiá chai-ē, hō· lí pún-sin
 kap Iû-tāi kok saⁿ-kap tó-hoāi ah? ²⁰Chóng-
 sī A-má-siā m̄-khéng thiaⁿ, in-ũi chit ê sū sī
 chhut tī Siōng-tè, beh chiong in kau tī tui-ték
 ê chhiú; in-ũi in chhē Í-tong hiah ê siōng-tè.
²¹Tui án-ni, Í-sek-liát ông Iok-a-si chiūⁿ-lâi,
 tī Iû-tāi ê Pek-sī-bék kap Iû-tāi ông A-má-siā
 saⁿ kīⁿ-bīn tī chiàn-tiūⁿ. ²²Iû-tāi thâi-su tī Í-
 sek-liát ê bīn-chêng, ták-lâng cháu tò-khi in
 ê pò·-pīⁿ. ²³Í-sek-liát ông Iok-a-si, tī Pek-sī-
 bék liáh-tiōh Iok-hap-su ê sun, Iok-a-si ê kiáⁿ,
 Iû-tāi ông A-má-siā, toà i kàu Iâ-lō·sat-léng;
 koh thiah-húi Iâ-lō·sat-léng ê siāⁿ-chhiūⁿ, tui
 Í-hoat-liân m̄ng kàu kak-m̄ng, kiōng sî-pah
 tiú. ²⁴Chhú Siōng-tè tiān-lâi Gô-piat-í-tong
 só· kò·-siú ê kim, gūn, khi-kū, kap ông-kiong
 ê chài-pó, koh liáh lêng choē chún-tùg, chiū
 tò-khi Sat-má-li-a.

²⁵I-sek-liát ông Iok-hap-su ê kiáⁿ Iok-a-si
 sí liáu-āu, Iû-tāi ông Iok-a-si ê kiáⁿ A-má-siā
 iáu oah cháp-gō· nī. ²⁶A-má-siā kī-û ê sū, tui
 thâu kàu bé, kiám bô lóng kī tī Iû-tāi kap
 Í-sek-liát chiaⁿ ê ông ê kī-liók mah? ²⁷Tui A-
 má-siā phian-lī bô tè Iâ-hô-hoa liáu-āu, tī Iâ-
 lô·sat-léng ũ lêng kiát-tóng beh hāi i, i chiū
 cháu kàu Láh-kiat; in chhe lêng jip i kàu Láh-
 kiát, tī-hia thâi-sí i. ²⁸Lêng chiū ēng bé chài

i tò-lâi, kap i ê liát-chó· bài-chòng tī Iû-tâi ê siâⁿ.

26 Iû-tâi cheng peh-siⁿ siat-líp O·se-ngá soà-chiap i ê lâu-pē A-má-siā choè ông; hit-si i chap-lák hè. ²A-má-siā ông kap i ê liát-chó· tâng-khùn liáu-âu, O·se-ngá khí Í-lók, hō· i iû-goân kui Iû-tâi koán-hat. ³I chē-ūi ê si, chap-lák hè, tī Iâ-lō·sat-léng choè ông kiōng gō·cháp-jī nī. I ê lâu-bú miâ kiò Iâ-khó-lī-ngá, sī Iâ-lō·sat-léng lāng. ⁴O·se-ngá kiâⁿ Iâ-hô-hoa só· khoàⁿ-choè hó ê sū, chiàu i ê lâu-pē A-má-siā it-chhè só· kiâⁿ--ê. ⁵Tng thong-tát Siōng-tè khé-sī ê Sat-ka-lī-a tī-teh ê jít, O·se-ngá tiāⁿ-tiòh ì-sù beh chhē Siōng-tè; i chhē Iâ-hô-hoa ê si, Siōng-tè chiū hō· i heng-thong.

⁶I chhut-khì kong-kek Hui-lī-sū lāng, thiah-húi Ka-ték ê siâⁿ-chhiūⁿ, Ngá-pí-nī ê siâⁿ-chhiūⁿ, kap A-sít-tút ê siâⁿ-chhiūⁿ; tī Hui-lī-sū lāng ê tiong-kan, tī A-sít-tút keng-lāi, khí kúi-nā ê siâⁿ. ⁷Siōng-tè pang-chān i kong-kek Hui-lī-sū lāng, kap tiàm tī Ko·jīⁿ-pa-lék ê A-láh-pek lāng, í-kíp Bí-o·nī lāng. ⁸A-bún lāng chìn-kòng O·se-ngá; i ê miâ-siaⁿ thoân kàu Ai-kíp ê kau-kài, in-ūi i chīn-chāi kiōng-sēng. O·se-ngá tī Iâ-lō·sat-léng ê kak-m̄g kap soa-kok m̄g, kap siâⁿ-chhiūⁿ choán-oan ê só·chāi, khí siâⁿ-lâu, koh chìn kian-kò·. ¹⁰Koh khí chiú-kiⁿ-lâu tī khòng-ia, koh khui choē-choē chíⁿ tī kē ê toē kap pīⁿ-iūⁿ; in-ūi i ū cheng-siⁿ chìn-choē; koh tī soaⁿ-toē kap hó ê chhân, i ū choh-sít lāng, kap liáu-lí phû-tô-hng--ê; in-ūi i hoaⁿ-hí cheng-choh ê sū. ¹¹O·se-ngá koh ū chiàn-sū chít-tūi, chiàu su-kì Iâ-lī kap siú-léng Má-se-ngá só· tiám-sng ê, tī ông kun-tiúⁿ ê chít-ê, Hap-ná-nī ngá ê chhiú-ē, hun-tūi chhut-khì kau-chiàn. ¹²Chók-tiúⁿ chiū-sī toā lēng-lék ê ióng-sū, i

ê chóng-giáh kiōng n̄ng-chheng lák-pah lāng.

¹³Tī in ê chhiú-ē ū kē-liān ê kun-tūi, kiōng saⁿ-cháp-bān chhit-chheng gō·pah lāng; lóng sī toā lēng-lék gâu cheng-chiàn pang-chān ông kong-kek tui-ték ê. ¹⁴O·se-ngá ūi-tiòh in, chiū-sī i ê choân-kun, pī-pān tīn-pāi, chhiuⁿ, thâu-khoe, chiàn-kah kap keng, í-kíp thang hīⁿ ê chiòh. ¹⁵Koh tī Iâ-lō·sat-léng choè ki-khì, sī kī-khiáu ê sai-hū só· hoat-bēng--ê, an tī siâⁿ-lâu kap siâⁿ-tó-chí, lāi siā-chiⁿ hoat-chhut toā tè chiòh. O·se-ngá ê miâ-siaⁿ thoân kàu hng-hng, in-ūi i tit-tiòh hui-siōng ê pang-chān, tì-kàu chìn kiōng-sēng.

¹⁶I í-keng kiōng-sēng, sim chiū kiau-ngō·, tì-kàu hú-pāi, kan-hoân Iâ-hô-hoa i ê Siōng-tè; in-ūi i jíp Iâ-hô-hoa ê tiān, beh tī huiⁿ-toāⁿ sio-hiuⁿ. ¹⁷Chè-si A-sat-lī-ngá chhoā Iâ-hô-hoa ióng-kám ê chè-si poeh-cháp lāng tè i jíp khi; ¹⁸in chiū chó·tòng O·se-ngá ông, kā i kóng, O·se-ngá ah, sio-hiuⁿ hō· Iâ-hô-hoa m̄-sī lí ê tãi-chì, chiū-sī chè-si A-lún ê kiáⁿ-sun ê sū, in siū siat-líp lāi sio-hiuⁿ ê, lí tiòh chhut sēng-tiān, in-ūi lí í-keng hoân-choē; lí kiâⁿ chit ê sū, Iâ-hô-hoa Siōng-tè bô beh hō· lí tit-tiòh êng-kng. ¹⁹O·se-ngá chiū siū-khì, chhiú thēh huiⁿ-lō· beh sio-hiuⁿ; i siū-khì che-si ê si, tī Iâ-hô-hoa tiān-lāi huiⁿ-toāⁿ-piⁿ hiah ê chè-si ê bīn-chēng, i ê thâu-hiáh hut-jiân khí thái-ko. ²⁰Chè-si-thâu A-sat-lī-ngá kap cheng chè-si khoàⁿ-kìⁿ i thâu-hiáh khí thái-ko, chiū koáⁿ i chhut tiān, i ka-kī iā kín-kín chhut-khì, in-ūi Iâ-hô-hoa phah i. ²¹O·se-ngá ông khí thái-ko kàu i sí ê jít; in-ūi i thái-ko lēng-goā chhù khiā-khí, kap Iâ-hô-hoa ê tiān choát-tng; i ê kiáⁿ Iok-thán koán-lí ông-ke, tī-lí kok-bīn. ²²O·se-ngá kī-ū ê sū, tui thâu kàu bé A-mô-su ê kiáⁿ sian-ti Í-sài-a kì i. ²³O·se-ngá kap i ê liát-chó· tâng khùn; in-ūi kóng, I sī thái-ko

ê lāng bāi-chòng i tī siók liát-ông ê bōng-toē, kap i ê liát-chó· choè tui. I ê kiáⁿ Iok-thán soà-chiap i choè ông.

27 Iok-thán chē-ūi ê sī, jī-cháp-gō· hē, tī Iā-lō·sat-léng choè ông lèk-kè cháp-lák nī. I ê lāu-bú miā kiò Iā-lō·sa, sī Sat-tok ê cha-bó·kiáⁿ. ²Iok-thán kiáⁿ Iā-hô-hoa só· khoàⁿ-choè hó ê sū, chiàu i ê lāu-pē O·se-ngá it-chhè só· kiáⁿ ê, tók-tók bô jíp Iā-hô-hoa ê tiān. Chóng-sī peh-siⁿ só· kiáⁿ iū-goân hú-pāi. ³Iok-thán khí Iā-hô-hoa tiān ê téng-m̄ng; koh tī Gô-húi-lék siāⁿ-téng khí choē-choē). Koh tī Iū-tāi soaⁿ-toē khí siāⁿ, tī chhiū-nā-lāi khí iāⁿ-chē, kap bāng-ko-lāu. ⁵I kap A-būn lāng ê ông kau-chiàn, khah-iāⁿ in. Tng hit-nī A-būn lāng chìn-kòng gūn chít-pah tha-liân-tek, sió-béh chít-bān ko-jíⁿ, toā-béh chít-bān ko-jíⁿ; tē-jī nī, tē-saⁿ nī, A-būn lāng iā sī án-ni chìn-kòng. ⁶Iok-thán chiām-chiām kiōng-sēng; in-ūi i tī Iā-hô-hoa i ê Siōng-tè ê bīn-chēng kín-sīn kiáⁿ chēng-tit ê lō·. ⁷Iok-thán kī-ū ê sū, kap it-chhè ê kau-chiàn, lóng kī tī Í-sek-liát kap Iū-tāi liát-ông ê kì-liók. ⁸I chē-ūi ê sī, jī-cháp-gō· hē, tī Iā-lō·sat-léng choè ông lèk-kè cháp-lák nī. ⁹Iok-thán kap i ê liát-chó· tâng khùn, bāi-chòng tī Tāi-pit siāⁿ. I ê kiáⁿ A-hap-su soà-chiap i choè ông.

28 A-hap-su chē-ūi ê sī, jī-cháp hē, tī Iā-lō·sat-léng choè ông cháp-lák nī. Bô chhin-chhiūⁿ i ê chó· Tāi-pit kiáⁿ Iā-hô-hoa só· khoàⁿ-choè hó ê sū. ²chiū-sī kiáⁿ Í-sek-liát chiaⁿ ê ông ê lō·, koh chū-chō hiah ê Pa-lék ê siōng; ³koh sio-hiuⁿ tī Piān-him-lùn ê soaⁿ-kok, ēng i ê kiáⁿ-jī sio tī hé--nih, thàn goā-pang só· kiáⁿ khó-òⁿ ê sū, chiū-sī Iā-hô-hoa tī Í-sek-liát lāng ê bīn-chēng só· koáⁿ-tiók--ê; ⁴koh tī soaⁿ-thâu-toāⁿ, tī soaⁿ ê téng-bīn, tī ták-chāng chhiⁿ-chhiūi ê chhiū-kha, hiàn-chè

sio-hiuⁿ.

⁵Só·-í Iā-hô-hoa i ê Siōng-tè kau i tī A-lān ông ê chhiú, in chiū phah i, liáh i ê peh-siⁿ chin-choē, toà kau Tāi-má-sek. Koh kau i tī Í-sek-liát ông ê chhiú, i thāi-sí in chin-choē. ⁶Lī-má-lī ê kiáⁿ Pí-ka choè chít-jit tī Iū-tāi thāi-sí cháp-jī-bān lāng, lóng sī ióng-sū; in-ūi in lī-khui Iā-hô-hoa in liát-chó· ê Siōng-tè. ⁷Ū chít-ê Í-hoat-liân tiong ê ióng-sū, miā kiò Sè-ki-lī, thāi ông ê kiáⁿ Má-se-ngá, kap koán-lí ông-kiong ê Ap-su-lī-kam, kap cháiⁿ-siōng Í-lī-ka-ná.

⁸Í-sek-liát lāng liáh in ê hiaⁿ-tī, liân hū-jīn-lāng, kiáⁿ, cha-bó·kiáⁿ, kiōng jī-cháp-bān; koh chhiúⁿ choē-choē chái-bút, toà in só· chhiúⁿ--ê khi Sat-má-lī-a. ⁹Chóng-sī tī-hia ū Iā-hô-hoa ê sian-ti, miā kiò Gô-tek, chhut-khi chih hiah ê lāi Sat-má-lī-a ê kun-tui, kā in kóng, In-ūi Iā-hô-hoa lín liát-chó· ê Siōng-tè siū-khi Iū-tāi, só·-í chiong in kau tī lín ê chhiú, lín keng-jiān siū-khi tú-thiⁿ, thāi in chin-choē. ¹⁰Taⁿ lín ū i-sù ap-chè Iū-tāi lāng kap Iā-lō·sat-léng lāng choè lín ê lô·pók, lú-pī; chóng-sī lín pún-sin kiám bô tek-choē Iā-hô-hoa lín Siōng-tè mah? ¹¹Taⁿ lín tiòh thiaⁿ goá kóng, lín só· liáh lāi lín ê hiaⁿ-tī tiòh pàng i tò-khi, in-ūi Iā-hô-hoa ê toā siū-khi līm-kàu lín. ¹²Tui án-ni Í-hoat-liân ê siú-léng kúi-nā lāng, chiū-sī Iok-hap-lān ê kiáⁿ A-sat-lī-ngá, Bí-sit-lī-boát ê kiáⁿ Pí-lī-ka, Sa-liōng ê kiáⁿ Iā-hi-se-ka, Hap-tek-lāi ê kiáⁿ A-má-sat, khí-lāi chó·-chí hiah ê tui chiàn-tīn tò-lāi--ê; ¹³kā in kóng, Lín m̄-thang toà só· liáh ê lāng jíp-lāi chia; in-ūi lín só· chú-ì--ê sī beh hō· goán tek-choē Iā-hô-hoa, ke-thiⁿ goán ê choē-koà, goán ê kè-sit, in-ūi goán ê kè-sit chin-toā, í-keng ū toā siū-khi līm-kàu Í-sek-liát lah. ¹⁴Tui án-ni kiáh ke-si ê lāng, chiong in só· liáh ê lāng, só·

chhiúⁿ ê mih, pàng tī hiah ê siú-léng kap hoē-chiòng ê bīn-chēng. ¹⁵Téng-bīn hiah ê kì-miâ ê lāng chiū khí-lâi, hō· siū-liáh ê lāng lâi, kī-tiong ũ thng-theh--ê, chiū tui só· chhiúⁿ-lâi ê mih-tiong, thêh saⁿ hō· in chhēng, koh ēng oē hō· in; koh hō· in lim-chiáh, ēng iū boah in; kī-tiong loán-jiók--ê, chiū hō· in khiá lú, sàng kàu chó-chhiū siáⁿ, Iá-lī-ko, in ê hiaⁿ-tī hia; āu-lâi chiū tò-khì Sat-má-lī-a.

¹⁶Hit-sī A-hap-su ông chhe sù-chiá khi kìⁿ A-sút hiah ê ông, kiū in pang-chān; ¹⁷in-ūi Í-tong lāng koh lâi phah Iú-tāi, liáh peh-sīⁿ khi. ¹⁸Hui-lī-sū lāng iā lâi chhim-hoān kē ê pīⁿ-iūⁿ, kap Iú-tāi lām-pēng hiah ê siáⁿ, chhú Pek-sī-bék, A-ngá-lūn, Ki-te-lô, So-ko kap i ê huiⁿ-siá, Tēng-láp kap i ê huiⁿ-siá; Kīn-só kap i ê huiⁿ-siá, chiū tiàm tī-hia. ¹⁹In-ūi Iá-hô-hoa ũ-tiòh Í-sek-liát ông A-hap-su ê iân-kò·, hō· Iú-tāi pī-bī; sī in-ūi A-hap-su tī Iú-tāi hòng-sù, toā teh-choē Iá-hô-hoa. ²⁰A-sút ông Thê-kek-láh-pī-nī-sek chiūⁿ-lâi, bô oān-chō· i, hoán-túg khún-pek i. ²¹A-hap-su tui Iá-hô-hoa ê tiān, kap ông-kiong, kap siú-léng ê ke, thêh-chhut chài-pó hō· A-sút ông; chóng-sī lóng bô lī-ek--i.

²²Chit ê A-hap-su ông tī kín-kip ê sī, it-hoat tek-choē Iá-hô-hoa. ²³In-ūi i chē-sū Tāi-má-sek ê siōng-tè. chiū-sī phah i--ê, kóng, In-ūi A-lân ông ê siōng-tè pang-chān in, goá iā chē-sū i, hō· i pang-chān goá. Chóng-sī hiah ê siōng-tè hō· i kap Í-sek-liát chēng-lāng lóng tó-hoāi. ²⁴A-hap-su chū-chíp Siōng-tè tiān ê khi-kū, phah-phoà Siōng-tè tiān-lâi ê khi-kū; koh hong-só Iá-hô-hoa tiān ê mng; tī Iá-lō·-sat-léng ták ê oat-kak khí-toāⁿ. ²⁵Koh tī Iú-tāi ták ê siáⁿ khí soaⁿ-thâu-toāⁿ, sio-hiūⁿ hō· pát ê siōng-tè, kek-tōng Iá-hô-hoa, i ê liát-chó· ê Siōng-tè siū-khì. ²⁶A-hap-su kī-ū

ê sū, kap i ê kiáⁿ-choē, tui thâu kàu bé, lóng kì tī Iú-tāi kap Í-sek-liát chiaⁿ ê ông ê kì-liók. ²⁷A-hap-su kap i ê liát-chó· tâng-khùn, bāi-chòng i tī Iá-lō·-sat-léng siáⁿ, bô hō· i jip tī Í-sek-liát chiaⁿ ê ông ê bōng. I ê kiáⁿ Hi-se-ka soà-chiap i choē ông.

29 Hi-se-ka chē-ūi ê sī, jī-cháp-gō· hē, tī Iá-lō·-sat-léng choē ông kiōng jī-cháp-káu nī. I ê lāu-bú miâ kiò A-pí-ngá, sī Sat-ka-lī-ngá ê cha-bó·-kiáⁿ. ²I kiáⁿ Iá-hô-hoa só· khoàⁿ-choē hó ê sū, chiàu i ê chó· Tāi-pit it-chhē só· kiáⁿ-ê. ³Tī goān--nī chiaⁿ-gêh, khui Iá-hô-hoa tiān ê mng, siu-lí i. ⁴I tiàu hiah ê chē-si kap Lī-bī lāng lâi, chū-chíp tī tang--sì khoah ê só·-chāi, ⁵kā in kóng, Lī-bī lāng ah, tiòh thiaⁿ goá kóng; taⁿ lín tiòh chheng-khì ka-kī, iā tiòh chheng-khì Iá-hô-hoa lín liát-chó· ê Siōng-tè ê tiān, tui sèng-só· piáⁿ-chhut hiah ê ù-oē. ⁶In-ūi lán ê liát-chó· ũ hoān-choē, kiáⁿ Iá-hô-hoa lán ê Siōng-tè só· khoàⁿ-choē pháiⁿ ê sū, li-khui I, oat-túg i ê bīn, poē Iá-hô-hoa khiá-khí ê só·-chāi. ⁷In koh koaiⁿ-só léng-lóng ê mng, phah-sit teng-hé, bô tī sèng-só· sio-hiūⁿ, hiàn sio-chē, hō· Iá-hô-hoa Í-sek-liát ê Siōng-tè. ⁸Só·-í Iá-hô-hoa siū-khì līm-kàu Iú-tāi kap Iá-lō·-sat-léng, hō· in phiau-liū, hō· lāng gōng-ngiáh, thí-chhiò, chhiu-chhiūⁿ lín chhin-bák só· khoàⁿ-kìⁿ ê. ⁹In-ūi án-ni goán ê pē-kong siū to thāi, goán ê kiáⁿ, cha-bó·-kiáⁿ, kap goán ê bó·, iā hō· lāng liáh-khì. ¹⁰Taⁿ goá ê sim beh kap Iá-hô-hoa Í-sek-liát ê Siōng-tè līp-iok, hō· I ê toā siū-khì oat-túg lī-khui lán. ¹¹Goá chiaⁿ ê kiáⁿ ah, taⁿ m̄-thang pīn-toāⁿ, in-ūi Iá-hô-hoa kég lín khiá tī I ê bīn-chēng hók-sāi I, tam-tng chit-jīm sio-hiūⁿ hō· I.

¹²Tui án-ni, Lī-bī lāng Ko-hat chók A-má-sài ê kiáⁿ Má-hap, A-sat-lī-ngá ê kiáⁿ Iok-jíⁿ, Bí-láh-lī chók A-pek-tí ê kiáⁿ Ki-sū, Iá-hap-

lī-lék ê kiáⁿ A-sat-lī-ngá, Kek-sūn chók Sin-má ê kiáⁿ Iok-a, Iok-a ê kiáⁿ I-tiān; ¹³Í-lī-sat-hoán ê chók Sin-lī kap Iā-lī, A-sat chók Sat-ka-lī-ngá, kap Má-thām-ngá; ¹⁴Hi-bān chók Iā-iat kap Sī-múi, Iā-tō·tùn chók Sī-má-ngá kap O·siat, lóng khí-lái; ¹⁵chū-chíp in ê hiaⁿ-tī, chheng-khì ka-kī, chiàu ông thàn Iā-hô-hoa ê oē só· bēng-lēng ê, jíp-khì soé-chheng Iā-hô-hoa ê tiān. ¹⁶Chè-si jíp Iā-hô-hoa tiān ê lāi-bīn beh soé-chheng-i, chiong Iā-hô-hoa tiān-lāi só·ū ê ù-oē toà--chhut-khì kàu Iā-hô-hoa tiān ê iⁿ; Lī-bī lāng chih--i, toà-khì goā-bīn kàu Khíp-lūn khoe. ¹⁷Tùi chiaⁿ-gêh chhoe-it jít khí-chhiú kiáⁿ chheng-khì ê sū, hit gēh ê chhoe-poeh jít chiaⁿ kàu Iā-hô-hoa ê léng-lōng, poeh-jít kú chheng-khì Iā-hô-hoa ê tiān, kàu chiaⁿ-gêh chấp-lák jít chiū bēng-pék. ¹⁸Tùi án-ni in jíp khi kìⁿ Hi-se-ka ông kóng, Goán í-keng chiong Iā-hô-hoa ê kui keng tiān, kap sio-chè ê toāⁿ, í-kíp i ê khi-kū, pài-liát piáⁿ ê toh, kap i ê khi-kū, lóng soé-chheng. ¹⁹Koh A-hap-su ông chē-ūi hoān-choē ê sī só· khi-sak ê khi-kū, goán lóng pī-pān, koh chheng-khì i. Khoàⁿ ah, taⁿ lóng tī Iā-hô-hoa ê toāⁿ-chēng.

²⁰Hi-se-ka ông thàu-chá khí-lái, chū-chíp siāⁿ-lāi ê siú-léng, lóng chiūⁿ Iā-hô-hoa ê tiān. ²¹In khan chhit chiaⁿ gū-káng, chhit chiaⁿ iūⁿ-káng, chhit chiaⁿ mī-iūⁿ-á, chhit chiaⁿ soaⁿ-iūⁿ-káng, beh ūi kok, ūi Sēng-só·, ūi Iū-tāi, hiàn choē siók-choē ê chè. Ông bēng-lēng A-lūn ê kiáⁿ-sun hiah ê chè-si, hiàn--in tī Iā-hô-hoa ê toāⁿ. ²²In chiū thāi gū-káng, chè-si chih hit ê huìh, hiū tī toāⁿ--nih; iā thāi iūⁿ-káng, ēng huìh hiū tī toāⁿ--nih; koh thāi mī-iūⁿ-á, iā ēng huìh hiū tī toāⁿ--nih; ²³ēng hiah ê choē siók-choē-chè ê soaⁿ-iūⁿ-káng, khan kàu ông kap hoē-chiòng ê bīn-chēng, in chiū hoāⁿ-

chhiú tī hí téng-bīn. ²⁴Chè-si thāi--i, ēng in ê huìh choē siók-choē ê chè tī toāⁿ--nih, ūi Í-sek-liát chēng-lāng siók-choē; in-ūi ông bēng-lēng tiōh ēng sio-chè, kap siók-choē-chè ūi Í-sek-liát chēng-lāng lāi hiàn.

²⁵Ông koh pài Lī-bī lāng tī Iā-hô-hoa ê tiān thēh poát, sek, khim, chiàu Tāi-pít kap ông ê sian-kiàn Ka-tek, kap sian-ti Ná-tan, só· bēng-lēng--ê; in-ūi Iā-hô-hoa ū thok-tiōng I hiah ê sian-ti bēng-lēng in án-ni. ²⁶Lī-bī lāng thēh Tāi-pít ê gák-khì, chè-si kiáh hō-thâu, saⁿ-kap teh khiā. ²⁷Hi-se-ka bēng-lēng hiàn sio-chè tī toāⁿ--nih, sio-chè chit-ē hiàn, chiū chhiūⁿ o-ló Iā-hô-hoa ê koa, ēng hō-thâu, koh ēng Í-sek-liát ông Tāi-pít ê gák-khì lāi hō i. ²⁸Hoē-chiòng lóng kēng-pài, chhiūⁿ-koa--ê chhiūⁿ--i, pūn hō-thâu--ê pūn i; án-ni kàu sio-chè hiàn bēng-pék. ²⁹Hiàn bēng-pék, ông kap it-chhè saⁿ-kap tī-teh ê lāng, lóng àⁿ-thâu kēng-pài. ³⁰Hi-se-ka ông kap hiah ê siú-léng, koh bēng-lēng Lī-bī lāng ēng Tāi-pít kap sian-kiàn A-sat ê si, o-ló Iā-hô-hoa; in chiū hoāⁿ-hí, gīm-si o-ló, àⁿ-thâu kēng-pài.

³¹Hi-se-ka chiū in kóng, Lín í-keng ka-kī hun-piat kui hō· Iā-hô-hoa, tiōh kūn-chēng lāi toà chè-mih kap siā-un-chè kàu Iā-hô-hoa ê tiān; hoē-chiòng chiū toà chè-mih kap siā-un-chè lāi; kìⁿ-nā kam-sim lóh-i--ê iā toà sio-chè lāi. ³²Hoē-chiòng só· hiàn sio-chè ê giáh, kè-kiōng gū-káng chhit-cháp chiaⁿ, iūⁿ-káng chit-pah chiaⁿ, mī-iūⁿ-á nng-pah chiaⁿ, chiaⁿ-ê lóng sī choē sio-chè hiàn-hō· Iā-hô-hoa--ê. ³³Koh ū hun-piat choē-sēng ê mih, gū-káng lāk-pah chiaⁿ, mī-iūⁿ saⁿ-chheng chiaⁿ. ³⁴Chóng-sī chè-si siuⁿ-chió, boē-oē it-chīn pak hiah ê sio-chè cheng-siⁿ ê phê, só·-í in ê hiaⁿ-tī Lī-bī lāng pang-chān in kàu hit ê tāi-chi bēng-pék, koh thēng-hāu hiah ê chè-si ka-kī

chheng-khì; in-ūi Lī-bī lāng sêng-sim ka-kī chheng-khì, iāⁿ-kè chè-si. ³⁵Sio-chè kap siā-un-chè ê iū, kap ták-hō sio-chè só· phoe ê koàn-tiān, chin-choē. Án-ni, Iâ-hô-hoa tiān-lāi ê sū chiàu chhù-sū pāi-piát. ³⁶Hi-se-ka kap chêng peh-siⁿ hoaⁿ-hí, in-ūi Siōng-tè thoē peh-siⁿ só· pī-pān ê, in-ūi chit ê sū hut-jiān chiāⁿ.

30 Hi-se-ka chhe lāng kàu Í-sek-liát kap Iū-tāi piàn-toē, koh siá phoe hō· Í-hoat-lián kap Má-ná-se, ài in kàu Iâ-lō·sat-léng Iâ-hô-hoa ê tiān, siú poāⁿ-kè-choeh hók-sāi Iâ-hô-hoa Í-sek-liát ê Siōng-tè. ²In-ūi ông kap i ê siú-léng, kap tī Iâ-lō·sat-léng ê hoē-chiong, í-keng saⁿ-kap gī-lūn, beh tī jī-géh siú poāⁿ-kè-choeh. ³Hit-sī in boē-oē siú, in-ūi ka-kī chheng-khì ê chè-si iáu bô kàu-giáh, peh-siⁿ iā bô-ū chū-chíp tī Iâ-lō·sat-léng. ⁴Ông kap hoē-chiong lóng khoàⁿ chit ê tãi-chi choē hó. ⁵Chiū tiāⁿ-tiōh bēng-lēng, soan-pò· tī Í-sek-liát choân-toē, tui Piát-sī-pa kàu Tàn, hō· in lóng lâi, tī Iâ-lō·sat-léng siú poāⁿ-kè-choeh hók-sāi Iâ-hô-hoa Í-sek-liát ê Siōng-tè; in-ūi peh-siⁿ pēng-sò· bô choē-choē lāng chiàu só· siá ê kui-lē lâi siú-i. ⁶Cháu-būn-su--ê toà ông kap i hiah ê siú-léng ê phoe, piàn-kiāⁿ Í-sek-liát kap Iū-tāi toē, chiàu ông ê bēng-lēng, kóng, Í-sek-liát lāng ah, lín tiōh koh kui-ng A-pek-láh-hán, Í-sat, Í-sek-liát ê Siōng-tè Iâ-hô-hoa, I chiū beh kui-ng lín, chiū-sī thoat-lī A-sút hiah ê ông ê chhiú só· chhun ê peh-siⁿ. ⁷Lín m̄-thang chhin-chhiūⁿ lín ê liát-chó·, kap lín ê hiaⁿ-tī, in kan-hoān Iâ-hô-hoa in liát-chó· ê Siōng-tè, tì-kàu I hō· in tú-tiōh biát-bô, chhin-chhiūⁿ lín só· khoàⁿ-kìⁿ ê. ⁸Taⁿ m̄-thang chhin-chhiūⁿ lín ê liát-chó· lâi ngī ām-kún; tiōh hiàn ka-kī hō· Iâ-hô-hoa, jlp I ê sēng-só·, chiū-sī I éng-oán hun-piat

choē-sēng--ê; koh tiōh hók-sāi Iâ-hô-hoa lín ê Siōng-tè, thang hō· I ê toā siū-khì oát-túg lī-khui lín. ⁹In-ūi lín nā kui-ng Iâ-hô-hoa, chiū lín ê hiaⁿ-tī kap lín ê kiáⁿ-jī beh tī liáh in ê lāng ê bīn-chēng tit-tiōh lín-bín, thang koh tò-lâi chit só·-chāi; in-ūi Iâ-hô-hoa lín ê Siōng-tè sī chū-pi lín-bín; lín nā kui-ng I, I tek-khak bô oát I ê bīn m̄ khoàⁿ lín.

¹⁰Cháu-būn-sū--ê chit siāⁿ kè chit siāⁿ, piàn-kiāⁿ Í-hoat-lián, Má-ná-se, kàu Se-pò·lūn; nā-sī hiah ê lāng thí-chhiò in, ki-chhi in. ¹¹Chóng-sī A-siat, Má-ná-se, Se-pò·lūn ê tiong-kan, iā ū lāng ka-kī khiam-pi, lâi kàu Iâ-lō·sat-léng. ¹²Siōng-tè iā kám-tōng Iū-tāi lāng, hō· in chit-sim thàn ông kap hiah ê siú-léng chiàu Iâ-hô-hoa ê oē só· chhut ê bēng-lēng.

¹³Jī-géh, ū choē-choē lāng chū-chíp tī Iâ-lō·sat-léng, chiāⁿ-choē chin-toā ê hoē, beh siú tū-kàⁿ-choeh. ¹⁴In khí-lâi, it-chīn tū-khì Iâ-lō·sat-léng só· ū ê toāⁿ, kap sio-hiūⁿ ê toāⁿ, hiat tī Khip-lūn khoe. ¹⁵Jī-géh chấp-si--jlt thāi poāⁿ-kè-choeh ê iūⁿ-á, chè-si kap Lī-bī lāng ka-kī kiàn-siàu, chheng-khì ka-kī, toà sio-chè kàu Iâ-hô-hoa ê tiān. ¹⁶Chiàu Siōng-tè ê lô-pók Mô-se ê lùt-hoat, chiàu-lē ták-lāng khiā i ê ūi; chè-si chiong in tui Lī-bī lāng ê chhiú chih huìh lâi hiū i. ¹⁷Hoē-tiong ū choē-choē lāng bô chheng-khì ka-kī, só·-í thok Lī-bī lāng thoē it-chhè bô chheng-khì ê lāng thāi poāⁿ-kè-choeh ê iūⁿ-á, hō· in tī Iâ-hô-hoa ê bīn-chēng chiāⁿ-choē chheng-khì. ¹⁸In-ūi Í-hoat-lián Má-ná-se, Í-sat-ka, Se-pò·lūn, ū choē-choē lāng bô chheng-khì ka-kī; chóng-sī in iā chiáh poāⁿ-kè-choeh, bô háp só· kì-chài ê lē. ¹⁹In-ūi Hi-se-ka thoē in kī-tó, kóng, Kìⁿ-nā ū koat-toàn ê sim chhē Siōng-tè, chiū-sī Iâ-hô-hoa in liát-chó·

ê Siōng-tè, sui-jiân bô chiàu sèng-só· chheng-khì ê lé ka-kī chheng-khì, kiū chhi-hó ê Iâ-hô-hoa iā sià-bián in. ²⁰Iâ-hô-hoa thiaⁿ Hi-se-ka kī-tó, chiū i-hó peh-siⁿ. ²¹Toà tī Iâ-lō·sat-léng ê Í-sek-liát lāng toā-toā hoaⁿ-hí, siú tù-kàⁿ-choeh chhit-jit kú; Lī-bī lāng kap chè-si jit-jit o-ló Iâ-hô-hoa, ēng hiáng-liāng ê gák-khì o-ló Iâ-hô-hoa. ²²Hi-se-ka an-ùi it-chhè gâu hók-sāi Iâ-hô-hoa ê Lī-bī lāng. Tùi án-ni cheng-lāng chia̍h choeh-iân chhit-jit, hián siā-un-chè, koh jīm-choē tī Iâ-hô-hoa in liát-chó· ê Siōng-tè ê bīm-cheng. ²³Choân-hoē gī-lūn beh koh siú-choeh chhit-jit. Tùi án-ni hoaⁿ-hí koh siú chhit-jit. ²⁴In-ùi Iû-tāi ông Hi-se-ka sàng hoē-chiòng gū-káng chit-chheng chia̍h, iūⁿ chhit-chheng chia̍h, choē chè-mih. cheng siú-léng iā sàng hoē-chiòng gū-káng chit-chheng chia̍h, iūⁿ chit-bān chia̍h. Koh choē-choē chè-si ka-kī chheng-khì. ²⁵Iû-tāi hoē-chiòng kap chè-si Lī-bī lāng, kap hiah ê tùi Í-sek-liát lâi ê hoē-chiòng, í-kip hiah ê tùi Í-sek-liát toē lâi ê chhut-goā lāng, kap khiā-khí tī Iû-tāi ê chhui-goā lāng, lóng hoaⁿ-hí khoài-lók. ²⁶Tùi án-ni, tī Iâ-lō·sat-léng toā hoaⁿ-hí, in-ùi tùi Í-sek-liát ông Tāi-pit ê kiáⁿ Sók-lô-būn ê sī, tī Iâ-lō·sat-léng bē-bat ū án-ni. ²⁷Hit-sī chè-si Lī-bī lāng khí-lâi, kā peh-siⁿ chiok-hok; in ê siaⁿ tit-tiōh thiaⁿ-kìⁿ, in ê kī-tó thau-kàu I khiā-khí ê sèng-só·, kàu tī thiⁿ--nih.

31 Chia̍h ê tãi-chì lóng beng-pék, tī-hia ê Í-sek-liát cheng-lāng chhut-khì, kàu Iû-tāi hiah ê siāⁿ, phah-chhui thiāu-siōng, chhò-tng hiah ê A-sià-láh; koh tī Iû-tāi, Piān-ngá-bín, Í-hoat-liân, Má-ná-se piàn-toē, thiah-húi soaⁿ-thau-toāⁿ kap chè-toāⁿ, kàu it-chhīn biát-i. Tùi án-ni, Í-sek-liát cheng-lāng tak-ê tò-khì in ê giáp, kàu in ê pún-siāⁿ.

²Hi-se-ka siat-líp chè-si Lī-bī lāng ê pan-liát, chiàu in ê pan-liát, kok chiàu in ê chit-hūn, chè-si kap Lī-bī lāng hián sio-chè siā-un-chè, koh tī Iâ-hô-hoa hiah ê iāⁿ ê mng-lāi hók-sāi, kám-siā, o-ló. ³Koh tùi i ê sán-giáp-tiong tiāⁿ-tiōh ông ê hūn-giáh choē sio-chè, chiū-sī chá-àm ê sio-chè, kap hiah ê an-hioh-jit, gèh ê chhoe-it, kap choeh-kī ê sio-chè; lóng sī chiàu Iâ-hô-hoa lút-hoat só· kì-chài ê. ⁴Koh hoan-hù tiām tī Iâ-lō·sat-léng ê peh-siⁿ kiong-kip chè-si kap Lī-bī lāng eng-kai tit-tiōh ê hūn-giáh, hō· in choan-bū Iâ-hô-hoa ê lút-hoat. ⁵Bēng-lēng chit-ē chhut, Í-sek-liát lāng chiū toà choē-choē khí-thau-sék ê ngó·kok, chiú, iū, bit, kap chhân--nih só· chhut ê; koh ēng tak-hāng mih ê chap-hūn-chit toà chin-choē lâi. ⁶Tiām Iû-tāi chia̍h ê siāⁿ ê Í-sek-liát lāng kap Iû-tāi lāng, iā khan gū iūⁿ ê chap-hūn-chit lâi; koh toà hun-piat choē-seng kui hō· Iâ-hô-hoa in ê Siōng-tè ê mih chap-hūn-chit, thiap chit-tui chit-tui. ⁷Tùi saⁿ-gèh khí chek-chū hiah ê tui, kàu chhit-gèh chia̍h beng-pék. ⁸Hi-se-ka kap hiah ê siú-léng lâi khoàⁿ hiah ê tui, chiū o-ló Iâ-hô-hoa, chiok-hok I ê peh-siⁿ Í-sek-liát. ⁹Hi-se-ka tùi chè-si kap Lī-bī lāng chhā-mng hiah ê tui. ¹⁰Siók Sat-tok ê ke, chè-si-thau A-sat-lī-ngá, in kóng, Tùi peh-siⁿ toà kiong-kip ê mih kàu Iâ-hô-hoa ê tiān í-lâi, goán chia̍h kàu-giáh, koh chhun chin-choē, in-ùi Iâ-hô-hoa sù-hok I ê peh-siⁿ, só· chhun--ê kàu chia̍h choē. ¹¹Hi-se-ka hoan-hù tī Iâ-hô-hoa ê tiān-lāi pī-pān chhek-chhng; in chiū pī-pān i. ¹²In sēng-sit sim chiong lé-mih kap só· thiu ê chap-hūn-chit, kap hun-piat choē-seng ê mih, lóng poaⁿ--jip-lâi. Lī-bī lāng Ko-lām-ngá pān-lí chit ê sū; i ê sió-tī Sī-múi choē pang-pān. ¹³Iâ-iat, A-sat-sè-ngá, Ná-hap, A-sat-hek, Iâ-lī-boát, Iok-sat-poát, Í-liát, I-su-

má-ki-ngá, Má-hap, Pí-ná-ngá, lóng sī úi-oân, tī Ko-lâm-ngá kap i ê sió-tī Sī-múi ê chhiú-ê; sī Hi-se-ka ông kap koán-lí Siōng-tè ê tiān ê A-sat-lī-ngá só-phài-ê. ¹⁴Kò· tang-mŋg ê Lī-bī lāng Im-ná ê kiáⁿ Khó-lī, chiáng-koán kam-sim hiàn-hō· Siōng-tè ê mih, hun-hoat hiàn-hō· Iâ-hô-hoa ê lé-mih, kap hiah ê chì-sèng ê mih. ¹⁵Choè i ê jī-chhiú--ê ū I-tiān, Bín-ngá-bín, Iâ-su-a, Sī-má-ngá, A-má-lī-ngá, Sī-ka-nî-ngá, tī chè-si chiah ê siáⁿ, chiàu pan-liát ēng sít-sim hun-hoat hō· in ê hiaⁿ-tī, bô-lūn toā-soè lóng hō· in. ¹⁶Che chiū-sī tī hiah ê kì jlp chók-phó· saⁿ-hè í-siōng ê ta-po·teng í-goā, chiū-sī kìⁿ-nā jlp Iâ-hô-hoa ê tiān--ê, chiàu ták-jlt ê hūn só· eng-kai--ê, ūi-tiòh in chiàu pan-liát chīn i ê chit lāi hók-sāi. ¹⁷Koh chè-si chiàu in ê sè-hē kì tī chók-phó·, í-klp Lī-bī lāng tui jī-cháp hè í-siōng, chiàu in ê pan-liát chīn in ê chit. ¹⁸Koh kì-chài tī chók-phó·-tiōng ê, in ê soè-hàn--ê, in ê bó·, in ê kiáⁿ, in ê cha-bó·-kiáⁿ, tī choân-hoē tiōng ê; in-ūi in chīn chit-hūn ka-kī chheng-khì chiáⁿ-sèng. ¹⁹Iā ūi-tiòh A-lūn ê kiáⁿ-sun, chiū-sī tiām tī in ê siáⁿ-goā ê chhân-toē ê chè-si, tī ták ê siáⁿ ū kì-miā ê lāng, lāi hun-hoat in eng-kai tit-tiòh ê hūn-giáh, hō· chè-si ê ta-po·teng, í-klp kìⁿ-nā kì tī chók-phó· ê Lī-bī lāng.

²⁰Hi-se-ka tī Iû-tāi piàn-toē án-ni pān-lí, kiáⁿ siān-liōng cheng-tit chīn-tiōng tī Iâ-hô-hoa i ê Siōng-tè ê bīn-chēng. ²¹Kìⁿ-nā i khí-chhiú só· choè ê, tī pān-lí Siōng-tè tiān ê sū, tī lút-hoat, tī kài-bēng, lāi chhē i ê Siōng-tè, lóng choan-sim choè i, lāi heng-thong.

32 Chiah ê tãi-chì, i sít-sim kiáⁿ--i í-āu, A-sút ông Se-ná-ki-líp chiūⁿ-lāi, lāi chhim-jlp Iû-tāi, chat-iáⁿ ūi-khùn chiah ê kian-kò· ê siáⁿ, siūⁿ beh chhú choè ka-kī-ê. ²Hi-se-ka

khoàⁿ-kìⁿ Se-ná-ki-líp í-keng lāi, tiāⁿ-tiòh ì-sù beh kong-kek Iâ-lō·sat-léng; chiū kap i hiah ê siú-léng í-klp íóng-sū chham-siōng, beh that-bát siáⁿ-goā ê chú-goân; in chiū pang-chān i. ⁴Tui án-ni choē-choē peh-sìⁿ chū-chíp, that-bát it-chhè ê chú-goân, kap lâu kè hit só·-chāi ê khoe, kóng, A-sút hiah ê ông lāi, siáⁿ-sū hō· i tit-tiòh choē-choē chú ah? ⁵Hi-se-ka kiōng i ê sim-chì, khí hit ê tó-hoāi ê siáⁿ-chhiūⁿ, koāiⁿ kàu chiú-kiⁿ-lāu, koh khí chit-choā chhiūⁿ tī siáⁿ-goā, koh kian-kò· Tāi-pit siáⁿ ê Bí-lô, koh chè-chō choē-choē chiàn-khì, kap pîn-pái; ⁶siat-líp kun-tiúⁿ koán-lí peh-sìⁿ, chū-chíp in kàu i hia, tī siáⁿ-mŋg khoan-khoah ê só·-chāi, ēng oē an-ūi in kóng, ⁷Kiōng lín ê sim, chòng lín ê chì, bóh-tit in-ūi A-sút ông kap tē i ê toā kun-tui lāi lún, lāi kiaⁿ; in-ūi kap lán tī-teh--ê, pí kap in tī-teh--ê khah-toā; ⁸kap i tī-teh--ê sī jiók-thé ê chhiú, kap lán tī-teh--ê sī Iâ-hô-hoa lán ê Siōng-tè, I beh pang-chān lán, thoè lán kau-chiàn. Peh-sìⁿ chiū an-jian khò Iû-tāi ông Hi-se-ka ê oē.

Āu-lāi A-sút ông Se-ná-ki-líp, kap i ê choân-kun, kong-kek Láh-kiat ê sí, chiū chhe i ê lô·pók kàu Iâ-lō·sat-léng kìⁿ Iû-tāi ông Hi-se-ka kap it-chhè tī Iâ-lō·sat-léng ê Iû-tāi lāng, kóng, ¹⁰A-sút ông Se-ná-ki-líp án-ni kóng, Lín óa-khò sím-mih, chiah tiām tī Iâ-lō·sat-léng siū ūi-khùn ah? ¹¹Hi-se-ka kóng, Iâ-hô-hoa lán ê Siōng-tè beh kiù lán thoat-lī A-sút ông ê chhiú, che kiám m̄-sī ín-iú lín, hō· lín iau chhui-ta lāi sí mah? ¹²Chit ê Hi-se-ka kiám m̄-sī hoè-bô Iâ-hô-hoa ê soaⁿ-thâu-toāⁿ, kap I hiah ê toāⁿ, bēng-lēng Iû-tāi kap Iâ-lō·sat-léng ê lāng kóng, Lín tiòh tī chit ê toāⁿ-chēng kèng-pai, sio-hiūⁿ tī hí téng-bīn? ¹³Goá kap goá ê liát-chó· tui liát-kok ê peh-sìⁿ só· kiáⁿ--ê, lín kiám m̄-chia mah? liát-pang ê

siōng-tè, hit-sī kiám oē kiù ka-kī ê kok thoat-lī goá ê chhiú mah? ¹⁴Goá ê liát-chó· só· biát-bô hiah ê kok, in hiah ê siōng-tè ê tiong-kan chī-chiū oē kiù i ê kok thoat-lī goá ê chhiú, chiū lín ê Siōng-tè kiám oē kiù lín thoat-lī goá ê chhiú mah? ¹⁵Só·-í bôh-tit hō· Hi-se-ka án-ni phiàn lín, ín-iú lín, iā bôh-tit sìn i; in-ūi bô chit-pang chit-kok ê siōng-tè oē kiù i ê peh-siⁿ thoat-lī goá ê chhiú, thoat-lī goá ê liát-chó· ê chhiú; hô-hông lín ê Siōng-tè, kiám oē kiù lín thoat-lī goá ê chhiú?

¹⁶Se-ná-ki-lip ê jîn-sîn iáu koh kóng hui-pòng Iâ-hô-hoa Siōng-tè kap I ê lô·pók Hi-se-ka ê oē. ¹⁷Koh siá phoe pòng-tók Iâ-hô-hoa Í-sek-liát ê Siōng-tè, ki-chhi I kóng, Liát-pang ê peh-siⁿ ê siōng-tè kî-jîân boē-oē kiù i ê peh-siⁿ thoat-lī goá ê chhiú, Hi-se-ka ê Siōng-tè iā boē-oē kiù I ê peh-siⁿ thoat-lī goá ê chhiú. ¹⁸I hiah ê jîn-sîn ēng Iû-tāi ê khiuⁿ-kháu, toā-siaⁿ kiò hiah ê tī siâⁿ-chhiuⁿ-têng ê Iâ-lō·sat-léng lāng, beh hō· in kiaⁿ, jiáu-loān in, thang chhiú hit ê siâⁿ. ¹⁹In káng-lūn Iâ-lō·sat-léng ê Siōng-tè, chhin-chhiuⁿ káng-lūn sè-chiūⁿ hiah ê peh-siⁿ ê siōng-tè, lāng ê chhiú só· chō·ê chit-iūⁿ.

²⁰Hi-se-ka ông kap A-mô·su ê kiáⁿ sian-ti Í-sài-a, in-ūi án-ni kî-tó, òng thiⁿ kiù-kiò. ²¹Iâ-hô-hoa chiū chhe chit ê sù-chiá jlp A-sút ông ê iâⁿ-tiong, it-chīn biát hiah ê toā lêng-lék ê ióng-sū, í-klp hiah ê siú-léng kun-tiúⁿ; A-sút ông moá-bīn kiàn-siàu tò-khì pún-kok; jlp i ê siōng-tè ê biō-lāi, ū i chhin-siⁿ ê kiáⁿ tī-hia ēng to thāi-sí i. ²²Án-ni Iâ-hô-hoa kiù Hi-se-ka kap Iâ-lō·sat-léng khiā-khí ê peh-siⁿ thoat-lī A-sút ông Se-ná-ki-lip ê chhiú, iā thoat-lī it-chhè tui-ték ê chhiú, koh hō· in sî-ūi pêng-an. ²³Ū choē-choē lāng toà lé-mih kàu Iâ-lō·sat-léng, hiàn-hō· Iâ-hô-hoa, koh chiong pó-mih

sàng Iû-tāi ông Hi-se-ka. Chit-tiáp liáu-āu, Hi-se-ka hō· liát-pang khoàⁿ i choē chun-toā.

²⁴Hit-sī Hi-se-ka phò·pīⁿ tit-beh sí, chiū kî-tó Iâ-hô-hoa, Iâ-hô-hoa kâ i kóng, koh hō· i chit ê tiâu-thâu. ²⁵Chóng-sī Hi-se-ka bô chiàu i só· tit-tiòh ê un-tián lâi pò-tap; in-ūi i sim-lāi kiau-ngō·; só·-í ū siū-khì kàu tī i kap Iû-tāi kap Iâ-lō·sat-léng. ²⁶Chóng-sī Hi-se-ka kap Iâ-lō·sat-léng khiā-khí ê peh-siⁿ, in-ūi sim kiau-ngō· chiū ka-kī khiam-pi, tì-kàu Iâ-hô-hoa ê siū-khì tī Hi-se-ka tī-teh ê jít bô kàu tī in.

²⁷Hi-se-ka ū choē-choē hē-chai kap toā êng-kng, ūi ka-kī khí hú-khò·, siu-khng kim-gūn, pó-chiòh, huiⁿ-liáu, pîn-pai, kap ták-iūⁿ ê pó-khì; koh ūi-tiòh só· chhut ê ngó·kok sin-chiú kap iū khí khò·pang; koh ūi-tiòh ták-iūⁿ ê cheng-siⁿ tah chháu-pīⁿ, khí iūⁿ-tiâu. ²⁹Koh ūi ka-kī khí siâⁿ, koh ū choē-choē gū-kūn, iūⁿ-kūn, in-ūi Siōng-tè siúⁿ-sù i chài-sán chin-choē. ³⁰Chit ê Hi-se-ka iā that-bát Ki-hùn téng-bīn ê chú·i-choāⁿ, ín chú·i hō· i lóh-lāi, lâu kàu Tāi-pit siâⁿ ê sai-pêng. Hi-se-ka kîⁿ só· kiáⁿ ê bô m̄ heng-thong. ³¹Chóng-sī Pa-pí-lūn hiah ê siú-léng chhe sù-chiá lâi i hia, beh m̄ng kok-lāi só· ū ê kî-sū; tī chit ê sū Siōng-tè lī-khui i, beh chhi-giām i, thang chai i sim-lāi it-chīn só·-ū-ê.

³²Hi-se-ka kî-ū ê sū, kap i ê hó só· kiáⁿ, lóng kî tī A-mô·su ê kiáⁿ sian-ti Í-sài-a bék-sī ê chheh, kap Iû-tāi Í-sek-liát chiah ê ông ê kî-liók. ³³Hi-se-ka kap i ê liát-chó· tâng-khùn, bài-chòng tī Tāi-pit ê kiáⁿ-sun hūn-bōng khah-koàiⁿ ê só·-chāi; i sí ê sí Iû-tāi lāng kap Iâ-lō·sat-léng khiā-khí ê peh-siⁿ, lóng chun-keng i. I ê kiáⁿ Má-ná-se soà-chiap i choē ông.

33 Má-ná-se chē-ūi ê sí, chấp-jī hē, tī Iâ-

lō·sat-léng choè ông kiōng gō·cháp-gō· nī. ²I kiāⁿ Iā-hô-hoa só· khoàⁿ-choè pháiⁿ ê sū, óh goā-pang lāng só· kiāⁿ khó·ò·ⁿ ê sū, chiū-sī Iā-hô-hoa tī Í-sek-liát ê bīn-chēng só· koáⁿ-chhut--ê. ³In-ūi i ê lāu-pē Hi-se-ka só· húi-hoài ê soaⁿ-thâu-toāⁿ i koh khí i, koh ūi hiah ê Pa-lék khí toāⁿ, choè A-su-tha-liók; koh keng-pài thiⁿ-téng ê bān-siōng lái hók-sāi i. ⁴Tī Iā-hô-hoa ê tiān-lāi khí kúi-nā ê toāⁿ; Iā-hô-hoa bat kí chit ê tiān kóng, Goá ê miā beh éng-oán tī Iā-lō·sat-léng. ⁵I tī Iā-hô-hoa ê tiān nng ê īⁿ-lāi, ūi-tióh thiⁿ-téng ê bān-siōng khí toāⁿ. ⁶Koh tī Piān-him-lūn ê soaⁿ-kok, hō· i ê kiáⁿ-jī keng-kè hé, koh khoàⁿ tiāu-thâu, ēng hoat-sút, choè-khiò, ēng thiāu-tāng--ê, chhiáⁿ sai-kong, kiāⁿ choē-choē Iā-hô-hoa só· khoàⁿ-choè pháiⁿ ê sū, kek I siū-khi. ⁷Koh tī Siōng-tè ê tiān-lāi, chhāi i só· chō tiau-khek ê siōng, chit keng tiān sī Siōng-tè bat tui Tāi-pit kap i ê kiáⁿ Só·lō-būn kí i lái kóng, Chit keng tiān kap Iā-lō·sat-léng chiū-sī Goá tī Í-sek-liát chēng chi-phài-tiong só·keng--ê, Goá beh an-ti Goá ê miā tī-hia kàu éng-oán. ⁸Í-sek-liát lāng nā chip-siú lái kiāⁿ Goá it-chhè só· bēng-lēng in ê. chiū-sī Goá thok Mô·se só· thoán it-chhè ê hoat-tō·, lút-lē, lé-gī, Goá chiū bô koh í-soá in ê kha lī-khui Goá só· tiāⁿ-tióh hō· lín liát-chó· ê toē. ⁹Má-ná-se bē-hék Iū-tāi kap Iā-lō·sat-léng khiā-khi ê peh-siⁿ, tì-kàu in kiāⁿ pháiⁿ pí Iā-hô-hoa tī Í-sek-liát lāng ê bīn-chēng só· biát ê liát-kok koh-khah siōng-tiōng.

¹⁰Iā-hô-hoa hoan-hù Má-ná-se kap i ê peh-siⁿ, chóng-sī in bô beh thiaⁿ. ¹¹Só·-í Iā-hô-hoa hō· A-sút ông ê kun-tiúⁿ lái kong-kek in, ēng kau kau-tióh Má-ná-se, ēng tâng-liān pák i, toà kàu Pa-pí-lūn. ¹²I tī hoān-lān ê sī, chiū khún-kiū Iā-hô-hoa i ê Siōng-tè, koh tī i ê liát-

chó· ê Siōng-tè ê bīn-chēng kék-kī khiam-pi. ¹³I kiū-kiò I, Siōng-tè chún i só· kiū, thiaⁿ i kī-tó, hō· i tò-lāi Iā-lō·sat-léng, iū-goān chē i ê kok-ūi; Má-ná-se chiaⁿ chai Iā-hô-hoa sī Siōng-tè.

¹⁴Chit-tiáp liáu-āu Má-ná-se khí chhiūⁿ tī Tāi-pit ê siāⁿ-goā, tī Kì-hūn ê sai-pēng, tī soaⁿ-kok-lāi, kàu Hī-mūg ê mūg-kháu, ūi-sēh Gō-húi-lék, chhiūⁿ khí chin koaiⁿ, koh siat-lip kun-tiúⁿ tī Iū-tāi hiah ê kian-kò· ê siāⁿ-lāi. ¹⁵Koh tui Iā-hô-hoa ê tiān tū-khi hiah ê goā-pang ê siōng-tè kap ngó·siōng; koh tī Iā-hô-hoa tiān ê soaⁿ, kap Iā-lō·sat-léng só· khí hiah ê toāⁿ, lóng hiat tī siāⁿ-goā. ¹⁶Koh khí Iā-hô-hoa ê chē-toāⁿ, tī toāⁿ-téng hiàn siā-un-chē, kám-siā-chē, bēng-lēng Iū-tāi lāng hók-sāi Iā-hô-hoa Í-sek-liát ê Siōng-tè. ¹⁷Chóng-sī peh-siⁿ iū-goān tī soaⁿ-thâu-toāⁿ hiàn-chē, tók-tók hiàn hō· Iā-hô-hoa i ê Siōng-tè nā-tiāⁿ. ¹⁸Má-ná-se kī-ū ê sū, kap i kī-tó Siōng-tè ê oē, kap sian-kiàn hōng Iā-hô-hoa Í-sek-liát ê Siōng-tè ê miā tui i kóng hiah ê oē, lóng kì tī Í-sek-liát chiaⁿ ê ông ê kì-liók. ¹⁹I ê kī-tó, kap Siōng-tè cháíⁿ-iūⁿ ún-chún i, i bē khiam-pi í-chēng ê choē-koà kè-sit, kap khí soaⁿ-thâu-toāⁿ, siat-lip hiah ê A-siā-lāh kap tiau-khek ngó·siōng hiah ê só·-chāi, lóng kì tī Hô-sài ê sú-kì. ²⁰Má-ná-se kap i ê liát-chó· tâng khùn, bài-chòng tī ka-kī ê kiong-lāi; i ê kiáⁿ A-būn soà-chiap i choè ông.

²¹A-būn chē-ūi ê sī, jī-cháp-jī hē, tī Iā-lō·sat-léng choè ông lék-kè nng nī. ²²I kiāⁿ Iā-hô-hoa só· khoàⁿ-choè pháiⁿ ê sū, óh i ê lāu-pē Má-ná-se só· choè ê, A-būn chē-sū i ê lāu-pē Má-ná-se só· chō hiah ê tiau-khek ê ngó·siōng lái hók-sāi i. ²³Bô ka-kī khiam-pi tī Iā-hô-hoa ê bīn-chēng, chhin-chhiūⁿ i ê lāu-pē Má-ná-se ê ka-kī khiam-pi; chit ê A-būn ná-kú ná

hoān-choē. ²⁴I ê jîn-sîn poē-poàn i, thái-sí i tī ông-kiong-lāi. ²⁵Chóng-sī kok-bín thái-sí hiah ê poē-poān A-bún ông ê lāng; kok-bín chiū siat-líp i ê kiáⁿ Iok-se-a soà-chiap i choē ông.

34 Iok-se-a chē-ūi ê sī, poeh hē, tī Iā-lō-sat-léng choē-ông kiōng saⁿ-cháp-it nī. ²I kiāⁿ Iā-hô-hoa sóⁿ khoàⁿ-choē hó ê sū, kiāⁿ i ê chóⁿ Tāi-pít it-chhè ê lōⁿ, bô phian chóⁿ iū. ³I choē ông tē-poeh nī, iáu-kú siàu-liân, khí-thâu chhē i ê chóⁿ Tāi-pít ê Siōng-tè; kàu chap-jī nī khí-thâu chheng-khì Iū-tāi kap Iā-lō-sat-léng, tū-khì soaⁿ-thâu-toāⁿ, kap hiah ê A-sià-láh, tiau-khek ê siōng kap chù-chō ê siōng. ⁴In tī i ê bín-chēng húi-hoāi hiah ê Palèk ê toāⁿ, i chhò-tng toāⁿ-téng koāiⁿ-koāiⁿ ê jít-siōng, koh phah-chhùi hiah ê A-sià-láh kap tiau-khek ê siōng, kap chù ê ngóⁿ-siōng, tūi--i choē-hún, iā tī bat chē-sū i--ê ê bōng; ⁵chiong in ê chē-si ê kut-thâu sio tī in ê toāⁿ-téng, chheng-khì Iū-tāi kap Iā-lō-sat-léng. ⁶Tī Máná-se, Í-hoat-liân, Se-biān, kàu tī Ná-hut-tha-lī hiah ê siāⁿ, kap sī-ūi phoà-hoāi ê sóⁿ-chāi, lóng iā án-ni kiāⁿ. ⁷Koh thiah-húi chē-toāⁿ, phah-chhùi A-sià-láh kap tiau-khek ê siōng chiāⁿ-choē hún, chhò-tng Í-sek-liát piàn-toē sóⁿ ū ê jít-siōng, chiū tò-khì Iā-lō-sat-léng.

⁸Iok-se-a ông chap-poeh nī, chheng-khì toē chheng-khì tiān í-āu, chiū chhe A-sat-lī-ngá ê kiáⁿ Sa-hoan, siāⁿ-siú Má-se-ngá, sú-koaⁿ Iok-hap-su ê kiáⁿ Iok-a, khì siu-lí Iā-hô-hoa i ê Siōng-tè ê tiān. ⁹In chiū khì kīⁿ chē-si-thâu Hi-lèk-ka, chiong sóⁿ ū hiàn tī Siōng-tè tiān ê gún kau i; chit ê gún sī kòⁿ-mng ê Lī-bī lāng, tui Máná-se, Í-hoat-liân, kap it-chhè Í-sek-liát chhun ê lāng, í-kíp Iū-tāi, Piān-ngá-bín chēng-lāng, kap Iā-lō-sat-léng khiā-khí ê peh-siⁿ siu-lāi--ê. ¹⁰In chiong hit ê gún kau-

hōⁿ koán-lí Iā-hô-hoa tiān choē-kang lāng ê chhiú, choán-kau Iā-hô-hoa tiān choē-kang ê lāng siu-lí tiān hōⁿ i hó-sè. ¹¹Chiū-sī kau hōⁿ bák-chhiūⁿ, khí-chō--ê, hōⁿ in boé kè-phah ê chiòh, kap liân-lòk ê chhā-liāu, siu-lí Iū-tāi ông sóⁿ húi-hoāi hiah ê chhù. ¹²Hiah ê lāng chīn-tiong choē-kang; tok-kang--ê sī Lī-bī lāng Bí-láh-lī ê kiáⁿ-sun Ngá-hap, Gô-pa-tí; tok-chhui--ê sī Ko-hat ê kiáⁿ-sun Sat-ka-lī-a, Bí-su-lān, koh ū chok-gák ê Lī-bī lāng. ¹³In iā koán-lí hiah ê taⁿ-teh ê lāng tok-chhui it-chhè choē-kang ê, bô-lūn choē sím-mih kang; Lī-bī lāng ū--ê choē su-kì, choē iú-si, choē koán-mng--ê. ¹⁴In chiong sóⁿ ū hiàn tī Iā-hô-hoa tiān ê gún toà chhut-khì ê sī, chē-si Hi-lèk-ka ngóⁿ-jiān tit-tiòh Môⁿ-se sóⁿ thoān Iā-hô-hoa lút-hoat ê chheh. ¹⁵Hi-lèk-ka in su-kì Sa-hoan kóng, Goá tī Iā-hô-hoa tiān-lāi ngóⁿ-jiān tit-tiòh lút-hoat ê chheh. Hi-lèk-ka chiū chiong chhe kau hōⁿ Sa-hoan. ¹⁶Sa-hoan chiū toà chheh khì ông hia, koh hē-hok ông kóng, Kīⁿ-nā lí sóⁿ thok-tiōng lí ê lôⁿ-pók--ê in teh choē i. ¹⁷Sóⁿ tit-tiòh tī Iā-hô-hoa tiān ê gún lóng piāⁿ-chhut-lāi, kau hōⁿ tok-kang--ê, kap choē-kang lāng ê chhiú. ¹⁸Su-kì Sa-hoan koh tui ông kóng, Chē-si Hi-lèk-ka ū thēh chit pún chheh hōⁿ goá; Sa-hoan tī ông ê bín-chēng tiah thak i. ¹⁹Ông thiaⁿ-kīⁿ lút-hoat ê oē, chiū thiah-līh i ê saⁿ. ²⁰Ông hoan-hù Hi-lèk-ka kap Sa-hoan ê kiáⁿ A-hi-kam, Bí-ka ê kiáⁿ A-pí-tùn, su-kì Sa-hoan, kap ông ê kún-sin A-sat-ngá, kóng, Lín khì ūi goá, ūi Í-sek-liát kap Iū-tāi sóⁿ lâu ê peh-siⁿ, chiong sóⁿ khiòh-tiòh chit pún chheh ê oē mng Iā-hô-hoa; in-ūi Iā-hô-hoa ê siū-khì toā-toā piāⁿ-lòh tī lán, sī ūi-tiòh lán ê liát-chóⁿ bô siú Iā-hô-hoa ê oē, bô chiàu chit pún chheh it-chhè sóⁿ kì-chài--ê khì kiāⁿ.

²²Tui án-ni, Hi-lèk-ka kap ông sóⁿ thok ê

lâng, lóng khi kìⁿ lú sian-ti Hō·lèk-tāi; i sī Hap-su-láh ê sun, Tô-khó-hap ê kiáⁿ, koán-lí lé-hók hit ê Sa-liông ê bó·. I tiàm tī Iâ-lō·sat-léng tē-jī khu; in chiong chit ê ì-sù kā i kóng. ²³I ìn in kóng, Iâ-hô-hoa Í-sek-liát ê Siōng-tè án-ni kóng, Lín khi hê-hok hit ê chhe lín lâi kìⁿ goá ê lâng kóng, ²⁴Iâ-hô-hoa án-ni kóng, Khoàⁿ ah, goá beh kàng chai-ē tī chit só·chāi, í-kip tī chia khiā-khí ê peh-sìⁿ, chiū-sī in thak tī Iû-tāi ông bîn-chêng ê chheh só· kì-chài hiah ê chiū-chó·. ²⁵In-ūi in khi-sak Goá, sio-hiuⁿ tī pát ê Siōng-tè, ēng in ê chhiú só·choè-ê kek Goá ê siū-khì; só·í Goá ê toā siū-khì piàⁿ-lòh tī chit só·chāi, bô soah. ²⁶Chóng-sī chhe lín lâi m̄ng Iâ-hô-hoa ê Iû-tāi ông, lín tiòh án-ni kā i kóng, Iâ-hô-hoa Í-sek-liát ê Siōng-tè án-ni kóng, Lūn-kàu lí só·thiaⁿ-kìⁿ ê oē, lí ê sim chiū n̄ng, ka-kī khiam-pi tī Siōng-tè ê bîn-chêng, in-ūi lí thiaⁿ-kìⁿ I só· kóng kong-kek chit só·chāi kap tī chia khiā-khí ê peh-sìⁿ ê oē, hit-sī lí tī Goá ê bîn-chêng ka-kī khiam-pi, koh thiah-lih lí ê saⁿ, tī Goá ê bîn-chêng thī-khau, Goá í-keng thiaⁿ-kìⁿ lí; che sī Iâ-hô-hoa kóng ê. ²⁸Goá beh hō· lí kui lí ê liát-chó·, lí beh pêng-an kui-bōng; Goá só· beh kàng-lòh tī chit só·chāi kap tī chia khiā-khí ê peh-sìⁿ it-chhè ê chai-ē, lí ê bák-chiu tek-khak boē khoàⁿ-kìⁿ. In chiū tò-túg khi hê-hok ông.

²⁹Ông chiū chhe lâng chū-chip Iû-tāi kap Iâ-lō·sat-léng ê chêng tiúⁿ-lô. ³⁰Ông chiū chiūⁿ-khì Iâ-hô-hoa ê tiān; Iû-tāi chêng-lâng kap khiā-khí Iâ-lō·sat-léng ê peh-sìⁿ, kap chē-si Lī-bī lâng, kap chêng peh-sìⁿ, bô-lūn toā-soè, lóng kap i khi. Ông chiū chiong Iâ-hô-hoa tiān-lāi ngó·-jiân tit-tiòh iok ê chheh, it-chhè ê oē thak hō· in thiaⁿ. ³¹Ông khiā tī i ê ūi, tī Iâ-hô-hoa ê bîn-chêng līp-iok, beh

chīn-sim chīn-sèng sūn-thàn Iâ-hô-hoa, siú I ê kài-bēng, kap kan-chèng ê oē, kap lút-lē, lâi chiāⁿ chit pún chheh só· kì līp-iok ê oē. ³²I hō· Iâ-lō·sat-léng kap Piān-ngá-bín só· ū ê peh-sìⁿ lóng sēng-jīm chit ê iok; tui án-ni Iâ-lō·sat-léng khiā-khí ê peh-sìⁿ chiàu Siōng-tè ê iok lâi kiāⁿ, chiū-sī in liát-chó· ê Siōng-tè. ³³Iok-se-a chiong siók Í-sek-liát lâng hiah ê toē, it-chhè khó·-òⁿ--ê lóng tū-khì, koh hō· só· ū tī Í-sek-liát ê lâng hók-sāi Iâ-hô-hoa in ê Siōng-tè. Tng Iok-se-a tī-teh ê jīt, peh-sìⁿ thàn Iâ-hô-hoa in liát-chó· ê Siōng-tè, lóng bô lī-khui.

35 Iok-se-a tī Iâ-lō·sat-léng siú poāⁿ-kè-choeh hók-sāi Iâ-hô-hoa; chiaⁿ-gêh chấp-sì jīt, peh-sìⁿ thài poāⁿ-kè-choeh ê iūⁿ-á. ²Ông phải chiaⁿ ê chē-si tng in ê chit, koh bián-lē in choè Iâ-hô-hoa tiān ê kang. ³Koh tui hiah ê kui tī Iâ-hô-hoa choè-sēng, kà-sī Í-sek-liát lâng ê Lī-bī lâng, kóng, Lín tiòh chiong sēng ê iok-kui hē tī Í-sek-liát ông Tāi-pit ê kiáⁿ Só·lô-bun só· khí ê tiān-lāi, m̄-bián lín ēng keng-thâu kng. Taⁿ lín tiòh hók-sāi Iâ-hô-hoa Lín ê Siōng-tè, kap I ê peh-sìⁿ Í-sek-liát. ⁴Lín tiòh ka-kī pī-pān, chiàu lín ê chong-chók, lín ê pan-liát thàn Í-sek-liát ông Tāi-pit só· kì ê, kap i ê kiáⁿ Só·lô-bun só· kì ê. ⁵Khiā tī sēng ê só·chāi chiàu lín ê hiaⁿ-tī chiū-sī chit ê peh-sìⁿ chong-chók ê pāng-thâu, tiòh ū Lī-bī lâng chong-chók ê chit-chó· lâi hók-sāi i. ⁶Tiòh thài poāⁿ-kè-choeh ê iūⁿ-ko, ka-kī chheng-khì; ūi-tiòh lín ê hiaⁿ-tī pī-pān hó-sè, thang chiàu Iâ-hô-hoa thok Mô·se só·kóng-ê lâi kiāⁿ.

⁷Iok-se-a tui kui-kūn ê tiong-kan, mī-iūⁿ-á kap soaⁿ-iūⁿ-á kiōng saⁿ-bān chiaⁿ kap gū-káng saⁿ-chheng chiaⁿ hō· lóng-chóng saⁿ-kap tī-teh ê peh-sìⁿ choè poāⁿ-kè-choeh ê mih.

Chiah-ê sī tùi ông ê sán-giáp chhú--ê. ⁸I hiah ê siú-léng iā hoaⁿ-hí chhut hō· peh-sìⁿ kap chè-si kap Lī-bī lāng. Hiah ê koán-lí Siōng-tè ê tiān ê Hi-lék-ka, Sat-ka-lī-a, Iā-iat, ēng iūⁿ-á nng-chheng lāk-pah chiah, gū saⁿ-pah chiah, hō· chè-si choè poāⁿ-kè-choeh ê chè. ⁹Lī-bī lāng hiah ê thâu-bák Ko-lâm-ngá, kap i ê hiaⁿ-tī Sī-má-ngá, Ná-thán-giáp, kap Hap-sa-pí-ngá, Iā-lī, Iok-sat-poát, ēng iūⁿ-á gō·-chheng chiah, gū gō·-pah chiah, hō· Lī-bī lāng choè poāⁿ-kè-choeh ê chè-mih. ¹⁰Án-ni hók-sāi ê tãi-chì lóng pī-pān piān. Chè-si khiā tī i ê ūi, Lī-bī lāng khiā tī in ê pan-liát, chiàu ông só· bēng-lēng ê. ¹¹In thài poāⁿ-kè-choeh ê iūⁿ-á, chè-si tùi in ê chhiú chih huìh lâi hiù, Lī-bī lāng pak hiah ê phê; iā chiong sio-chè i-soá i, thang chiàu peh-sìⁿ chong-chók ê pāng-thâu pun hō· in thang hiàn-hō· Iā-hô-hoa, chiàu Mô-se ê chheh só· kì ê; chhú-tì hiah ê gū iā sī án-ni. ¹³In chiàu tiāⁿ-tiòh ê lē, ēng hé pek poāⁿ-kè-choeh ê iūⁿ-á; hiah ê chè-mih ēng tiáⁿ, ēng e, ēng poah, chú-i; kín-kín toà khi hō· cheng peh-sìⁿ. ¹⁴Jiân-āu ūi ka-kī kap chè-si pī-pān, in-ūi chè-si A-lún ê kiáⁿ-sun choan-bū hiàn sio-chè kap iū, kàu ê-hng. Só·í Lī-bī lāng ūi ka-kī, iā ūi chè-si A-lún ê kiáⁿ-sun pī-pān i. ¹⁵Chhiūⁿ-koa--ê A-sat ê kiáⁿ-sun, khiā tī in ê ūi, chiàu Tāi-pit, A-sat, Hi-bān, kap ông ê sian-kiàn--ê Iā-tō-tùn só· bēng-lēng; kò-mng ê lāng kò-siú ták ê mng; in m-bián lī-khui in ê kang, in-ūi in ê hiaⁿ-tī Lī-bī lāng thoè in pī-pān. ¹⁶Tng hit-jit hók-sāi Iā-hô-hoa ê tãi-chì lóng pī-pān, iā siú poāⁿ-kè-choeh, iā hiàn sio-chè tī Iā-hô-hoa ê toāⁿ, chiàu Iok-se-a ông só· bēng-lēng. ¹⁷Hit-sī saⁿ-kap tī-hia ê Í-sek-liát lāng siú poāⁿ-kè-choeh, iā siú tū-kàⁿ-choeh lék-kè chhit-jit. ¹⁸Tùi sian-ti Sat-bó-jīⁿ ê jit í-āu, tī

Í-sek-liát tiong bô-ū chhin-chhiūⁿ chit-tiáp só· siú ê poāⁿ-kè-choeh; koh Í-sek-liát liát-ông iā lóng bô siú poāⁿ-kè-choeh chhin-chhiūⁿ Iok-se-a, kap chè-si kap Lī-bī lāng, í-klp saⁿ-kap tī-teh ê Iū-tāi kap Í-sek-liát lāng kap Iā-lō-sat-léng khiā-khi ê peh-sìⁿ só· siú ê. ¹⁹Tī Iok-se-a choè ông chấp-poeh nī, chiū siú chit ê poāⁿ-kè-choeh.

²⁰Chiah ê tãi-chì í-āu, Iok-se-a í-keng siu-chéng tiān bēng-pék, ū Ai-klp ông Nī-ko chiūⁿ-lāi, beh phah Pek-lāh hô-piⁿ ê Ka-ki-bí-si. Iok-se-a chhut-khi tí-tng i. ²¹I chhe sù-chiá lâi kìⁿ Iok-se-a kóng, Iū-tāi ông ah, goá kap lí sím-mih kan-siáp? goá kin-á-jit lâi m-sī beh kong-kek lí, chiū-sī beh kong-kek kap goá kau-chiàn ê ke; koh Siōng-tè hoan-hù goá tiòh koáⁿ-kín, lí bók-tit chhap Siōng-tè ê sū, bián-tit I châu-biát lí; in-ūi Siōng-tè kap goá tī-teh. ²²Chóng-sī Iok-se-a m-khéng oát-túg lī-khui i, kái-chong beh kap i kau-chiàn, m-thiaⁿ Siōng-tè thok Nī-ko só· kóng-chhut ê oē, chiū lâi kàu Bí-kiat-to ê soaⁿ-kok kau-chiàn. ²³Siā-chiⁿ ê lāng siā--tiòh Iok-se-a ông; ông tùi i ê jîn-sîn kóng, Toà goá chhut-khi, in-ūi goá siū tâng-siong lah. ²⁴I ê jîn-sîn hū i chhut hit tiuⁿ chhia, hē tī i tē-jī tiuⁿ chhia, chài i kàu Iā-lō-sat-léng; i chiū sí, bài-chòng i tī i ê liát-chó· hiah ê bōng. Iū-tāi kap Iā-lō-sat-léng lóng ūi-tiòh Iok-se-a pi-ai. ²⁵Iā-lī-bí ūi Iok-se-a ai-siong; hiah ê chhiūⁿ-koa ê lâm-lú tī in ê ai-sū lóng ū kóng-khi Iok-se-a kàu tī kin-á-jit; koh tī Í-sek-liát tiong ēng chiah-ê choè tiāⁿ-tiòh ê lē. Khoàⁿ ah, hiah-ê lóng kì tī ai-sū tiong. ²⁶Iok-se-a kī-ū ê sū, kap i chiàu Iā-hô-hoa lút-hoat só· kì lâi kiāⁿ ê hó-sū; ²⁷kap i tùi-thâu kàu-bé só·-kiāⁿ ê sū, khoàⁿ ah, lóng kì tī Í-sek-liát kap Iū-tāi liát-ông ê kì-liók.

36 Kok-bīn ēng Iok-se-a ê kiáⁿ Iok-hap-su

siat-líp choè ông, tī Iâ-lō·sat-léng soà-chiap i ê lâu-pē. ²Iok-hap-su chē-ūi ê sī, jī-cháp-saⁿ hē, tī Iâ-lō·sat-léng choè ông lèk-kè saⁿ-gêh jlt. ³Ai-kíp ông tī Iâ-lō·sat-léng hoè i, koh hoát hit kok chìn-kòng gūn chít-pah tha-liân-tek, kim chít tha-liân-tek. ⁴Ai-kíp ông siat-líp i ê hiaⁿ Í-lī-ngá-kèng choè Iû-tāi kap Iâ-lō·sat-léng ê ông, oāⁿ i ê miâ kiò Iok-ngá-kèng; Nī-ko toà i ê sió-tī Iok-hap-su kàu Ai-kíp.

⁵Iok-ngá-kèng chē-ūi ê sī, jī-cháp-gō· hē, tī Iâ-lō·sat-léng choè ông kiōng cháp-it nī; kiāⁿ Iâ-hô-hoa i ê Siōng-tè só· khoàⁿ-choè pháiⁿ ê sū. ⁶Pa-pí-lūn ông Nī-pò·kah-nī-sat chiūⁿ lâi kong-kek i, ēng tâng-liân pāk i, beh toà i kàu Pa-pí-lūn. ⁷Nī-pò·kah-nī-sat koh chiong Iâ-hô-hoa tiān-lāi ê khi-kū toà kàu Pa-pí-lūn, hē tī Pa-pí-lūn i ê biō-lāi. ⁸Iok-ngá-kèng kī-ū ê sū, kap i só· kiāⁿ khó·òⁿ ê sū, kap i ê put-chèng, lóng kī tī Í-sek-liát kap Iû-tāi liát-ông ê kī-liók. I ê kiáⁿ Iok-ngá-kun soà-chiap i choè ông.

⁹Iok-ngá-kun chē-ūi ê sī, poeh-hē, tī Iâ-lō·sat-léng choè ông saⁿ-gêh-jlt liân cháp-jlt; kiāⁿ Iâ-hô-hoa só· khoàⁿ-choè pháiⁿ ê sū. ¹⁰Kè-nī Nī-pò·kah-nī-sat chhe lāng toà i kap Iâ-hô-hoa tiān-lāi hiah ê pó-poè ê khi-kū kàu Pa-pí-lūn; chiū siat-líp i ê chek Se-tí-ka choè Iû-tāi kap Iâ-lō·sat-léng ê ông.

¹¹Se-tí-ka chē-ūi ê sī, jī-cháp-it hē, tī Iâ-lō·sat-léng choè ông kiōng cháp-it nī. ¹²I kiāⁿ Iâ-hô-hoa i ê Siōng-tè só· khoàⁿ-choè pháiⁿ ê sū; sian-ti Iâ-lī-bí ēng Iâ-hô-hoa só· hoan-hù-ê thoan hō· i, i iû-goan bô ka-kī khiam-pi tī i ê bīn-chèng. ¹³Nī-pò·kah-nī-sat ông bat kah i kī Siōng-tè lâi chiū-choā; chóng-sī i poē-poān, ngī i ê ām-kún, kò·chip i ê sim, m̄ kui-sūn Iâ-hô-hoa Í-sek-liát ê Siōng-tè. ¹⁴Koh hiah ê chē-si ê thâu-bák kap peh-siⁿ iā hoān toā-choē, òh

goā-pang it-chhè khó·òⁿ ê sū, phah lâ-sâm Iâ-hô-hoa tī Iâ-lō·sat-léng hun-piat choè-sèng ê tiān. ¹⁵Iâ-hô-hoa in liát-chó· ê Siōng-tè thok I hiah ê sù-chiá, chhe in khi peh-siⁿ hia, sī thau-chá khí-lâi chhe i; in-ūi I līn-bín I ê peh-siⁿ kap I khiā-khí ê só·chāi. ¹⁶Chóng-sī in thí-chhiò Siōng-tè ê sù-chiá, biáu-sī I ê oē, kī-chhi I ê sian-ti, tít-kàu Iâ-hô-hoa toā siū-khì I ê peh-siⁿ, bô hoat-tō· thang i-tī.

¹⁷Só·í Siōng-tè chhoā Ka-lék-tí lāng ê ông lâi kong-kek in, tī in sèng-só· ê chhù ēng to thāi-sí in ê siāu-liân lāng, bô līn-bín in siāu-liân ê ta-po·teng, á-sī chāi-sek-lú, lâu kap pēh-thau-mŋg--ê; Siōng-tè chiong in lóng kau tī i ê chhiú. ¹⁸I koh chiong Siōng-tè ê tiān toā-soè ê khí-kū, kap Iâ-hô-hoa tiān-lāi ê chāi-pó, í-kíp ông kap hiah ê siú-léng ê chāi-pó, lóng toà kàu Pa-pí-lūn. ¹⁹In sio Siōng-tè ê chhù, thiah-húi Iâ-lō·sat-léng ê siāⁿ-chhiūⁿ, ēng hé sio hiah ê kiong-tiān, húi-hoāi hiah ê pó-poè ê khí-kū. ²⁰Kīⁿ-nā thoat-lī to-kiām ê, i toà in kàu Pa-pí-lūn; in choè i kap i ê kiáⁿ-sun ê lô·pók, kàu Pho-su kok heng-khí. ²¹Che sī èng-giām Iâ-hô-hoa thok Iâ-lī-bí só· kóng ê oē, thēng-hāu thó·-toē hióng-siū i ê an-hioh; in-ūi i pha-hng ê siú an-hioh, kàu moá chhit-cháp nī.

²²Tng Pho-su ông Kó·liát goān--nī, in-ūi beh èng-giām Iâ-hô-hoa thok Iâ-lī-bí só· kóng ê oē, Iâ-hô-hoa chiū kek-tōng Pho-su ông Kó·liát ê sim, hō· i soan-pò· tī thong-kok, koh siá i, kóng, ²³Pho-su ông Kó·liát án-ni kóng, Thiⁿ-téng ê Siōng-tè Iâ-hô-hoa chiong thiⁿ-ē ê bān-kok siúⁿ-sù goá; koh bēng-lēng goá tī Iû-tāi ê Iâ-lō·sat-léng ká I khí tiān. Lín tiong-kan kīⁿ-nā choè I ê peh-siⁿ ê, thang chiūⁿ-khì, goān Iâ-hô-hoa i ê Siōng-tè kap i tī-teh.